

বে-ইমান

শ্রীব্রজমোহন দাশ


প্রকাশক—শ্রী রাজেন্দ্রনাথ আচা
কমলিনী-সাহিত্য-মন্দির
৫, মাউথ রোড, ইটালী, কলিকাতা

দ্বিতীয় সংস্করণ
অধিন—১৩৪১


একটাকা

প্রিটার—শ্রী মহেশচন্দ্র পাত্র
অবসর প্রেস
৩৪, কালীদুর্গ স্ট্রিট, কলিকাতা

উপহার



কমলিনী-সাহিত্য-মন্দির
হইতে প্রকাশিত
হইবে'



পরে প্রকাশিতব্য

বাংলার তাজা-তরুণ লেখক
সুপ্রিয় সোমের.
প্রিন্সাণ্ড দেবতা
যন্ত্রস্থ

কমলিনী-
সাহিত্য-মন্দির

যশেন্দ্রহারভূষিতা সুলেখিকা
শ্রীমতী প্রভাবতী দেবী সরস্বতীর
মানের আশীর্বাদ
শিখাই প্রকাশিত হইবে।

১৩ রাজার ঐশ্বর্য্য অনাথের কুঁড়ে ঘরের মাঝখানে
যেদি এসে দাঁড়ালো সেদিন তার চির-আধার বুকখানা
সহনা আলোয় আলোয় ভ'রে উঠলো। পাড়ার লোকে
জিজ্ঞাসা ক'ল্লে “অনাথ এ-রত্ন তুমি কোথায় পেলে?”

অনাথ একটুখানি হেসে ব'ল্লে “ওগো ছোট-বড়, এ
কি আর একটুখানি তপস্শায় পেয়েছি, মাণিক পাবার
আশায় যুগ যুগ সাগরের পারে ব'সে কাটিয়েছি—আজ
কোন বিধুতার আশীর্বাদে অসীম সাগর শুকিয়ে গেছে,
তাই হতভাগা অনাথের ঘরে লক্ষ্মীরূপে লক্ষ্মী এসে
দেখা দিয়েছে!”

সত্যই তো লক্ষ্মী-রে !—সমুদ্রমহুনে যা কিছু বৈভব
—যা কিছু অ-মৃত তা তোরই অঁদৃষ্টে উঠেছে রে !

অনাথ শাঁখারি । শাঁখ্ কেটে ‘সতী-শোভন’ শাঁখা
তৈরী ক’রে সে পাড়ায় পাড়ায় ফিরি ক’রে আস্ত ।
সব গেরস্তেরই দ্বারে দাঁড়িয়ে সে বলত “কই গো মা
গৌরী—এস না মা—সতীরানি, তোর হাতে ‘পতিব্রতা’
শাঁখা তুলতে, তোর শাঁখারি ছেলে দোর্-গোড়ায় দাঁড়িয়ে
র’য়েছে—আয় গো !”

এমনূতর ডাক্কে অমান্ত ক’রতে—এত বড় সৌভাগ্যের
আহ্বানকে তুচ্ছ ক’রতে এ দেশের মেয়েগুলো কোনদিনই
পারে না ; তাই যার হাতে শাঁখা আছে সেও আস্তো,
যার নেই সেও আস্তো ।

অনাথ যত্ন ক’রে সকলের হাতেই শাঁখা তুলে দিত ।
দামের কথা জিজ্ঞাসা ক’লে সে সরল হেসে বলত “এব
। কি আর দাম হয় গো দুর্গে—এর কি মূল্য আছে ? তোর
কিসের অভাব মা সোণার-কাশীর-অধিখরি,—তোর
কাজল ছেলেকে যা দিবি সে তাই হাসি মুখে নেবে ।”

এতে অনাথ ঠোক্তো না বরং পাঁচ-আনার শাঁখা-
জোড়ায় অনেকে পাঁচ-সিকে ফেলে দিয়ে যেত । শুধু
দাম নিয়েই অনাথ নিজের মজুরী-আনা পোষাতো না ;

কেউ দাম দিতে এলেই সে বলতো “এতো তোমার হাত থেকে আমি নিতে পারি'না মা,—এতে যে তোমাদের অকল্যাণ হবে অবুঝ বেটী !” একটা সিঁদে গাজিয়ে তার মাথায় দামটা রেখে আমায় দাও, নইলে শাঁথাকে যে অপমান করা হয়—উনি ব্রাহ্মণ ; শাঁথারিকে চাল পান সুপারি দিলে ওঁকে বরণ করা হয় ।”

এমনি ক'রে সমস্ত দিনের পর অনাথ যখন ঘরে ফিরতো তখন তার চাঙারীটা চাল-ডাল-আনাঙ্গে ফোঁস ফোঁস করতো । তার উপর কোমরে-জড়ান রুন্দাবনী চাদরখানার খুঁটে আধুলা পয়সা আনী দুয়ানীতে প্রায় এক আঁজলা হ'তো ।

অনাথের আপনার বলতে কেউ ছিল না ; তাই তাকে এ-নামটা বড় মানিয়েছিল । একটু জ্ঞান হবার পরই তার মা-বাপ তাকে ফাঁকি দিয়ে চ'লে যায় । থাকে কেবল একটা কচি ভাই ; সেও যে বছর ম্যালেরিয়া রাক্ষুসী সাতক্রোশী দেবগ্রামটাকে গিলে ফেলে সে-বছর তারই গর্ভে লয় পেলে । সেই থেকে অনাথ অ-নাথ । কিন্তু অনাথকে ভালবাসার লোকের অভাব ছিল না ; যার সঙ্গে সে একদিন মুখের আলাপ করতো সেই তার দিকে কেমন আসক্ত হ'য়ে পড়তো । পাড়ার সব সংসারই যেন

অনাথের। ফিরিতে বেরোবার মুখে কেউ যদি তাকে জিজ্ঞাসা করতোঃ “অনাথ তোমার কে আছে ?”

অনাথ টক্ ক’রে উত্তর দিতো “কে-নেই ? ন’-পাড়ার নিশাপতি বাড়ুয্যে আমার ঠাকুর, সৈরবী জেলেনী আমার মা আর হরে’ বোষ্টমের মেয়ে ঝাঁপি আমার আপনার বোন !”

এ-কথায় সবাই হাসতো কিন্তু অনাথ এতটুকুও লজ্জা পেতো না বরং রেগে সে তার কথাটার সত্যতা প্রমাণ ক’রতে ডাক্তো “ও ঝাঁপি—ঝাঁপি—ঝাঁপি আমি তোরা কে রে ?”

“দাদা।”

অনাথের বুক তখন পাঁচ-হাত চওড়া হ’য়ে উঠতো। সে সগর্বে মাথাটা চাড়া দিতে গেলে, ফিরির চাঙারীটা নীচে প’ড়ে শাঁখার উপর শাঁখা চূর হ’য়ে যেতো। তবুও তার সেদিকে লক্ষ্য পড়তো না; ডাক্তো “ও ঝাঁপি—ঝাঁপি, আমি তোরা কে রে ?”

দুই

ঝাঁপির বেঁ হ'য়েছিল বরিশালের পাঁচ ক্রোশ দক্ষিণে ।
তার স্বশুররা ছিল চালের আড়তদার—এক কথার-মানুষ ।
তারা যখন আট বছরের ঝাঁপিকে বিয়ে যায়, তখন
উভয় পক্ষের সুবিধার জন্যে এক যুগ অন্তর নিয়ে-যাওয়া
নিয়ে-আনার কড়ার করে । যদিও এই এক যুগের মধ্যে
ঝাঁপির মা, বাপ, ছোট-বোন প্রভৃতি মারা প'ড়েছিল—
যদিও তারা—‘আশা নেই—শীঘ্র পাঠাও’, এ-রকম সব
টেলিগ্রাম পাওয়া সত্ত্বেও তাকে মুখাঙ্গি ক'রতেও পাঠায়
নি, তবুও তাদের কথা নিক্রিতে ওজন করা যেত । ঠিক
বারোটা বছরের পর আট বছরের ঝাঁপি পাঁচ-গুণা বছরে
পা-দিতেই তারা তাকে দেবগ্রামে সঙ্গে ক'রে রেখে
গেল । ঝাঁপি নিজেদের প'ড়ো-ঘরের উঠানে এসে দাঁড়াল,
কেউ বিউড়ী এলো ব'লে তাকে একটাবারও ডাকলে না ।
সে বুঝলে বন্দিনী আজ এক যুগের মুক্তি পেয়েছে বটে
কিন্তু যে স্বাধীন মাঠে সে খেলে হেসে বেড়াবে সেটা যে
আগেই ঈদীর ভাঙনের মুখে খেয়ে গেছে—আজ যে তার
এতটুকু দাঁড়াবার স্থান নেই ! তাই সে চোখের জল
চোখে মুছেই আবার কারা-ঘরেই ফিরে যেতে চাইলে ।

কিন্তু দেওর ব'লে “তা তো হয় না বৌ-ঠান, বাবা ব'লেছেন তার সত্যপালন না হ'লে তিনি তোমাকে ফিরিয়ে নিয়ে যেতে পারবেন না।”

বাঁপির দু'চোখ বেয়ে জল এলো ; তার মনে পড়ে গেল মহাকাব্য রামায়ণের হতভাগিনী সীতা-জননীর কথা—সেও এমনি একদিন, সেদিন বড়-ভায়ের আজ্ঞার দিকে চেয়ে দেওর লক্ষ্মণ অযোধ্যার রাজকুললক্ষ্মীটিকে তমশার পারে নিরাশ্রয়ে রেখে যেতে এতটুকুও দ্বিধা করেন নি !

খড়ো-চালের খানিকটা দাওয়ার উপর উবু হ'য়ে প'ড়েছে, হঠাৎ নৈদিকে বাঁপির নজর প'ড়ে গেল। কি-যেন একটা হারান জিনিষের সন্ধান পেয়ে সে চালাটার কাছে গিয়ে চুপ্‌টা মেরে দাঁড়াল কিন্তু কেমনতর হ'য়ে তার মনটা গেল গুলিয়ে। কত আদ্-ভাঙা ছোট দিনের কথা তার মনে আসে-আসে আসে-না। সে বুকটার ভেতর হাঁচোড়্‌ পঁচোড়্‌ ক'রে দু-একবার চালের বাতায় বাতায় হাত দিয়ে দেখলে ; যেন অনেকদিন হ'লো কি একটা জিনিষ সে এইখানটায় লুকিয়ে রেখে গেছে। খানিক পরে তার হাতে ঠেকলো একটা লাল-রংয়ের-ছোবান ছোট নেকড়ার পুঁটলী। সে ভারী আগ্রহে সেটা যখন খুললে তখন দেখতে

“দাদা, তুমি আমায় আশ্রয় দাও ; আমার কেউ নেই গো

অনাথ সহায়্যে* দাঁড়িয়ে গাম্‌ছার খুঁট থেকে এক-খলো চাবি ঝাঁপির সামনে ফেলে দিলে ; ব’ল্লে “আমার বাস্কে প্যাট্রার চাবি আজ অন্নপূর্ণার হাতে দিলুম্—ব্যস্, আজ থেকে আমার ছুটি—ছুটি দুটি* খেতে দিস্ দিদি—ভিক্ষে ক’রে আনবো, ভাই-বোনে খাব—এক যুগ কেন, সাত যুগ আমার ঘরে বাঁধা থাকো গো লক্ষ্মি !”

ঝাঁপির দেওর একটিবার পিছন ফিরে দেখে বিসর্জনের পালা শেষ ক’রে গেল।



সৈরতী জেলেনীর ছেলে বেচারাম, অনাথের মিতে। তার মাকে তো অনাথ মা ব’ল্‌তোই তার

উপর মননাতলার মাঠে গাঁজার আড্ডাটা খুলবার সময় অনাথ বেচারামের উপর ভারী খুদী হ'য়ে ব'লেছিলো “ওরে গাঁজাখোর, আজ থেকে তুই আমার মিতে—তুই আমার মিতে—” এর পর বেচারাম ‘কিন্তু’ হ'য়ে যতই স'রে যেতে চাইতো, অনাথ ততই কি জানি কিসের গন্ধে—পরিচয়ে—মত্ত হ'য়ে তার দিকে ছুটে আসতো। বেচারামের ধরা দেবার ইচ্ছে থাকলেও সহজে ধরা দিত না; সে জানতো পুকুর বেড়ে' জাল দিয়ে, মাছের টুকনীটা মাথায় ক'রে যাকে হাটের ধারে পশারী ফাঁদতে হয়, তার কি আর অনাথের মত নভ্য ভব্য সজ্জাতের সঙ্গে মিতে-পাতানো চলে? ভিতরের ভিতরটা যাকে সারা দিনমান্ টানছে—বাইরের চক্ষু নয়, অন্তরের চক্ষু যার জন্যে দিন রাত অঘুম নাগরের মত জেগে আছে—ভিতরে বাইরে শত শত আকুল বিহ্বল হাত দিয়ে যাকে নতত ডাকা হ'চ্ছে—আকর্ষণ করা হ'চ্ছে, তার কি আর বেশী দিন পালিয়ে পালিয়ে বেড়াবার শক্তি থাকে?—বন্ধন তো তাকে যেচে নিতেই হয়, তারপর মুক্তি দিলেও আর সে নিতে চায় না; দাঁড়ের

শিকলটা খুলে দিলে বলে “যা দিয়ে বেঁধেছো তাই দিয়ে আরও শক্ত ক’রে বাঁধ, রক্ষনই যে এখন আমার মুক্তি!”—বেচারামের হ’লোও তাই ; যেদিন ঠিক ছুপুর বেলা পিছন থেকে অনাথ এসে তার কোঁছোড় থেকে হঠাৎ একমুঠো মুড়ী নিজের গালে তুলে দিয়ে, তারই দাঁতে-কামড়ানো শশাটা ছিনিয়ে নিয়ে টক্ ক’রে মুখচার ক’রে ফেল্লে, সেদিন আর তার ব’লবার কিছু রইলো না। কেবল তার অন্তরটা একবার শিউরে উঠলো আর চোখ দুটো অচল পাথরের মূর্তির মত অনাথের দিকে চেয়ে রইলো। অনাথ সে-দিকে না দ্রাক্ষপ ক’রে মুঠোর পর মুঠো মুখে তুলতে তুলতে হেসে ব’ল্লে, “ওরে গুহক-মিতে, আজ যা খাওয়ালি তা রাজভোগ—পোড়া খুদ-ভাজা নয় রে!”

বেচারামের মুখে কোন কথাই যোগাল না দেখে অনাথ তার গলায় হাত দিয়ে আবার ব’লতে লাগলো “—হ্যারে আহাম্মোক্ত—হতভাগা—আর কি তোতে আমাতে তফাৎ রইলুম রে—ভিতরটা তো অনেকদিনই জাত্ হারিয়েছিল, আর আজ বারটারও তো কাজ দেখলি—” অনাথ এইবার ব্যাকুল হ’য়ে দু’হাত দিয়ে বেচারামকে

আঁকড়ে ধ'রে প্রাণভ'রে ডাকলে “ও-মিতে—মিতে !”
 “মিতে—”

বেচারাম ছোট এই উত্তরটা দিতে গিয়ে পাগলের মত কেঁদে উঠলো আর অনাথ তাকে বুকের মধ্যে জড়িয়ে ধ'রলে। সেই থেকে বেচারাম অনাথের মিতে।

তারপর যেদিন অনাথ বাঁপির মত রত্নকে কুড়িয়ে পেলে, সেদিনকার রাতটুকু না-পোয়াতে পোয়াতে বেচারামের দোরের গোড়ায় এসে ডাকলে “ও-মিতে—মিতে !”

বেচারাম এই রাতেরই আরম্ভে মনসাতলার মাঠে তার হাজ'রে না পেয়ে ভারী ভাবনায় প'ড়েছিল ; কারণ অতি বড় কিছু না হ'লে অনাথ-চন্দর যে কামাই ক'রবার পাত্র নয় তা সেই আড্ডার সবাই জানতো। অনাথ দু-একবার ডাকতেই ছ্যাৎ ক'রে বেচারামের ঘুম ভেঙে গেল। সে বাইরে এসে হেসে হেসে জিজ্ঞাসা ক'লে “এই ভোরবেলা কার কুঞ্জ থেকে উঠে আসা হ'চ্ছে শুনি ?”—তারপর কি একটা ভঙ্গী ক'রে সে গুন্ গুনিয়ে স্থানিকটা ‘বিচ্ছেন্দর’ শুনিয়ে দিলে। অনাথ তার মুখে ডান হাতটা চাপা দিয়ে ধমক্ মেরে ব'ললে

“বেয়াদপ্ কোথাকার—খাম্—আগে মুখে গাত-চড়ে
রা বেরুতো না, এখন যেম খই ফুটচে—আয়—”

“কোথায় ?”

“কৈফেং দিতে তোমায় পারব না ; যা দেখাবো
তা কখখনো তুমি দেখনি।”

বেচারাম ভাবলে কারো আলুগা পুকুরে বুনি মাছের
সন্ধান পেয়ে, মিতে তাকে এই মুখ-অঁধারীর সময়
লাভের ব্যাসাৎ কোত্তে ডাক্তে এসেছে। সে ভারী
বুদ্ধিমানের মত এক গাল হেসে জবাব দলে “তুমি কি
মনে কর মিতে আমি একবারে মুকুখ্য—কিছু বুঝতে পারি
না ; আর কাকেও ভাগ দিতে হবে না কি ?”

“অনাথ তো সৈদিক দিয়ে যায়নি, কাজেই কিছু
বুঝতে পারলে না—শুধু একবার জিজ্ঞাসা ক’লে
“কিসের ?”

বেচারাম ততক্ষণ মিতের উত্তর অনুত্তরের দিকে
ততটা মায়া না রেখে, মাথাঘুরনৌ জালটা কাঁধে
ফেলে মস্ত বড় শিকারের লোভে বেরিয়ে পড়লো।

রাস্তায় পুকুরের পর পুকুর পেরিয়ে অনাথ যখন
বেচারামকে একবারে তার উঠোনে এনে দাঁড় করালে
তখনও বেচারাম তার ডাইনে বাঁয়ে ভাল ক’রে দেখে

নিলে, সেখানে যদি কোন পুকুরের নক্ষান পাওয়া যায়। কিন্তু যদিকেই সে নজর দিলে, সেদিকে কেবলই খোড়ো ঘর আর তার চূড়ায় চূড়ায় পূব্ আকাশের রঙিন আলো প'ড়েছে। অনাথ একটা পিঁড়ে বেচারামকে ব'সুতে দিয়ে নিজে ধপ্ ক'রে দাওয়ায় ব'সে প'ড়লো; ডাক্লে “ও দিদি—দিদি—তোমার ঘরের চৌকাটে বড়-তামাকের কোক্কেটা আছে দিয়ে যাও তো।”

যখন সেই ডাকে একটি উনিশ কুড়ি বছরের মেয়ে এসে দাওয়ার উপর দাঁড়ালো তখন বেচারামের কাঁধ থেকে আপনা হ'তেই মাছ ধরার জালটা মাটির উপর প'ড়ে গেল। অনাথ গাঁজা টিপ্তে টিপ্তে সেদিকে চেয়ে হো হো ক'রে হেসে উঠলো; ব'ল্লে “বড় লোভী ঐ হতভাগাটা দিদি, দেশ্‌লায়ের একটা কাঠি দিয়ে ঐ সূতোর জালটায় আগুন ধরিয়ে দাও তো তুমি, পরের পুকুরে মাছ চুরি ক'রবার সখ্‌টা মিটে যাক্ ওর।”

বেচারাম কোনই উত্তর না দিয়ে একদৃষ্টে বাঁপির দিকে চেয়ে রইলো। অনাথ এবার অহঙ্কারে ঘাড়টা উচু ক'রে ব'লে ব'সলো “—কেমন মিতে, ঐ রাঙা

পা-ছুটো বেলপাতা চন্নন দিয়ে পূজো ক'র্তে ইচ্ছে করে কিনা—” ফিরে ঝাঁপির নুখের দিকে চাইতে গিয়ে অনাথ জিভ কেঁটে ফেলে। আর ঝাঁপি হাতের গাঁজার কল্কেটা উঠোনের মাঝখানে ছুঁড়ে ফেলে দিলে। অনাথ ভয়ে জড়নড় হ'য়ে গেল; ব'লে “ভুল হ'য়ে যায় দিদি—এ-সব কথা ব'লতে নেই, না?”

বেচারাম এইবার এসে অনাথের পাশে ব'সলো। অনাথ কানে কানে জিজ্ঞাসা ক'লে “বাড়ুঘোদের ছগ্গপিরতিমে দেখেছিলি তো রে—কোন্টা আসল কোন্টা নকল বল দিকি মিতে?”

বেচারাম কিছুই বুঝতে পারলে না। এই মানুষের সঙ্গে কেমন ক'রে যে ছর্গাঠাকুরের মিল হ'তে পারে তা তার ধারণাতেই এলো না। সে ফ্যাল ফ্যাল ক'রে অনাথের দিকে চেয়ে রইল; না-ক'রলে অনাথের এত বড় ঐশ্বর্যটার একটুকু আদর, না তার বরাত্ দেখে হিংসেয় জ্বলে ম'লো! অনাথ বুঝে শুঝে জিজ্ঞাসা ক'লে “তুই ভাল করে বুঝি দেখতে পান্নি, নয় রে মিতে—দিদি—”

ঝাঁপি গোয়ালঘরের পাট ক'রছিল, উঠোনে এসে

দাঁড়ালো। অনাথ এইবার জোর পেয়ে ব'লে “—আলোর দিকে মুখ ক'রে দাঁড়াতো দিদি—অনাথ যা তপিস্থে ক'রে পেয়েছে তা দেখে ওরা চমকে উঠুক—”

তারপর বেচারামের মাথাটা নাড়া দিয়ে ব'লে “এখনও ভাল ক'রে আলো ফোটেনি বুঝলি রে মিতে—দিদি, একবার মাথার কাপড়টা খুলে আমার কাছে যেমন ক'রে দাঁড়াও তেমন ক'রে দাঁড়াও তো—”

ঝাঁপি লজ্জা পেয়ে দৌড়ে পালিয়ে গেল। অনাথ তখনও ডাকের উপর ডাক দিতে লাগলো “শুনে যা দিদি,—এই, পাষণ্ডর চোখে আমি হাত বুলিয়ে দিচ্ছি—তোর কৈলাসের মূর্তিটা দেখিয়ে এই হতভাগাটার জন্মটা সার্থক ক'রে দিয়ে যা!”

চার

ঝাঁপির ছেলেবেলাকার সঙ্গীরা আজ চেহারায় চরিত্রে অবস্থায় অনেকটা বদলে গেলেও, তারা তাকে একেবারে চিন্তে না পারলেও, পাড়ার

পিনী মানী খুড়ী ঠান্দিদির দল তাকে সহজেই চিনে ফেলে। কেউ তার বাপের পোড়ো ভিটেটার দিকে চেয়ে ব'লে “দেবগ্রামে মা তোর মাথা গুঁজ্বার স্থানটুকুও আজ আর নেই রে ঝাঁপি—আহা!” কোন ঠান্দিদি ঠাট্টা ক’রে ব’লে উঠলো, “ভাবনা কি তোমার নাত্নী, বরিশাল তো নেই চোদ্দ নদীর পারে, এখানে একটা ঘর পেতে ব’স্তেই বা কতক্ষণ—” তারপর একটু হেসে কথাটা শেষ ক’লে “—তোমরা তো সবাই জান দিদি, অনাথ ঝাঁপির মায়ের হবু-জামাই!” এই কথাটা শুনে ঝাঁপি লজ্জায় মরে গেল আর যারা এর ইতিহাসটা জানতো তারা নেই কতদিনকার তলিয়ে-পড়া কথাটাকে ফেনিয়ে ফেনিয়ে উপরে ভাসিয়ে তুলতে লাগলো। ঝাঁপির মার ঐ হা-ঘরে’ বাপ-মা-থেকে ছেলেটার উপর একটা বিশেষ লোভ ছিল; লোভ আর কিছুই নয়, মেয়েটাকে তার হাতে তুলে দেওয়া। অনাথের তো কেউ ছিল না, তাকে একটা ভেকু দিয়ে ওদের সমাজে সমান ক’রে নেওয়াও খুব শক্ত হ’তো না; সেও ঐ মেয়েটাকে অন্তর দিয়ে ভালবাসতো। বিয়ের সব ঠিক, এমন সময় ঝাঁপির

মামা এই কথাটা কার মুখে শুনে একদিন আগুন হ'য়ে এসে মেয়েটাকে ছিনিয়ে নিয়ে চলে গেল। কিছুদিন বাদ দেবগ্রামে খবর এলো বাঁপির বিয়ে হ'য়ে গেছে ; তারা কিন্তু বারো বছর মেয়েটাকে এমুখো হ'তে দেবে না। এর পর রোগে শোকে বাঁপির মা যেদিন ম'লো, সেদিন অনাথের হাত দুটো ধ'রে ব'লে গেল—“তোমার ঋণ নিয়ে আমি ম'রছি বাবা—পেটের ছেলেও এত করে না! এ পৃথিবীতে তোমাকে দেবার মত আর তো আমার কিছুই নেই—এ তোমার তোলা রইলো!”

অনাথ কঁাদতে কঁাদতে উত্তর ক'রেছিল “মা গেছে জানতে পারিনি—আজ্কে সত্যিই আমি মাতৃহারা হ'লুম মা--দেনা-পাওনার কথা এখানে তো আর উঠতে পারে না!”

অনাথ ষোল বছর বয়েস থেকে উপায় ক'চ্ছে। হরে' বোষ্টমের ডানু পা-টা যখন পক্ষাঘাতে একেবারে পঙ্গু হ'য়ে গেল, তখন বাঁপি ছ-বছরের। তখন থেকে বরাবরি অনাথ ওদের সংসারটা চালিয়ে এসেছে। ঐ কথাগুলোই মনে ক'রে মরুবার দিনে হরে' বোষ্টমও যন্ত্রণায় ছট-ফট ক'রেছিল।

এই কথাগুলো যতই সবাই মিলে নাড়াচাড়া দিতে লাগলো ততই বাঁপির বুক ফেটে প্রস্রবণের মত জলের ধারা চোখ দিয়ে নেমে এলো।

কথার স্রোতে কথা আসে। নিশাপতি বাঁড়ুঘোর মেয়ে কি কথাটায় টক্ ক'রে ব'লে ফেলে “অনাথ দাদাও কম দুষ্ট নয়, বৌটাকে নিয়ে ঘরই ক'লে না—উঃ সে কি মার—”

বাঁপি এবার চমকে উঠলো; আন্তে আন্তে জিজ্ঞাসা ক'লে “বউ•?”

“হ্যা—গো—অনাথ দাদার—”

ঠান্দিদি এবার হেনে স্পষ্ট ক'রে ব'লে “তাই তো ব'ল্ছিলুম্ নাত্নী রাম-রাজত্ব! এখন তোমারি সব—”

এই কথায় আনর জুড়ে একটা হাসি উঠলো আর বাঁপি ছায়ের মত দাদা হ'য়ে গেল। সে ট'লে যার গায়ে ঢ'লে প'ড়লো সে দীন্না ঘোষের মেয়ে ক্ষ্যান্ত। ক্ষ্যান্ত তার মাথাটায় আন্তে আন্তে হাত বুলোতে লাগলো।

ক্ষ্যান্তর কোল থেকে বাঁপি যখন মুখ তুললে তখন যেন সে পরিত্যক্ত যুদ্ধক্ষেত্রে আহত সৈনিকের

মত নিরাশায় বড় কাতর হ'য়ে পড়েছে। যারা নৈমন্ত্যনামস্ত নিয়ে বিদ্রোহ কর্তে এনেছিল তারা তো তার প্রত্যেক হাড়টার উপর—প্রত্যেক শিরাতীর উপর জয় চিহ্নিত ক'রে, তার অধিকারের নিশানটা কেড়ে নিয়ে চ'লে গেছে। বাকি আছে কেবল তার এই ক্ষত বিক্ষত বুকখানার ভিতর বাঁচবার মত নিশ্চেনটুকু। তাও বুঝি আর একটা কথার বিমাত্ত হাউইয়ের জ্বাণে বন্ধ হয়ে যায়! তাই ভয়ে জড় দড় হ'য়ে সে ক্ষ্যান্তর মুখের দিকে চেয়ে বল্লে “আমি তোমার আশ্রয় নিয়েছি ;—ওরা যা ব'লে গেল—তুমিও তা ব'ল'তে পার' গা ?”

ক্ষ্যান্ত কিছু উত্তর ক'ল্লে না। ঝাঁপি দেখলে তার চোখ দুটোর কোলে জলের ফোঁটা ছুলছে। সে বুঝলে তার ব্যথা ক্ষ্যান্তকে কাতর ক'রে তুলেছে। নাহন পেয়ে ঝাঁপি আবার তার কোলে মাথাটা গুঁজে দিল ; তার হাতদুটো অসাড় হ'য়ে ক্ষ্যান্তর পায়ের উপর প'ড়ে গেল। ক্ষ্যান্ত সে দুটো কুড়িয়ে নিয়ে বকের উপর রেখে কেঁপে কেঁপে বল্লে “ওরে ঝাঁপি—ওরে বোন—এ মহাপাতক কি রাখবার জায়গা আছে ! দীন্না ঘোষকে তোর বাপ যে

ভেক্ দিয়ে বোষ্টম ক'রে নিয়েছিল রে—তোরা যে আমাদের গুরু-বংশ!”

“এ দেশটায় যে ক-টা দিন থাকি তুমি দেখো দিদি!”

ব'লে ঝাঁপি তাকে আরও শক্ত ক'রে জড়িয়ে ধরলে। ক্ষ্যান্ত সহজভাবে ব'লে গেল “ও-কথা কি বলছিচ্ রে,—ব'লতে গেলে দেবগ্রামে আমার চেয়ে তোর আপনার কে—আমি তোকে না দেখলে দেখবে কে—”

ঝাঁপির চোখ দিয়ে একবিন্দু জল ঝ'রে প'ড়লো। লক্ষ্য ক'রে ক্ষ্যান্ত এবার স্পষ্ট ব'লে “আমরা যখন এখনও বেঁচে আছি তখন একটা সম্পর্কের বাড়ীতে থাকা কেন—”

ঝাঁপি এবার উঠে ব'সলো। ক্ষ্যান্ত যেমন ব'লছিল তেমনি ব'লতে লাগলো—“তোরা যেদিন ইচ্ছে আমাদের কুঁড়েঘরে পা দিস্ বোন, মনে ক'রবো আমাদের মরা গুরু আবার স্বর্গ থেকে ফিরে এলেন!”

এতগুলো কলঙ্ক মেখে ঝাঁপির আর একতিলও অনাথের আশ্রয়ে থাকবার ইচ্ছে ছিল না। একটু আগে সে ভেবেই ঠিক কর্তে পারেনি এতবড়

জগত্‌টার মাঝে তার মাথাটুকু রাখবার মত তিল-পরিমাণ স্থান কে তাকে দেবে—কোথাই বা পাবে কিন্তু ক্ষ্যান্তর এই লোভনীয় কথাটা তাকে আঙুল দিয়ে দেখিয়ে দিলে, তার বাপ যেন অনেক উচুতে এই হতভাগা মেয়েটার জন্তে একটা পূজো-পাবার সিংহাসন গ'ড়ে রেখে গেছে ; এখন সবাই তাকে নিয়ে গিয়ে সেই আসনটায় বসাতে পারে। এই চিন্তাটা ঝাঁপিকে একেবারে মাতাল ক'রে দিলে। সে তখন খাড়া দাঁড়িয়ে চেষ্টা করে ব'লে উঠলো “ঠিকই তো দিদি—আপনার থাকতে পরের ঘরে কেন—”

ঠিক এই সময় ফিরির চাপ্তারীটা মাথায় ক'রে অনাথ উঠানে এসে দাঁড়ালো। ঝাঁপির মুখের বাকি আধখানা কথা কেউ যেন খড়ির দাগের মত বাঁ হাত দিয়ে মুছে দিলে।

বাড়ী ঢোকবার মুখে যদিও ঝাঁপির কথার গোড়ার দিকটা অনাথের কানের স্তরের পর স্তর ভেদ ক'রে একেবারে তার মর্মন্দ্স্থলে গিয়ে ঠং ক'রে বেজে উঠেছিলো তবুও অত বড় আঘাতটাকে একধারে হেলায় ঠেলে রেখে সে রোদে-তাতা ইস্পাতের কাস্তুর মত আগুন হ'য়ে চেষ্টা করে উঠলো “ক্ষ্যান্তি, ফের এবাড়ীতে পা দিয়ে-

হিস্—নিজের মুখখানা হাঁড়ীর কালিতে কালি ক'রে
ভদ্রলোকের বাড়ীতে পা, বাড়িতে লজ্জা হয় না
তোর—”

ক্ষ্যান্ত উঠে দাঁড়িয়ে বিস্তীর্ণ ভঙ্গিতে উত্তর ক'রলে
“ভদ্র নোক !”

“নয়-তো কি হরিশ পরামাণিকের—ঘাঁটিও না
ক্ষ্যান্তমণি, এ শর্মা সব কথাই জানে,—আমি তো আর
দিদির সামনে—লক্ষ্মী সাবিদ্রীর সামনে সে মহাপাতকের
কথাটা উচ্চারণ ক'রতে পারবো না—”

ছোটলোকের মুখ পাকা ফোঁড়ার মত। তাকে যে
উস্কে দেয়, তারই নাক দুর্গন্ধে, চোখ রক্ত পুঁজে আর
কান ফেটে যাবার আওয়াজে একেবারে বন্ধ হ'য়ে
যায়। তাই অনাথের কথাটা যেই ছোট আল্পিনের মত
হ'য়ে ক্ষ্যান্তর সেই দুষ্ট ফোঁড়াটা একবার উস্কে দিলে,
অমনি কোথা থেকে অগ্ন্যুৎপাতের মত তার বুক
থেকে কতদিনকার সঞ্চিত গলা ধাতু গলা গলা
আকারে—অপমানের আকারে অনাথের চারিদিকে আগ-
রষ্টির মত রষ্টি হ'তে লাগলো। যদিও এতে তার বড়া
দেহটার কোথাও এতটুকুও ফোঁড়া উঠলো না, তবুও
কোমলের কোমল—হাড়ের ছাউনির মধ্যে যে অন্তরাত্মা

আছেন তিনি ক্ষ্যান্তর একটা একটা মশালের ছাঁকায়
 জ্বলে পুড়ে থাক্ হ'য়ে গেলেন। অন্তদিন হ'লে গোয়ার
 অনাথ ক্ষ্যান্তর ঐ ধারাল মুখটা মাটিতে ঘ'নে ঘ'নে একে-
 বারে ভোঁতা ক'রে দিত। কিন্তু আজ সে নিশ্চল
 হিমাচলের মত সবই নীরবে গছ ক'রলে; একবার মাত্র
 বল্লে “ব'লে যারে ক্ষ্যান্তি—যা তোর খুনী ব'লে যা,—
 আজ যাকে সামনে রেখে তুই যুদ্ধ ক'চ্ছিস্ তার সামনে,
 অনাথের এই হাতে তোর মরণ অঙ্গটা রইলেও সে
 তা ত্যাগ ক'রবে না এ তুই জেনে রাখ্!”

জয় যখন ক্ষ্যান্তর অভিজানেরই হ'লো তখন সে
 লুণ্ঠিত সম্পত্তির মত ঝাঁপির হাত ধ'রে টেনে তুলতে
 তুলতে ব'ল্লে “ও তোর কে সাতপুরুষের ঘোষাল ঠাকুর
 —ন'চ্চা নটোষরে—কা কস্তো পরিবেদনা—ওর ঘরে
 আমার গুরুর মেয়ে প'ড়ে থাক্বে কেন—লোকে কিছু
 ব'ল্লে অপমান হবে কার ? ওর না আমার—আয় !”

সাপুড়ে জানে যে সুরটায় সাপ মুক্ত হয়। ক্ষ্যান্তও
 জানে কোনখানটা ঝাঁপির ভয়। তাই সেই সুরটা—
 সেই কথার্টা উঠানোর কপালে ফণীধরা সাপ যেমন
 সাপুড়ের হাতের খোঁচায় জ্বিনিস হয়, ঝাঁপিও তেমনি
 ক্ষ্যান্তর কথার অবাধ্য হ'তে পার্বে না। সে মাটির

দিকে চেয়ে আস্তে আস্তে ক্ষ্যান্তর পিছু পিছু যেতে লাগলো। আর অনাথ মাথার চাঙারীটা ছুঁড়ে ফেলে দিয়ে, কাঁপির আর 'একটা পা-বাড়াবার' সাম্নেই নটান শুয়ে প'ড়ে ব'লতে লাগলো "তোরা এই আক্কেলটা হ'লো দিদি—সে যখন ছিল, ঐ ক্ষ্যান্তি এ-বাড়ীতে দু'শবার আসতো, অনাথ তাতে একটা কথাও ব'লতো না—সে যে জাতের ছিল ঐ ক্ষ্যান্তিও যে তাই—তাকে ওর সঙ্গে মিস্তে দিতে আমার ভয় ছিল না রে দিদি ! কিন্তু দেব-দেবীর সঙ্গে ঐসব নিশাচরীদের আলাপ হওয়াটা কি ঠিক—ভেবে দেখ দিদি—যা তোরা খুশী কর কাঁপি—কিন্তু জেনে রাখিস, লোকে বাই বলুক, তুই আমার মার পেটের বোনের বাড়ি—বাড়ি রে !"

কাঁপির পা আর এগুলো না। ক্ষ্যান্ত তাকে কত রকম ইনারা ক'রে ডাকতে লাগলো, সে সেদিকে চেয়েও দেখলে না ; কেবল তার চোখ-ছুটো দিয়ে জল গড়িয়ে প'ড়লো। এবার যেন বড় কাতর হ'য়ে অনাথ ফের ব'লতে লাগলো "যা দিদি যদি ইচ্ছে হয় এই হত-ভাগটাকে ডিঞ্জে যা—সে তো আর ইচ্ছে ক'রে ভগবানের রথের চাকা ছেড়ে দেবে না—যা-রে দিদি তাই এই পাঁজরা ক'খানা মাড়িয়ে দিয়েই চলে যা !"

ক্ষ্যান্ত হাত বাড়িয়ে কাঁপির হাতটা একবার ধর্তে গেল, ইচ্ছে—ডিঞ্চেয়ে তাকে নিয়ে আসে কিন্তু কাঁপি আর দাঁড়াতে পারলে না, চোখে অঁচল দিয়ে ছুটে ঘরের মধ্যে চ'লে গেল ।

পাঁচ

কাঁপির দেওর ভদাই যখন বাড়ীতে গিয়ে উঠলো তখন বৈঠকখানায় বড়দাদা গদাইচন্দ্র পাত্র-মিত্র নিয়ে অশ্বমেধ যজ্ঞের অনুষ্ঠান ক'চ্ছিলেন । সে তাদের নামুনে এসে দাঁড়াতেই এক নিমিষের জন্তে সব চুপ হ'য়ে গেল । কেবল একজন কৰ্ক-ইক্কু দিয়ে মদের বোতলটা খুলতে খুলতে দীর্ঘনিশ্বাস ফেলে ব'ল্লে—

“কোথা রেখে এলি ভাই
সেই মোর চন্দ্রমুখী নীতা—
অযোধ্যার রাজকুল-বধু
হ্যা-রে লক্ষ্মণ ?”

ভদাই বুঝে উঠতে পারলে না কোন্ সাহসে আজ বড়দা বাবা বর্তমানে এই বৈঠকখানাটায় একটা বাজারের

মাগী আর তার নীচ সঙ্গীদের নিয়ে এসে এই সব জঘন্য কাণ্ড ক'চ্ছে। তার ঠোঁট ছ'টো রাগে থরু থরু ক'রে কাঁপতে লাগলো আর মুখ থেকে টক্'ক'রে বেরিয়ে প'ড়লো “—লক্ষ্মী যখন ছেড়ে গেছেন তখন আরও অনেক দুর্গতি তোমার হবে দাদা, এ-তুমি লিখে রাখতে পার!”

তার কথাটার কেউ বড় একটা কাণ দিলে না। সে'টা হাওয়ার মত এলো, সাঁ ক'রে হাওয়ার মত চ'লে গেল। তবে গদায়ের অন্তরঙ্গ বন্ধু সুবলচাঁদ যাত্রার দলে ঋনি তপস্বি নাজতো, নে উঠে দাঁড়িয়ে গদায়ের দিকে হাতটা বাড়িয়ে দিয়ে নেই ঘরটাকে কাঁপিয়ে ব'লতে লাগলো—

“আশীর্বাদ করি তোমা রঘুমণি রাম

যাক সীতে—”

তারপর সেই মাগীটার দিকে আঙুল বাড়িয়ে এই ব'লে ভণিতার শেষ ক'ল্লে—

“—এই হৈমময়ী সীতে

রাখি' বামে, যজ্ঞ কর

বিশ্বামিত্রে আনি'—

পূর্ণ হবে মনস্কাম ;

কেন ভাব রাম

বুদ্ধিমান তুমি—”

“রাম” আর “হৈমময়ী নীতা” পরস্পরের দিকে একবার চেয়ে হাসলেন মাত্র ; কেউ, কোন কথা কইলেন না। এবার ভদাই বড় রেগে উঠলো। একে এই ক’দিন যাওয়া আসায় পথে তার ভারী কষ্ট হ’য়েছিল, তার উপর আজ সমস্ত দিন পেটে বড় একটা কিছু পড়েনি, কাজেই সে শুকনো বারুদের মত দপ্ ক’রে জ্বলে উঠলো। শিক্ষা দু-ভায়ের মধ্যে কারোরই বড় কিছু ছিল না। বড় ভাই অতি বড় কিছু ব’ল্লেও ছোট ভাই যা কথখোনো মুখে আনতে পারে না, এমন সব কথা খুব সহজেই ভদায়ের বে-এক্তার মুখটা দিয়ে অনর্গল বেরুতে লাগলো। গদাইচন্দ্র এইবার মালকোঁচা মেরে পাঞ্জাবীর আস্তেনটা গুটিয়ে ‘যুদ্ধং দেহি’ ব’লে আসরে নেবে প’ড়লো। নঙ্গীরা গাইলে—

“অসহ্য হীনের বাক্য সহ্য নাহি হয়,

সপ্নের মাথায় যেন ভেকে প্রহারয়!”

গদায়ের প্রহারের চোটে ভদাই যখন মেজেয়-পাতা ফরাসের উপর অজ্ঞান হ’য়ে সটান শুয়ে পড়লো তখন পারিষদেরা হাঁ হাঁ ক’রে উঠলো। কেউ ব’ল্লে—

“লক্ষণ আমার প্রাণের ভাই রে

তো বিনে মোর কেহ নাহি রে!”

আর একজন ব'ল্লে—

নাহি কাজ নীতা উদ্ধারিয়ে,
চলু যাই ফিরে
ভাই—”

ভদ্রায়ের অবস্থা দেখে গদায়ের চমক ভাঙলো। এমন সময় বাড়ীর কর্তা প্রসাদদাস তিন দিনের পর বিদেশ থেকে গন্তব্যে লোকজন নিয়ে বাড়ীতে এসে উপস্থিত হ'লো। বৈঠকখানার গোলমালটা ফটকে ঢুকতেই তার কানে গিয়ে পৌঁছলো। সে বরাবর ভিতরে না গিয়ে, একেবারে নশরীয়ে মূর্ত্তিমান পুত্রের নামুনে এসে দাঁড়ালো। তাকে দেখে সেই জমাট মজলিস্‌টা একেবারে বরফের মত জমাট বেঁধে গেল। কারো মুখ দিয়ে একটা রা বেরুলো না। গদাইচন্দ্র পাখা দিয়ে ভায়ের মাথায় হাওয়া ক'চ্ছিল। তার হাতের পাখাটা যেন কোন একটা বিদ্যুতে ঠেকে এইবার বন্ বন্ ক'রে ঘুরতে লাগলো; সে ইচ্ছা ক'রও নেটাকে থামাতে পারলে না। সুবলচাঁদ, রতনচাঁদ, নিমাইচাঁদ সব চাঁদই মলিন হ'য়ে গেলেন। কেবল যে-চাঁদটাকে ঘিরে এতগুলি চাঁদের নৃত্য হ'চ্ছিল সে না একটু হেললে, না একটু তুললে। চাকরকে হাতের 'ছারিকেনটা' উঁচু ক'রে ধ'র্ত্তে ব'লে প্রসাদদাস সেই

ঘরটার ভিতরটা একবার ভাল ক'রে দেখে নিলে। তার গোল গোল চোখদুটো যেন ঠিকরে বেরুতে লাগলো। সে তল্লাটে প্রসাদদাস আড়তদারের মত লোকে কাকেও ভয় ক'র্তো না। জাল, জুচ্চুরী, মিথো মকদ্দমার প্রসাদদাস একজন ঘৃণ ছিল। শনি-গ্রহের দৃষ্টির মত সে যখন যার দিকে নজর দিত, সেই তখন আঠারোর-ফেরে প'ড়ে অস্থির হ'য়ে উঠতো। এই লোকটা ক্ষমা কাকে বলে জানতো না। আর নিজের কোট'টা—কথাটা বজায় রাখতে তার মত জেদী পুরুষ আর দ্বিতীয় ছিল না। এ-হেন প্রসাদদাসের নাম্নে দাঁড়িয়ে নেই সব ছোকরার দল একবারে কাঠ হ'য়ে গেল। এই ব্যাপারটা বুঝে নিতে প্রসাদদাসের এক পলকও দেরি হ'লো না। সে স্বাভাবিকভাবে সরকারকে ডেকে ব'ল্লে “দত্তের-পো, ফাঁড়ির দারোগাবাবুকে আমার মেলাম দাও গে; এই সব বাবুজীরা আমার অনুপস্থিতিতে চাবি ভেঙ্গে আমার বৈঠকখানায় ঢুকে প্রায় বিশ হাজার টাকার জিনিষ পত্তর তছরূপ ক'রেছে, আর এই তো দেখ'ছো আমার কচি ছেলে তাদের বাধা দিতে এসেছিল ব'লে তাকে প্রায় হাফ খুন ক'রেছে—”

প্রসাদদাসের ডায়েরী লিখোবার কায়দাটা দেখে

সকলেই শিউরে উঠলো। ভদাই এবার চেতনা পেয়ে উঠে বসতে যাচ্ছিলো কিন্তু প্রসাদদাস হাত নেড়ে ব'ল্লে “শো—শুয়ে পড়—ওরা তোকে যা-মার মেরেছে তাতে কি তুই এখন উঠতে পারিস্—” তারপর বড়ছেলে গদাইচন্দ্রের দিকে ফিরে ব'ল্লে “গদা, তুই বাড়ীর মধ্যে যা, বলুবি বাবার সঙ্গে গস্বে গেছলুম্।”

গদাই যেমন বসেছিল তেমনি বসে রইলো। প্রসাদদাসের কথাটা যেন কানেই তুললে না। প্রসাদদাস তার হাত ধরে হিঁচড়ে সে ঘর থেকে বের ক'রে দিলে, সে তবুও উঠে ভিতরে গেল না। এইবার প্রসাদদাস বজ্রের মত কঠিন স্বরে গদাইকে শানিয়ে দিলে “গদাইচন্দ্র, ভালোয় ভালোয় উঠে যাও বলুছি—না-হ'লে প্রসাদদাস সে বাপের বেটা নয় যে, তোমার ছেলে ব'লে ওমনি ছেড়ে দেবে—জেলে প'চে প'চে ম'ত্তে হবে, হাঁ!”

গদাই ভিতরের দিকে একবার চেয়ে দেখলে যে, সেই সব তার নেশার গোবেচারী সঙ্গীরা ছল্ ছল্ চোখে কেবলই তার দিকে চেয়ে র'য়েছে। তাদের নেশা, তাদের আমোদ, তাদের হাসি সবই যেন নিভে গেছে। সেও তাদের দিকে সমানভাবে চেয়ে উত্তর ক'রুলে “সুবলে, তোরা ভয় ক'চ্ছিস্ কেন রে,—এই হাতটায় শিকল

প'রবার ভয়ে, জেলখানার ভয়ে গদাই তার সঙ্গীদের ফেলে রেখে পালাবে না, নিশ্চিন্দ থাক—এক সঙ্গে ব'সে এতদিন আমোদ ক'রছি নয় সকলে মিলে ক'মাস খেটে আসবো, তাতে কি !”

দারোগা শিবচন্দ্র ভৌমিক যখন সামনে পিছনে লাল পাগড়ীর সারি নিয়ে প্রসাদদাসের বৈঠকখানার 'রকে'র নীচেয় এসে দাঁড়ালেন, তখন অত্যাচারীদের মুখগুলো লজ্জায় একেবারে কালি হ'য়ে গেল। হ্যারিকেনের বাতি উচু ক'রে তুলে তিনি এক একজনের মুখ দেখে চিন্তে নিলেন। তারপর পকেট থেকে একটা ছোট খাতা বের ক'রে নামের নীচে নাম বসিয়ে গেলেন। প্রসাদদাস ততক্ষণ ভদাইচন্দ্রের দিকে হাত বাড়িয়ে আর খোলা বৈঠকখানাটার দিকে চেয়ে আপনার সর্বনাশের কথাটা খুব রাঙিয়ে ব'লতে লাগলো। একটুখানি হেসে, খাতার দিকে চোখ রেখে সহসা দারোগাবাবু ব'লে ব'সলেন “সবই ঠিক ক'রেছিলেন প্রসাদদাসবাবু, কেবল বংশের মুখোজ্জ্বল এই পুত্ররত্নটিকে সরাতে পারেন নি; এইটেই যা কাঁচা হ'য়ে গেছে—”

প্রসাদদাস একগাল হেসে আপনার ভুলটা শুধ'রে নিতে জোর ক'রে ডাকলে “গদা—গদা—ওরে গদা

দারোগাবাবুর জন্তে বাড়ীর ভিতর থেকে দু'টো পান পাঠিয়ে দেতো গে—”

দারোগাবাবু একজন কনষ্টবলকে ইনারায় গদাইচন্দ্রকে দেখিয়ে দিয়ে, খুব সহজভাবে ব'লতে লাগলেন “আজ আপনার ছেলের হাতে হাতকড়ি পরাতে এসে পান খাওয়াটা কি ঠিক হবে প্রসাদদাসবাবু—তার উপর আমার সামনে থেকে এই মূল আনামীটিকে তো এখন এক পাও উঠে যেতে দিতে পারি না—”

“মূল আনামী ?—”

ব'লে প্রসাদদাস টেঁচিয়ে উঠলো আর ভদাইচন্দ্র ভায়ের আসন্ন বিপদের মাত্রাটা বুঝতে পেরে, থর থর ক'রে কাঁপতে কাঁপতে যা-কিছু হ'য়েছিল অনুযোগের সুরে ফর্ ফর্ ক'রে ব'লে ফেল্লে। প্রসাদদাস তো চৌল্‌বার পাত্র নয়, সে ছেলেকে একটা ধমক দিয়ে ব'সিয়ে দিলে। তারপর কত ইঙ্গিতে—কত ভঙ্গিতে নিজের কথাটা সাত-কাহন ক'রে ব'লতে লাগলো “হ্যাঁ—হ্যাঁ—আপনি—আপনি—আপনি তো বেশী দিন নন্—তাঁরা আমার খাতির রাখতেন—বিশেষতঃ সাত সমুদ্র তের নদী পার হ'য়ে এসেছেন, আপদ বিপদ আছে তো—এই ধরুন-না টাকা পয়সা—”

শিববাবু বিষম চ'টে উঠলেন ; ধমক দিয়ে ব'ল্লেন “খবরদার প্রসাদবাবু ! ঐরকম ধরণের আর একটা কথাও ব'ল্লে আপনি আমার dutyর অবমাননা ক'চ্ছেন মনে ক'রে আপনাকে prosecute ক'র্ত্তে বাধ্য হব !—”

প্রসাদদাস এই প্রথম দেখলে যে, টাকায় সব মানুষ বশ হয় না। যে বিশেষ অস্ত্র নিয়ে সে ব্যক্তি-বিশেষকে জয় ক'রেছে, তাতে যে সমস্ত মনুষ্য জগৎ জয় হয় না এ তার বুঝতে আজ বাকি রইলো না। এইবার দারোগা-বাবু যখন গদাইচন্দ্রের দলবলকে তাঁর অনুসরণ ক'র্ত্তে ব'ল্লেন, তখন গদাইচন্দ্র জোড়-হাত ক'রে একটীবার অনুরোধ ক'ল্লে “চুরী জুচ্চুরী চাবি-ভাঙা একবার কেন সাতশো বার আমি বাবার ক'রেছি দারোগাবাবু—আমার কোমরে দড়ী দিয়ে বেঁধে নিয়ে চলুন কিন্তু সুব্লে, রত্না এদের আমি আমোদ ক'র্ত্তে ডেকে এনেছিলুম, এরা কোন্ দোষে থানায় যাবে—এদের ছেড়ে দিন্ !”

দারোগাবাবু একবার প্রসাদদাসের দিকে চাইলেন। প্রসাদদাস যেন সহসা চৌচির হ'য়ে ফেটে গেল ; ব'ল্তে লাগলো “মিথ্যে কথা ! আমি এদের প্রত্যেককে সনাক্ত ক'রছি—ছেড়ে দিলে আপনি দায়ী হবেন ব'লে দিচ্ছি !”

গদাইচন্দ্র বাপের মুখের উপর কি একটা কথা ব'ল্তে

গিয়ে থেমে গেল। আর বাপ ‘কুলাঙ্গার’ এই কথাটি ব’লে ছেলের মতটা খুব সহজেই হাল্কা ক’রে দিলে। দারোগাবাবু একে একে সকলকে চালান দিয়ে, একটা নমস্কার ক’রে বিদায় নিলেন। এক নিমিষে সব-জায়গাটা আঁধার হ’য়ে গেল। অত্যাচার—অবিচার সব আইন-কানুন শাসনের অধীন হ’য়ে প’ড়লো। সব আঁধারটাকে আরো আঁধার ক’রে চুপ ক’রে দাঁড়িয়ে রইলো। ভদাইচন্দ্র, প্রসাদদাস আর তারই অনুগত সরকার পিয়ারীমোহন।

ছয়

পাঁচ-সাতটা সপ্তাহর পর গদাইচন্দ্রের তিনটা মাসের জেল হ’য়ে গেল। সুবলচাঁদের বাপের উপর প্রসাদদাসের অনেক দিনের রাগ ছিল, সেইটে কড়ায় গণ্ডায় শোধ নিতে সেদিন রাত্রে প্রসাদদাস একবাজি খুব কেরামতি ক’রেই খেলেছিল কিন্তু পাশা এমনি উল্টে প’ড়লো যে,

তারই দিক কানা ক'রে দিয়ে গেল। সকলকে জড়িয়ে রেখে প্রসাদদাস যতই মকদ্দমা চালাতে চাইছিলো, ততই গদাইচন্দ্র নিজের ঘাড়ে সমস্ত দোষ নিয়ে বাপের মত ছিন্ন বিছিন্ন ক'রে দিচ্ছিলো। তার উপর ভদাইচন্দ্রের কথার গোলে আর গদাইচন্দ্রের পকেট থেকে বৈঠকখানার চাবি বার হওয়ায় হাকিম তাকেই দোষী ঠাউরে নাজা দিলেন।

প্রসাদদাসের চোখের সাম্নে আজ তারই দর্প—চাতুরী—সাহস নামে যারা দাঁড়িয়েছিল তারা পঙ্খুর মত সহসা অবশ হ'য়ে গেল। যে দিগ্বিজয়ী সঙ্গীদের বলে সে দুর্জয় শত্রুর বিপক্ষেও অভিমান পাঠিয়েছে, আজ কেন যে তারা তার আদেশ তুচ্ছ ক'রে শুধু নিস্তক্ষে দাঁড়িয়ে রইলো তা সে মোটেই ধারণা ক'তে পারলে না। তবে সে লক্ষ্য ক'রলে, মিথ্যের শুকনো বালির উপর যে উচু কেলা তৈরী করা যায়, সেটা যে-কোন পদার্থের প্রাণ আছে, তারই অভিশাপের নিঃশ্বাসে এক পলকে ধূলিসাৎ হ'য়ে যেতে পারে! গত দিনগুলো আজ রক্তাক্ত হ'য়ে তার চোখের সাম্নে স্পষ্ট ফুটে উঠলো; সবই যেন সে নির্দয় হাতে রাঙা—রাঙা—একেবারে রক্ত-রাঙা ক'রে দিয়েছে! ওঃ! কি-না সে ক'রেছে—ঝাঁপির বোকা

মামাটাকে বাঁদরের মত নাচিয়ে, একটা সরল স্বাধীন বনের লতাকে সঙ্গীহারা ক'রে তুলে এনেছে। তার বাপ-মা—তার আপনার যে-কেউ একে একে তাকে নিঃসঙ্গী ক'রে চিরদিনের তরে চ'লে গেল; সে মরণ খবর পেলে—যন্ত্রণায় ছট ফট ক'তে লাগলো। তবু তাকে একটীবারও তাদের সামনে নিয়ে যাওয়া হ'লো না। তার পর এমন দিনে তাকে মরুভূমির মধ্যে—শ্মশানের মধ্যে ছেড়ে দিয়ে আসা হ'লো, বেদিনে তার পরিচিত চারিদিকের গাছগুলো একেবারে পুড়ে ছাই হ'য়ে গেছে! সেই নিবান্ধবপুরীতে শ্মশান-ভূঁইয়ের উপর দাঁড়িয়ে, তারই শাসনের ঘরে সে যখন অন্ত উপায় না দেখে আবার ফিরে আসতে চাইলে, তখন ভদাইচন্দ্র তারই শিক্ষায় কেমন সহজেই তাকে বনবাস দিয়ে এলো! এমনিধারা কত কথাই আজ তার মনে প'ড়ে গেল। শতদিক থেকে হাজার হাজার আগুন-বাণ আজ লুপ্তার ছেড়ে তার বুকের উপর এসে প'ড়তে লাগলো আর সে এক একটা বাণের আগুনের ছাঁকায় জ্বলে পুড়ে থাক হ'য়ে গেল।

জ্যোষ্টি মাসের বেলা প'ড়ে এসেছে। প্রসাদদাস কাচারী থেকে শেষ খবর নিয়ে ফিরে এসে, একহাঁটু-ধুলো-শুদ্ধ জুতো পায়ে আপনার শোবার ঘরের বিছনাতে উবুড়

হ'য়ে প'ড়ে এই সব ভাবছিল। এমন সময় ভদাই এসে ডাকলে “বাবা, দাদা কই এলো না?”

প্রসাদদাস এতক্ষণ লাভ-লোকমানের একটা খসড়া তৈরী ক'চ্ছিলো, ছেলের জিজ্ঞাসার উত্তর দিতে গিয়ে একটা দম্কা হাওয়ায় সেটা ঘুড়ির কাগজের মত ছিঁড়ে গেল। ভদাই বাপের মুখের কাছে মুখটা লুইয়ে দিয়ে আবার জিজ্ঞাসা ক'ল্লো “ও-বাবা বলো না?—দাদাকে ছেড়ে দিয়েছে তো?”

ভায়ের জন্ত ভায়ের এতটা দরদ প্রসাদদাসের চোখে কখনো পড়ে-নি। সে এটা নতুন মনে ক'রে বড় তৃপ্তির সঙ্গে আশ্বাদন ক'তে লাগলো। এ-রকম শিক্ষা সে তো ছেলেদের কাকেও কোন দিন দেয়-নি—সে তাদের ছ-জনকেই শিখিয়েছে নিজের জন্তে ভাবতে—নিজের ছাড়া অপর কারো কথা যে ভাবা চলে প্রসাদদাসের তা ছায়ার মতও কখন মনে হয় নি। যতবড়ই স্বার্থপর হ'ক্ ভায়ের জন্তে ভাইকে যে কাঁদতেই হবে—এ ডাক-যে নাড়ী নক্ষত্রের ডাক—অকৃত্রিমের ডাক—প্রসাদদাস তা মোটেই উপলব্ধি ক'তে পাতো না।

ভদাই দরজা গোড়ায় স'রে গিয়ে কাঁদো কাঁদো স্বরে বল্লো “তবে বুঝি তারা দাদাকে ছাড়লে না—”

আবার একটু স'রে এসে বড় কাতর হ'য়ে সে জিজ্ঞাসা ক'ল্লে “দাদার তাহ'লে জেল হ'য়ে গেল বাবা ?”

“হ্যাঁ !”

ব'লতে গিয়ে প্রসাদদাসের বুকটাও একবার কেঁপে উঠলো । আর ভদাই উঁচু-গলায় কাঁদতে কাঁদতে ব'লতে লাগলো “তুমি দাদাকে রক্ষা ক'ত্তে পাঞ্জে না, বাবা ?”

ভদাই একটু সুস্থ হ'লে প্রসাদদাস তাকে কাছে বসিয়ে ব'ল্লে “তুমি তো দেখলে ভদাই, ছেলে হ'লেও প্রসাদদাস যে দুষ্ট্র তাকে শাসন না-ক'রে ছাড়ে না—”

অহঙ্কারে প্রসাদদাস তিন হাত ফুলে উঠলো । ভদাই-চন্দ্র কোন উত্তর ক'রলে না । প্রসাদদাস যেমন ব'ল্ছিল তেমনি ব'লতে লাগলো—“তা-ছাড়া কোন অকেজো জিনিষ প্রসাদদাস সংসারে রাখে না, তুমি তো দেখলে, বউটা নেহাৎ ভালমানুষ হ'য়ে আমার ছেলেটাকে বিগুড়ে দিলে, তাই তাকে বিদায় ক'রে দিলুম । এখন ব'লতে গেলে তোমাকে নিয়েই আমার সংসার—ঐ জেলের-ফেরৎ-আসামী ছেলের আমি আর মুখ দেখবো না তা জেনে রেখো ! আমি শীগগীর উইল ক'ত্তে চাই—তুমি আমার মতে চ'লবে কি-না স্পষ্ট ক'রে বলো—”

ভদাই সব শুনে গেল, কোন উত্তর ক'ল্লে না । আরো

ছু-চারটে কথার পর প্রসাদদাস সদরের দিকে যেতে যেতে ফিরে ছেলেকে ডেকে ব'লে, গেল “হ্যাঁ—আমার মনে প’ড়ে গেল ভদাই, কুটুম্ সাক্ষেৎ যে-বেখানে আছে লিখে দাও যেন তিন মাসের পর কেউ এই জেল-ফেরৎটিকে আশ্রয় না দেয়—চোর-পোষা—হ্যাঁ—হ্যাঁ—ভয় দেখিয়ে দিয়ে।”

প্রসাদদাস হন্ হন্ ক’রে চ’লে গেল। ভদাই আশ্চর্য্য হ’য়ে গেল এ-লোকটার বুকের এতটুকু জায়গাও ছেলের এতবড় অপমানে—সাজার ভিজে উঠে-নি দেখে! এই বাপ!—বৌঠান্কে বিসর্জন দেবার দিন বাপের প্রতি তার যতটুকু শ্রদ্ধা কমে গেছলো, আজ তার আরো শতগুণ কমে গেল।

সাত

সাবিত্রী-চতুর্দশীর দিনে শাঁখার ভারী খন্দের। ভোরে ছুটি ভাত মুখে দিয়ে সারাদিনের তরে অনাথ ফিরিতে

বেরিয়েছে। মাথায় আছে রাশি রাশি হরেক রকমের
 শাঁখা আর হাতে আছে এক রেকাবী সিঁদূর, কর, লোহা।
 দিঘীর পাড়ে অশুখ্তলায় খেঁড়ের চালের মাঝে কোন্
 যুগের সত্যবান্কে কোলে ক'রে এখনও সতী সাবিত্রী
 ব'সে আছেন। আর এই দেশটার নারীর পূজা এখনও
 তাঁর পায়ে গিয়ে প'ড়ছে। অনাথ একটা ভূমিষ্ঠ হ'য়ে
 গড়্ ক'রে সেই অশুখ-গাছ হেলান দিয়ে দোকান ফেঁদে
 ব'সলো। সে দেখতে পেলো চওড়া লাল-পেড়ে কাপড়
 প'রে একজনের পর একজন এক সতীরাগীর মাথায় সিঁদূর
 ছুঁইয়ে যাচ্ছে—হাতে লোহা কর শাঁখা প'রিয়ে দিচ্ছে।
 তারপর যে এই ব্রত ক'রে ফিরছে তারই সিঁথি লক্ষ লক্ষ
 সধবার সিঁদূরে লাল হ'য়ে উঠছে। সে দিকে চেয়ে চেয়ে
 অনাথের চোখ শ্রদ্ধায় ভ'রে এলো। সে একদৃষ্টে কি
 ভাবতে ভাবতে সেই দিকে চেয়ে রইলো। আধ
 পয়সার সিঁদূর, এক পয়সার লোহার খন্দের সে তো
 ফিরিয়ে দিলেই, তার উপর তার অন্তমনস্ক শাঁখা
 পরান দেখে কেউ আর তার কাছে সে দিন এগুলো না।
 হঠাৎ একজনের বাঁ-হাতে একগাছা শাঁখা তুলে অনাথ
 দাঁড়িয়ে প'ড়লো, তারপর পাগলের মত ছুটে বেরিয়ে
 গেল। যে শাঁখা প'রছিলো সে কিছুক্ষণ ব'সে, অবাক

হ'য়ে উঠে গেল। কেবল সেই ভিড়ের মধ্যে হাজার জনের পায়ের পাশে প'ড়ে রইল রক্ষকহীন এক চেঙারী শাঁখা আর আসনের তলায় একঘণ্টা-বিক্রীর অল্প কিছু পয়সা।

ডাকঘরের পাশ দিয়ে অনাথ যখন দৌড়ে চ'লেছে তখন তারই চেনা হরকরা ডাকলে “তোমার নামে এক-খানা চিঠি আছে হে অনাথচন্দর,—দাঁড়িয়ে যাও—”

অনাথ আপনার গায়ের দিকে চেয়ে ছোট্টার মাত্রাটা বুঝতে পারল। হরকরা ছুলো হাড়ী চিঠিখানা অনাথের হাতে দিয়ে জিজ্ঞাসা ক'ল্লে “তোমায় আবার চিঠি পাঠালে কে হে? বাবুদের ছাড়া বড়-একটা কারুর চিঠি তো হাতে পড়ে না—”

অনাথ একটুখানি হাসলে; একবার মনে ক'ল্লে বলে—তার কি আর সে দিন আছে—আজ রাজরাণী যে তার ঘরে—তার কুটুম্ সাফ্ফেৎ—দেওয়া-নেওয়া কত বড় বড় লোকের সঙ্গে! তবে সব কথা চেপে গিয়ে অনাথ খুব গর্কের সঙ্গে কেবল ব'লে গেল “এ রকম অনেক চিঠি এখন আমার নামে আসবে!”

অনাথ যে-মাত্রায় চ'লছিল আবার সেই-মাত্রা ধ'রেই চ'লতে লাগলো; যখন বাড়ীতে এসে পৌঁছাল তখন

ঝাঁপি তারই খেয়ে-যাওয়া পাতে দু'টা ভাত বেড়ে খেতে ব'সেছে। অনাথ ঝাঁপির সাম্মুনে এসে দাঁড়াতেই সে রেগে চোঁচিয়ে উঠলো “এ কেমন ধারা হ'লো—আজ্কে এমন খদ্দেরের দিন্টা ঝুঁড়েমি ক'রে কামাই ক'ল্লে বুঝি ?—”

তার কোন জবাব না দিয়ে অনাথ সরাসর জিজ্ঞাসা ক'ল্লে “আজ্কের দিনে চান্ না ক'রে এই সকালবেলাটা ভাত খাওয়াটা কি ঠিক হ'লো দিদি ?”

আরো আগুন হ'য়ে ঝাঁপি উত্তর ক'রলে “পাতে পেসাদ রেখে যাওয়া হয় কেন—”

অনাথ সহসা চমকে উঠলো।

“—আমিতো আর রোজ এতগুলো ক'রে ভাত নষ্ট ক'রতে পারি না, কাজেই নিজেকেই গিলতে হয়!”

অনাথের মুখ দিয়ে আর একটা কথাও স'রলো না। সে কাঠের পুতুলের মত চুপ ক'রে দাঁড়িয়ে রইলো। ঝাঁপি নিঃশব্দে ভাত খেয়ে স্ফুড়ি নিয়ে পুকুরঘাটে চ'লে গেল। সে যখন ফিরে এলো, অনাথ তখনও সেইভাবে দাঁড়িয়ে আছে, আর তার মাথার কাছে একটা কাক অনবরত কা কা ক'রে ফিরছে। তার এক-একবার মনে প'ড়ে যাচ্ছে সেই ঘাটের ধারের দৃশ্যটা। সে মিলিয়ে দেখছে

সেই লালের কস্তা-পেড়ে কাপড়টা যে-টা সে সেদিন কিনে দিয়েছে, সেইটে প'রে, ঐ লাল রুলীর উপর ধব্ধবে শাঁখা তুলে আর ছোট নিম্নল কপালটার মাঝখানের সিঁথিটুকু জুড়ে সিঁদূর রেখে, তার দিদি যদি সেই আশুথ'লার ঘাটে গিয়ে দাঁড়ায়, তাহ'লে সে দিদি ক'রে ব'লতে পারে মিথ্যের সাবিত্রীদেবীকে নামিয়ে দিয়ে তারই কোলে সবাই সত্যবানের মাথা তুলে দেবে।' এই লোভ ক'রেই সে এত পথ ছুটে এসেছিল। আরো একটু আশা ছিল, সেই সময় যারা তার কাছে শাঁখা প'রতে আসবে তাদিকে সে ব'লে দেবে “ঐ যে চোখের সামনে স্বর্গগ থেকে নেমে এসে সাবিত্রী দাঁড়িয়ে রয়েছে, ও-টী আমার কে জান ?—দিদি, আপনার দিদি—আমার বাঁপি !”

বাঁপি বাসন গুছিয়ে রেখে এসে ব'লে “আর দাঁড়িয়ে থাকা কেন, গাঁজার আড্ডাটা একবার ঘুরে আসা হ'ক ?”

অনাথ আস্তে আস্তে উত্তর ক'রলে “না-রে দিদি, না—তবে একবার এসেছিলুম—”

ভারী অন্তমনস্ক হ'য়ে অনাথ ফিরে চ'ল্লো। বাঁপি দাওয়া থেকে ছুটে নেমে এসে তার হাত থেকে চিঠিখানা কেড়ে নিলে ; জিজ্ঞাসা ক'লে “কেন আসা হ'য়েছিল শুনি ?”

চিঠির কথা অনাথের মোটেই মনে ছিল না। লজ্জা পেয়ে ব'ল্লে “হ্যাঁ রে দিদি, চিঠিখানা—”

বাধা পেয়ে কাঁপি আবার জিজ্ঞাসা ক'ল্লে, “কেন আনা হ'য়েছিল শুনি?”

অনাথ থেমে থেমে উত্তর কর্লে “গাঁ শুদ্ধ এই আজ বার ক'রেছে কিনা—তাই মনে ক'ল্লুম তুমি বুঝি বার ক'রেছো দিদি—তাই একবার জানতে এলুম?”

খামের কাগজখানা ছিঁড়তে ছিঁড়তে হো হো ক'রে হেসে কাঁপি ব'লে ফেল্লে “আমি যে বিধবা—এই সতী-লক্ষ্মীদের বার আমায় কি ক'ন্তে আছে দাদা!”

“হতভাগি! ও-পাপ কথাটা কি মুখে আনতে আছে রে—শতেক জন্মেও প্রায়শ্চিত্ত নেই—”

হঠাৎ অনাথ দেখ্লে কাঁপির সদা-হাসির আলোময় মুখখানা এক নিমিষে বর্ষার দিনের মত চারদিক্ আঁধার ক'রে এসেছে। তার চোখের কাছে চিঠির হ'ল্লে কাগজখানা নিঃশেষের হাওয়ায় ছুল্ছে। এখুনি যে একটা খুব বড় রুষ্টি আরম্ভ হবে তা অনাথ সহজেই বুঝতে পার্লে। তবে তার সব-চেয়ে বেশী রাগ হ'লো ডাক-হরকরার উপরে। সে তো কখন তাকে চিঠিই দেয় না, আজ যদি দিলে তাতে এমন কি মিশিয়ে দিলে যাতে তার

দিদির বুকে ঝড় উঠলো ? সে শপথ ক'রলে, যাবার মুখে তাকে শাসন ক'রে দিয়ে যাবে যেন এমন ধরনের কোন চিঠি সে আর তাকে না দেয়। অনাথ একদৃষ্টে ঝাঁপির মুখের দিকে চেয়ে ছিল; প্রস্তুত হ'য়েও ছিল কোন খারাপ কিছু শুনবার জন্যে। কিন্তু ঝাঁপি খানিক পরে মুখ তুলে সহজভাবে তার দিকে চেয়ে ব'লে “বিক্রীর বেলা যে ব'য়ে যায় দাদা !”

“ঐ চিঠিখানায় কি লেখা আছে না শুনে আমি এক পাও ন'ড়বো না তা জেনে রাখিস্ ঝাঁপি !”

ঝাঁপি একটুখানি হাসলে।

“ও-মড়ার মুখের হাসি আমি চিনি রে-দিদি !”

এইবার ঝাঁপিকে ধরা দিতেই হ'লো। সে শতমতে চেষ্টা ক'লেও তার চোখদুটো অবাধ্যতা ক'রে উছলে উঠলো। অনাথ ছুটে গিয়ে তার মাথাটা কাঁধের উপর রেখে, মাথার পাশে আস্তে আস্তে চাপ্‌ড়াতে চাপ্‌ড়াতে পাগলের মত ব'লতে লাগলো “কিনের তোর ভাবনা রে দিদি—কার জন্যে তোর কষ্ট ?—অনাথ বেঁচে থাকতে কারুর কোন চিঠিতে তুই ভয় ক'রিস্ নি দিদি—দে তো দিদি, এখনও ঐ চুলোয় আগুন আছে, এই বিষ-মাখা চিঠিখানা একেবারে ছাই ক'রে দিই !”

ঝাঁপি বাধা দিলে না। এক মুহূর্তে কাগজখানা পুড়ে গেল। কিন্তু তার একরতি ধূঁয়ার গন্ধটা বিষাক্ত আণের মত ঝাঁপির নাকে গিয়ে ঠেকলো। 'সে আবেগের স্বরে ব'লে "চিঠির আঁখরগুলো তো পলকে পুড়িয়ে ফেল্লে দাদা, কিন্তু এই বুকটা কেটে যে অক্ষরগুলো ব'সে গেছে তাকে কেমন ক'রে নষ্ট ক'রবে!—"

অনাথ বাধা দিয়ে ব'লে,—“আমি কিছু তোর শুনতে চাইনি দিদি, কি তোর হ'য়েছে বল?”

কোন কথা ব'লবার আগেই ঝাঁপির চোখ দিয়ে আরো বেগে জল প'ড়তে লাগলো। তারপর অনেক কষ্টে ঝাঁপির মুখ থেকে যা শুনবার তা শুনে নিয়ে অনাথ ঢেঁচিয়ে উঠলো “এখন কি তুই কোত্তে চাস্ বল রে ঝাঁপি—উপায় একটা ঠিক কর—”

“আর হয় না দাদা—জেলের পর আর কোন উপায়ই খাটে না!”

“তবে দাদামশাইকে একটা চিঠি লিখে দে রে দিদি, জেল থেকে ফিরে আসবার পর চোর ব'লে কেউ তাকে জায়গা না দিলেও এই গরীব গাঁজাখোরেরা তাঁকে মাথায় ক'রে রাখবে!”

ঝাঁপি আস্তে আস্তে বিছানায় গিয়ে শুয়ে প'ড়লো।

অনাথ অনেকক্ষণ সেই খালি দাওয়াটায় ব'সে ব'সে কি ভাবতে লাগলো। সহসা ছাঁচার রোদে তার সমস্ত বুকটা ভ'রে গেছে দেখে আশুখতলার শাঁখার চাঙারীর কথা মনে পড়লো। তবে সেদিন তার সমস্ত দেহটা এমন অসাড় হ'য়ে গেছিলো যে, পক্ষাঘাতের রোগীর মত টলতে টলতে ঠিক দ্বি-প্রহরের সময় সে দিঘীর পাড়ে এসে পৌঁছাল। দেখলে ভিড় ক'মে গেছে, তবে তার শাঁখার চাঙারীটা উল্টে মাটির দিকে মুখ করে প'ড়ে আছে আর ছোট বড় অনেকের পায়ের ভরে সেই সব সৌখীন শাঁখার রাশ্ গুঁড়ো হ'য়ে গেছে। যে ক-জোড়া তখনও প্রাণ নিয়ে বেঁচে ছিল, অনাথ সেগুলো কোঁছোড়-ভ'রে সাবিত্রী-দেবীর নাম্নে ঢেলে দিয়ে এলো ; মনে মনে জানালে,—“আমি তাকে তোমার চেয়ে ভাল চিনি গো ঠাকুরাণি ! সকালবেলাটায় তার মুখ দিয়ে অমন কথাটা বেরুলেও তার মনের কোণেও তেমন ধরনের কিছু নেই ! আর সত্যিই যদি তার কিছু দোষ হ'য়ে থাকে, নাজাটা আমায় দিয়ে আমি হাত জোড়া ক'রে ব'লছি !”

আট

ফিরে-চলার পথে অনাথের সাম্নেই প'ড়লো খড়ের-চুড়ো-বাঁধা আড্ডাকাড়ীর নিশানা। আর তারই একটু দূরে, বাঁশঝোঁপের ধারে জেলেপাড়ার সীমানা। সে এগুলোকে পিছিয়ে রেখে যাবার আগে, আড্ডার ভাঙা আগলখানার ফাঁক দিয়ে দেখতে পেলে, ধূঁয়োর রাশ্ কুণ্ডলী পাকিয়ে বেরিয়ে আসছে। এই নিরর্থক দিনাটায় সে আপন মনে ঘরে ফিরে যাচ্ছিলো; ইচ্ছে ছিল না কারোর সঙ্গে আলাপ করার, ঝোঁকও ছিল না কিছুর ওপর। তবে তিন পা এগিয়ে গিয়েও এই ধূঁয়োর-রাশ্ দেখে আবার তাকে পিছিয়ে আসতে হ'লো; সব লোভ লালোচ্ ত্যাগ ক'রেও সে এই ধূঁয়ো আশ্বাদ ক'রবার বাতিকটা সামাই ক'তে পারে না কোন দিনই। আগল ঠেলে দাঁড়াতেই আড্ডাধারী এক গাল হেসে, হাতের গরম সাঁপিটা গামলার জলে ডুবিয়ে তার দিকে ক'ন্ধেটা বাড়িয়ে দিলে। সে একজনের জয় দিয়ে দম্-ভ'রে টান মেরে, খালি চাঙাডীটা বগলে ক'রে তখুনি আবার উঠে প'ড়লো। বেচারাম এতক্ষণ ঘরের কোণে ব'সেছিল— এইবার বালির-চরে-লুকোনো চিতার মত এক লাফে

অনাথের ঘাড়ে এসে প'ড়লো ; বল্লে,—“এই দুপুর-বেলায় ক'ল্লেয় আগুণ তুলে রাখে কে ? একটা চার-আনীর পুরিয়া ছাড়ে বল্ছি—বাঃ-রে ! নাজা তামাকটা ফুঁকে দিয়ে বেপরোয়ায় চ'লে যাবেন উনি—মনে ক'রে-ছিলে এ-বনে বাঘ নেই, না ?”

“বাঘ তো আছে, তবে এত বড় বে-বাগটাকে আজ বাগ্ ক'রবে কিসে ?”

একটু কাঠের মত শুকনো হেসে মিতের দিকে চেয়ে অনাথ সেই নিমেষেই বেরিয়ে যেতে চায় । তবে ছাড়ে কে ? একটা না-ছোড়বান্দা বহুদিন যে তার টুঁটী চেপে ধ'রে. আছে, সে এবার হুস্কার ছেড়ে উঠলো,—“একটা পা বাড়িয়েছো কি আমি এই গোছের উপর কাঁপের খিলুটা ঝেড়েছি—জোবে জোলের সাকরেং মনে থাকে যেন, হাঁ !”

“ভয় তুই আমায় কি দেখাচ্ছি! রে মিতে, ইদ পরবের দু'দিন আগে নিকিরী পাড়ার হাঙ্গামে, মনে আছে তো অমন কত ঘুণধরা লাঠী এই পিঠে—পায়ের গোছে প'ড়ে একেবারে গুঁড়ো হ'য়ে গেছে ?”

ব'লে ইচ্ছে ক'রেই অনাথ সামনের ফালি দাওয়াটকুর উপর পা-ঝুলিয়ে ব'সে প'ড়লো । এইবার দলবলেরা

তার টাংকে, গাম্‌ছার খুঁটে কোন বিশেষ পদার্থের সন্ধানে ব্যস্ত হ'য়ে উঠলো। সে একটুকু না ন'ড়ে-চোড়ে সহজ-ভাবে ব'লে গেল—“এই বদ্‌ নেশাটা যে করে, লক্ষ্মী-ছাড়া সে তো হয়ই, এ তো জানা আছে; এই এক পয়সার নেশাটুকুর তরে একজন দিন-রাতিই ভিক্ষের বুলি কাঁধে ক'রে ফিরছে, আমি ত কোন্‌ ছার—তুমি কি মনে করো মিতে অন্নপূর্ণা'য়ার ঘরগী সে এই বুলিটা ভিত্তি ক'ত্তে চায় অন্ন? না-গো-না কখ'খোনো না—গাঁজা—গাঁজা—গাঁজা, এইটেরই তার অভাব আছে!”

বেচারাম একজনকে কি একটু ইঙ্গিত ক'রে ব'লে ব'সলো,—“আজ এত খেদটা হ'চ্ছে কিসের? ঠিক হ'য়েছে—রোগের মত ওষুধ হ'য়েছে—কেমন, আজ সব খুইয়েছো তো? সে আমি আগে থেকেই জানি—এখনও লোকসান তোমার বরাতে ঢের আছে!”

“ঐ তুচ্ছ লোকসানটার জন্তে কি অনাথ এতটা মুস্‌ড়ে প'ড়েছে রে-মিতে—লোকসান যে তার আজ খুব হ'য়ে গেছে! এ লোকসান কি সে আর এ জন্মে সেরে তুলতে পারবে!”

বন্ধুকে কাতর দেখে যে বান্ধব সে বড় কাতর হ'য়ে পড়লো; বিহ্বল হ'য়ে পড়লো। মিতের গলা

জড়িয়ে ধ'রে বেচারাম সাহস দিয়ে ব'ল্লে “ভয় কিরে
তোর মিতে, বেচারামের হাতে নগণ্য কিছু না থাকলেও
পাঁচখানা তার টানা জাল, নাতটা তার জমা পুকুর,
রুই কাতলাগুলো হাতের চেটো ডিঙিয়ে গেছে, নতুন
জল প'ড়লে—না থাক, আশ্ছে হাতে বিক্রী ক'রে
তোর—”

এমন সময়ে সৈরভী জেলেনী ছেলেকে ডাকতে
এলো।

“—এই যে মা—শুনেছো তো মা মিতের ব্যবসার
যা-কিছু আজ আশুখতলার ঘাটে লুট হ'য়ে গেছে?—”

মা প্রথমে একটু হাউ চাউ ক'রে মাথায় হাত দিয়ে
তাদেরই পাশে ব'সে প'ড়লো।

বেচারাম এবার জোর পেয়ে মাকে লক্ষ্য ক'রে
ব'ল্লে “ও-তো তোমার বেচুর চেয়ে কিছু কম নয় মা
—ওর ডান হাতটা যে আজ বন্ধ হ'য়ে গেল, তার
উপায় তুমি কি ক'চ্ছো? তার উপর একলা নয়
একজন—”

সৈরভী রেগে তাকে কথাটা শেষ ক'র্তে না দিয়েই
ব'লে উঠলো “সেই একজনই তো ওর কাল!—কোন্
ছলে কোন্ মায়াবী এসে ঘরে ঢোকে তা কি বলা যায়—

ওর মায়া কান্নায় ভুলো না ; যদি নিজের ভালো চাও
ঐটিকে আস্তে আস্তে বিদেয় কর বাপু !”

অনাথ কেমনতর অন্তমনস্ক হ’য়ে উত্তর দিলে
“বিদেয় তো ক’রে দিয়েছিলুম মা, আবার যখন এনে
জুটেছে তখন নিজে বিদেয় না নিয়ে ওকে আর বিদেয়
করা চ’লবে না !”

“এইবার সবাই হবে তোমার বৈরী। হারু ঠাকুর
কথক ; সেদিন পালা গাইলে যে, একজন ওমনিতির
মায়াবীকে নিয়ে পাণ্ডবদের আশ্রয় নেয়, তাই নিয়ে
পাণ্ডবের সখা কেশ্টোর সঙ্গেও—”

বেচারাম হো হো ক’রে হেসে উঠলো ; • বাধা
দিয়ে ব’ল্লে “তাতে আর ভয় কি মা, সেদিন যদি
আনে নিংহবাহিণী মূর্তিতে তুমি তোমার ছেলেদের
রক্ষে ক’ত্তে মাঝখানে এসে দাঁড়াবে !”

সৈরভী এ কথাটার পর আর অনেকক্ষণ কোন
কথাই কইলে না। সবাই চুপ। কেবল অনাথ ভাবতে
লাগলো কোন্‌খানে তার ভুল, কোন্‌খানে তার দেবতা-
দের অভিষাপকে আশ্রয় দেওয়া আর কোন্‌খানেই
বা আশ্রিতকে রক্ষে ক’ত্তে গিয়ে সকলের উপর যিনি
তাঁর বিপক্ষে অস্ত্র-ধরা ! এর মীমাংসা তো তার কাছে

এলোই না, বরং পাখা নেড়ে দূর আকাশ দিয়ে যেতে যেতে ব'লে গেল 'এইটুকু তোর জীবন থেকে তাড়িয়ে দিলে তোতে থাকে কি ? ছাই—ভস্ম ! কেবল এপাড়-ওপাড়-জুড়ে ধু-ধু-করা বালি-ভরা মাঠ ! তোর মধ্যে যা-কিছু মানুষের-মত—নেবার-মত তা তো তরু তরু ক'রে ঐ সাগরটুকু ছোঁবার তরেই পাগল হ'য়ে ছুটে চ'লেছে ! ঐ পাগলামিটা বন্ধ ক'রিস্ মে রে হতভাগা, তাহ'লে তোর জীবনের ঘড়ি একেবারেই বেকল হ'য়ে বন্ধ হ'য়ে যাবে !'

• অনাথ একবার চম্কে উঠলো, সেই তিথিন্ রোদের আকাশের দিকে চেয়ে দেখলে না আছে পাখী—না আছে বাণী । কেবল তার মনটা গুম্বরে উঠলো—'ওরে মায়া-রাস্কুসি ! এ আবার তুই কি লোভ আগায় দেখিয়ে গেলি—ঘুমে-ভরা ঘুমন্তকে এ আবার কি জাগ্রত দেখালি ! সরিয়ে নেরে—তোর ঐ আকার-দেওয়া ইঙ্গিত যতক্ষণ আমার চোখের সামনে থাকবে ততক্ষণ আমি উন্মত্ত হ'য়ে উঠবো—ছুটবো—জ্ঞান হারিয়ে ফেলবো !

ঠিক এই স্বপ্ন-দেখার সময়টায় বেচারাম এসে তার হাতটা ধ'রে টানলে ; ব'লে "ভেবে কি হবে মিতে, চল দুটি খেয়ে আদি—মায়ের ডাইনে বাঁয়ে দুটো দিকে

আজ ছু'জন জুড়ে ব'সবো, দেখি সে ক-হাত খুলে কত-ক'টা অন্ন নিয়ে আমাদের এই কতক-কালের অনাহারকে মিটোয় !”

হনুমানের গল্পটা যদিও বেচারামের মনে আসে নি তবুও এই রকম ধরনের কথাগুলো বলা অভ্যাস ছিল অনাথের। সে যা বলতো তাতে মিষ্টি থাকতো—চিন্তা থাকতো—সবার উপরে থাকতো একটা খর টান। তার কাছে থেকে থেকে ঐ রকম ব্যঙ্গনা দিয়ে কথা কইবার একটু আধুটুকু ক্ষমতা জন্মেছিল বেচারামেরও। কিম্বা এ ক্ষমতা নয় একেবারে নকল—বুলি মুখস্থ করা—শোনা কথা শেখা।

অনাথ মনে মনে একটু হাসলে তার পর মিতের কাঁধে হাত দিয়ে নিমন্ত্রণ রক্ষে ক'ত্তে চ'ল্লো। আর সেই দলবলেরা হাঁ ক'রে চেয়ে রইলো। বেচারাম সেদিকে লক্ষ্য ক'রে টিটকিরী দিয়ে ব'লে “চেয়ে দেখছি কি ? সাহস আছে কার, যার সঙ্গে এক ক'ঙ্কেয় গাঁজা খাস, তার সঙ্গে একপাতে ব'সে ভাত খেতে ? যার ছিল সে এসেছে, বাকি কারো ধাঁকে আয় !”

বন্ধুর দল হেসে ভঙ্গী ক'রে যদিও কথাটা উড়িয়ে দিলে তবু একটা খোঁচার ঘা তাদের সহিতে হ'লো।

সাপ-সিন্দুক থেকে কাঞ্চনখালা বের ক'রে সাজিয়ে গুছিয়ে সৈরভী অনাথের সামনে ভাত ধ'রে দিলে। পাশে একটা ভাঙা মেটে পাথরের খোরাতে বেচারামের ভাত ছিল—ডাল ছিল—চুঁগোপুঁটির অস্থল ছিল। অনাথ ছ-এক গ্রাস মুখে তুলতে তুলতে হেসে ব'ল্লে “পক্ষীরাজ ঘোড়ায় চ'ড়ে যে রাজার বেটা আজ তোমার বাড়ীতে খেতে এসেছে তার পাশে এই তল্লাদারটাকে ব'সিয়ে দেওয়া কি শ্রাব্য হ'য়েছে মা ?—”

তারপর একটু রেগে ব'লে ব'ল্লে—“এমন ক'রে যদি দুই-দুই ভাব তাহ'লে আর আসবো না তা ব'লে দিচ্ছি মা পিষ্ট !—”

মাছের কাঁটা বাছ'তে বাছ'তে বেচারাম উত্তর করলে, “মায়ের ঐ একচোখোমী, একজনের উপরে টান বরাবরি আমি দেখে আসছি, আর সামাই করা যায় না ; আমায় কি না ভাঙা খোরায় ভাত,—আমি কি না তল্লাদার —মুটে !”

ব'লে এমন জোরে নিজের খোরাটা সরিয়ে দিলে যে, সেটা গিয়ে অনাথের খালার গিয়ে ঠেকলো। অনাথ ওমনি হাসতে হাসতে তা থেকে যা ভাল পেলো নিজের মুখে তুলে দিলে। তারপর ঝটাপটি কাড়াকাড়ি। ঠিক

এই সময় ক্ষ্যান্ত এসে ডাকলে “সৈরভী-পিসী, কি হ’চ্ছে গো ?—” তারপর দাওয়ার দিকে একটু বাঁকা নজর ক’রে এই কথা ব’লে চ’লে গেল “—খাওয়া দাওয়া হ’চ্ছে বুঝি—তবে এখন আসি !”

অনাথ হঠাৎ চমকে উঠলো অন্তমনস্ক হ’য়ে গেল । কেন যে নিজেও বুঝলে না, মনকেও কৈফিয়েৎ দিতে পারলে না । এই খাওয়ার মুহূর্ত-ক’টী সব থেকে দূরে এনে তাকে এত তৃপ্তি দিচ্ছিলো,—এত স্নিগ্ধ ক’রেছিলো যে, তার বুকটা যেন হাওয়ার মুখে ধরলে হাক্কা শোলার মত উড়ে যায় । কিন্তু হঠাৎ আবার তা তিন মণ ভারী হ’য়ে উঠলো । সেই একজনের মুখখানা—এক পোড়াকপালীর মুখখানা—তার অদৃষ্টটা অ-দৃষ্টের মতন তার আশে পাশে ঘুরে বেড়াতে লাগলো । সে তাকে না পারে ছুঁতে, না ধ’রে ফিরতে । বুড়ী তার চোখ টিপে ধ’রে আর কুকু দিয়ে সে পালায় । খুলে দিলে সে দেখে সুরের রেশ্ কাণটায় লেগে আছে বটে, তবে যার স্বর তাকে না যায় দেখা, না পাওয়া যায় খুঁজে । মাঝে মাঝে লোভ দেখাতে দৃস কোঁপের আড়াল থেকে বার হ’য়ে তাকে ধরা দ’বো ব’লে পিছু পিছু ছোঁটায় ; সে ছুটে কাহিল হ’য়ে পড়ে, আর ভেক্বীদার বুড়ী ছুঁয়ে দেয় । সে

আবার চোর হয়। এই ‘চোর-চোর’ খেলায় চিরকালই তার চোর হওয়া ঘুচলো না। সে এবার মনে ক’রলে মারতে হবে ঐ ‘বুড়ীটাকে, সে যদি না থাকে তাহ’লে তো ছোঁবার কিছু থাকবে না। তাই ঠিক হ’লো। সে ব’ল্লে—‘ওরে ঝায়-বিচার-করনেওয়ালা বুড়ী, এই দিলুম্ তোর টুঁটী টিপে—এখন ঝায়ে হ’ক্ অঝায়ে হ’ক্ ওকে ছোঁয়া চাই!’—তবে বুড়ী মারতেই খেলাও ভেঙে গেল; কে কাকে ছোঁয়—কে চোর হ’য়?—

“কি রে, তোর মুখে যে আর ভাত উঠছে না?”

“ওঠে যদি তাড়ি খাওয়ান্।”

এটা যে কি রকম উত্তর হ’লো অনাথ তা নিজেই বুঝতে পারলে না।

বেচারাম লাফিয়ে উঠলো; ব’ল্লে “পিপাসা মিটছে না বুঝি?—তবে আগে কোন্ বনুলি না—ভাত খেয়ে—জানি তোমার ছোঁক্-ছোঁকে স্বভাব—আচ্ছা খেয়ে নাও, দেখা যাচ্ছে পরে!”

নম্র

বেলার শেষে তাড়ি খেয়ে অনাথ এত বেহুঁ-স্ 'হ'য়ে
 প'ড়লো যে, সে রাত্তির তাকে আর বাড়ী ফিরে যেতে
 হ'লো না। সৈরভী দাওয়ার শীতল-পাটী পেতে দিলে
 আর সঙ্গীদের পাঁচজন তাকে পাঁচু সেখের তাড়িখানা
 থেকে ধ'রে নিয়ে এসে শুইয়ে গেল। নেশার কোঁক
 দেখে তার ভিতরের মধ্যে যে মাতাল ছিল সে বেরিয়ে
 এলো। নেশা ক'রে যে মাতাল সে মাতালও কিন্তু ঐ
 বুকের মাতালটাকে মাতাল ক'তে পারে না। সে বরঞ্চ
 ওর ঘাড়ে ভর ক'রে নিজের রূপে এমনি সহজ বাস্তবিক
 হ'য়ে বেরোয় যে, রংয়ের-মুখ ছাড়া শাদামুখে তা কখখোনো

সম্ভব নয়। অনাথের এই মাতলামোর মধ্যে ছিল তার মাতাল মনের পরিচয়; সে দিন রাত টলুছে, মদ খেয়েও টলুছে না খেয়েও টলুছে। মানুষ মাতাল হবার লোভে তো মদ খায় না, মদ খায় সে শুধু মদের লোভে। কাজেই যে উগ্র মদটা সে ছেলেবেলা থেকে আস্বাদ ক'রে এসেছে, যে তাকে কেবলি রংয়ে ছাণে টেনেছে, এখন মাতাল হবার নেশা তার কেটে গেলেও মদের লোভ তো কাটে নি; তাহ'লে কি মদ-উড়ে-যাওয়া খালি বোতলটা আজও তার সঙ্গে সঙ্গে ফেরে!

ভোরের দিকে পাখীর কিচির মিচিরে অনাথের নেশার ঝাঁকু' কেটে গেল। সে চেয়ে দেখলে আজ যেখানে শুয়ে আছে সেখানটা তো তার চেনা শোবার জায়গা নয়; তার পায়ের তলায় ব'সে তামাক খাচ্ছিলো বেচারাম, তাকে দেখে তবে তার সব মনে হ'য়ে গেল। যেই মনে হওয়া ওমনি একটা কাঁপুনি তার সারা দেহটাকে কাঁপিয়ে দিতে লাগলো। সে এককবার হুঁকোটা মুখে দিয়ে দৌড়ের ধারা ধ'রে চ'ল্লো।

অনাথ যখন বাড়ীর উঠোনে এসে পা দিলে তখনও দক্ষিণ ধারের সামনের ঘরটা ভিতর থেকে বন্ধ ছিল। একবার সে মনে ক'ল্পে ডাকে। কিন্তু আজ সে ডাকে

কোন্ সাহাসে কোন্ অধিকারে ? তার অপরাধটা এত বড় হ'য়ে চোখের সোজা বাক্ বাক্ ক'চ্ছে যে, ঐ ঘরটার মধ্যে যে শুয়ে আছে তার উপর কোন রকমের দাবী করা আজ আর ওর চ'লে না । ওঃ ! সকালবেলায় তার সেই বিপদটাতে সে শুধু জানিয়ে গেছে ব্যথা, এখন অনাথের এই ব্যথা-জানানটা যে কিছুই নয়, একি আর তার কাছে ধরা প'ড়তে বাকি আছে ? তার উপর ঐ নিঃসঙ্গী মেয়েটিকে সারারাত্তির অন্ধকারে এই জঙ্গলের মধ্যে একলা ছেড়ে রেখে চ'লে যাওয়ায় তার কি কৈফেত দেবার আর কোন পথ খোলা আছে ? এ-সব কথা বতাই মনে করা যায় ততই কাপুরুষ ক'রে তোলে । তাই সে মনটাকে জোর দিয়ে ব'ল্লে 'ক'রেছি বা কি ? ক'রেই যদি থাকি'—তারপর গায়ের চাদরটা দাওয়ায় বিছিয়ে চুপ্‌টা মেরে শুয়ে প'ড়লো । এবার বাইরের শিকলটা ন'ড়ে উঠলো, ভিতরে খুট ক'রে আওয়াজ হ'লো । এইবার একজন বেরিয়ে আসবে বটে তবে তার আগেই আবার খুট ক'রে আওয়াজ হ'লো ; এবার দরজা খুলবার নয় বন্ধ হবার । বন্ধ হ'লো কে ?—সে নিজে । বাইরে এলো কে ?—ভিতরে ছিল যে । সে ভয়ে ভয়ে চোখ বুজে প'ড়ে রইলো ।

অনাথ তো প'ড়ে রইলো কিন্তু তার কাণটা রইলো জেগে । নেটা শুন্তে পেলে দু-খানা পায়ের নয় চারখানা পায়ের চলাফেরা, দুটো ঠোঁটের নয়, চারটে ঠোঁটের নড়াচড়া । ফিস্‌ফিস্—ফিস্‌ফিস্—ফিস্‌ফিস্ । তার চমক গেল ভেঙ্গে, লজ্জা ভয় গেল দূরে স'রে, চোখ খুলতেই দেখতে পেলে একজন পালিয়ে যাচ্ছে খুব সন্তর্পণে আস্তে তারই পায়ের তলা দিয়ে । সে হাঁক মেরে দিলে, —“কে যায় হোতা দিয়ে ?”

যে যায় সে অপরাধী, ফিরে চাইতে গিয়ে আপনাকে দিলে চেনা ।

এইবার যেই সে ধড়মড়িয়ে উঠে তার চুলের মুঠি গেল ধ'ন্তে, অর্মানি পিছন থেকে একজন ঝাঁড়া তুলে কড়া সুরে ব'লে দিলে,—“খবরদার ওর গায়ে হাত তুলো না বলছি—ও-ছিল তাই রক্ষে !—”

সে হাত তো গুটিয়ে আনুলেই তবে মনটাও এই সঙ্গে তার গেল গুটিয়ে ; সে ভয়ে ভয়ে শুধু জিজ্ঞাসা ক'লে,— “আমার মুখটা পুড়িয়ে দিবারই কি তোমার ইচ্ছে দিদি ?”

চৌকাট গোড়ায় দাঁড়িয়ে ঝাঁপি রাগে ফুল্‌ছিলো ; উত্তর ক'লে,—“যার মুখে আগুন ধরে তারই মুখ পোড়ে ; অপরের মুখে আগুনের আঁচও লাগে না !”

“এই কথাটা তুই ব’লতে পাল্লি রে কাঁপি ?”

“কেন ? আমার ওপর কারো তো কিছু জোর নেই—”

“দিদি—”

সেই ডাকটা কাণে না তুলেই কাঁপি বেশ স্পষ্ট ক’রে জোর দিয়ে যেমন ব’লছিলো তেমনি ব’লতে লাগলো,—
“বুঝি, মানুষ যা ক’রে তাতে একটা লোভ থাকে—বিনা লোভে কেউ কিছু ক’রে না—”

অনাথ এইবার রেগে উঠলো ; জিজ্ঞাসা ক’লে—“ওরে হাড়-বেইমান ! শশুর বাড়ী থেকে তোকে যখন তাড়িয়ে দেয় তখন কি লোভে অনাথ—”

“লোভ ছিল না তো কি ওম্নি—খুব লোভ—
চিরকালের লোভ !”

অনাথের গায়ের প্রত্যেক লোমগাছটা খাড়া হ’য়ে উঠলো । সে আবার নিস্তেজ হ’য়ে প’ড়লো, স্বর মন্দ্র হ’য়ে গেল ; জিজ্ঞাসা ক’লে,—“আর অন্ধকারে রাখিস্ না-রে দিদি, বল্ মুখ্য অনাথের সে লোভটা কি ?”

অনাথের মুখ দেখে, কাঁপির সাহস গেল বেড়ে । ধারণা এইবার নিশ্চয় হ’য়ে তার মনের মধ্যে মোরসী-পাট্টা নিয়ে ব’সলো । সে একেবারে সমস্ত সঙ্কোচ—সম্বন্ধ স্মৃতিয়ে দিয়ে উত্তর ক’রলে,—“এই আমার ওপর লোভ—

এই লোভটার জন্তে সেই আট বছর বয়েস থেকে আমায় কি ঘুমই না তুমি দিয়ে আস্ছে।—”

সহসা সমস্ত আকাশটা যেন অনাথের মাথার উপর ভেসে প’ড়ে গেল,—কি যেন ছুঁইয়ে দেওয়ায় তার সমস্ত দেহটা অসাড় হ’য়ে প’ড়লো ; এরপর আরও যে কি শুন্তে হবে এই ভয়ে নে নিজের মুখটা, হাঁটু দুটোর মধ্যে গুঁজে দিলে ।

“—সাত-পাকে যাকে বন্দী ক’রে নিয়ে এল তাকে একটা মিথ্যে কলঙ্ক দিয়ে তাড়ালে ; সে হ’লো পর—পরের উপর কিসের জন্তে এত দরদ তাকি আর বুঝি না—ভাগ্যে ক্ষ্যান্ত দিদি ছিল তাই রক্ষে, নইলে কি জিনিষই না আমায় হারাতে হ’তো !”

অনাথ অপমানে মাথা হেঁট ক’রে ছিল, বুকখানা দুৰু দুৰু ক’রে কাঁপছিল । সে খানিকটা পরে ব্যথার স্বরে বিনয় ক’রে ব’ল্লে,—“দিদি, এই ধরণের কথাগুলো বলিস্ নে-রে, আমি মনের কাছেও তেমন কোন অত্মায় ক’রি নি ! বিশ্বাস না হয় তাখ্ রে দিদি, তোরা আঁচলেই তো চাবি, ঐ টানের পোর্টম্যান্টায় একটা হলুদে রংয়ের কাগজ আছে—হরে’ খুড়ো কি তাতে লিখে গেছে তাখ্,—ওটা কি জানিস্ দিদি, কোন একটা দিনে এই

হতভাগার ঠিকে কিছু টাকা খুড়ো কর্জ ব'লে নেয়, আর ঐ কাগজটায় তমসুক লিখে দেয়—হরে' খুড়ো পাগলামি ক'রে যে জিনিষ আমার কাছে বন্ধক দিয়েছিল, তার বারোটা বছর কেটে গেলেও আমি আমার মিয়াদী স্বত্ত্ব সহজে ত্যাগ ক'তে পাচ্ছি না-রে দিদি, সেই জন্যে আমার অমন ক'রে আসামীর কাঠগড়ায় দাঁড় করাবি রে?”

মুখের কথা ফুরোবার আগেই ঝাঁপি সেই কাগজখানা নিয়ে এসে প'ড়ে নিলে তারপর ছুঁড়ে ফেলে দিলে। আরো বেশী রেগে সে আগুণ হ'য়ে ব'ল্লে “টাকার জন্যে মেয়ে বন্ধক যে দেয় সে বাপ নয় রাক্ষস আর যে নেয়—”

“খামু রে দিদি, ওটা বন্ধকী জিনিষ ব'লে খিনিল্ নি ; এও কি কখন হয়—এই অসম্ভবটীর উপরেই যে তোর বাপ মায়ের দারুণ ইচ্ছে ছিল ; তাই সখ ক'রে আনন্দ ক'রে ওটা লেখা রে !—তবে—তবে তুই আমার দিদি ভিন্ন অপর কিছু ন'স্ রে-দিদি !”

অনাথের ছ-চোখ দিয়ে বড় বড় ফোঁটা মাটির উপর প'ড়তে লাগলো। সে উচ্ছ্বাসের মুখে আরো বলতে লাগলো “—তুই আমার দিদি আজও আছিস্—সেই অভিসম্পাত্তা তো ফলে নি রে !—তোরা মামা তোরই মত মনে ক'রুছিলো ঝাঁপি, এই লোভী মানুষটা বুঝি ঐ

কাগজখানার জোরে তোকে ছিনিয়ে নিলেও নিতে পারে, তাই বার বছর তোর এ মুখো হবার উপায় ছিল না ; আজ তামাদী হ'য়েছে তাই এসেছিচ্ রে ! তবে নিশ্চয় জেনে রাখ্ ঝাঁপি, ঐ কাগজটার ছেলেখেলার কথা ভুলে যা—যদি সত্যিই তেমন কিছু ক্ষমতা আমায় দেওয়া থাকতো তাহ'লেও রে দিদি অনাথতোর অসম্মান কোন একদিন এতটুকুও ক'ত্তো না !”

ঝাঁপি আবার গিয়ে বিছানার উপর শুয়ে প'ড়লো ।

খানিকক্ষণ কথাবার্তা নেই । চুপ্ চাপ্ ।

“কাল আমার অমন সৰ্ব্বনাশটার দিনে তোমার কি আমোদইনা বেড়ে গেল—তাহ'লেই বোঝা যায়, আমার যাতে সৰ্ব্বনাশ তোমার তাতে লাভ !”

গুম্বে গুম্বে ঝাঁপি গজ্জাতে লাগলো ।

“তা ব'লবি বই কি দিদি ! কাল যদি ঐ আমোদটুকু মিটে আমায় না দিতো তাহ'লে দেখ্ তিস্ এই হতভাগাটা দম্ ফেটে মরে গেছে—ওরে ঝাঁপি, তোর ক্ষতি যে আমার কতখানি ক্ষতি তা যদি—না থাক্—”

অনাথ বুঝিয়ে দিতে চায় তার বুকখানা চিরে—বুকের কথাটুকু উপ্ড়ে এনে ওর সাম্মনে ধ'রে । কিন্তু সে কোন-মতে বুঝতে চায় না—মানতে চায় না । কাজেই তাকে

এই ভাবনাটুকু পলে পলে নিরাশ ক'রে তোলে, আকুল ক'রে তোলে। সে ছটফট ক'তে থাকে। কিন্তু বুকের ভাষা মুখের ভাষায় আমল দেয় না, কাজেই কি ক'রে সে বোঝায়? অনেকক্ষণ পরে সে একবার ডাকলে “দিদি—”

“কি?”

“অনা কাল যা ক'রেছে তার জন্তে সে ঘাট মান্ছে—তুই একবার চেয়ে দাখ্ দিদি, সে আড়াই হাত মাপা নাকুখং দিচ্ছে—”

“স্পষ্ট ক'রে ব'লতে গেলে তোমার ঘরে আমার আর থাকা চ'লবে না—”

“কেন রে দিদি?”

“পুরুষমানুষের বাড়ীতে এই জাত্টার থাকাটা লোকের চোখে কেমনধারা দেখায়?”

“এই জাতেরই মধ্যে মা-বোন আছে রে-দিদি!”

“থাকে থাক্। তবে যে এমন ক'রে একজনকে এই জঙ্গলের মধ্যে রাখে—”

“তার জন্তে এই তো আগে ঘাট মান্গুম্ রে দিদি—ফের নয় আর একবার নাকুখং দিচ্ছি!”

অনাথের সেই দুর্গতিটা কেউ একবার ফিরেও দেখলে

না। কেবল বিছানার উপর থেকে উত্তর এলো “তুমি যাই কর শ্বশুরবাড়ী থেকে বউকে না নিয়ে এলে আমি আর একতিলও এ ভিটেতে থাকতে পারবো না তা ব’লে দিচ্ছি ; তার উপর যে বাগ্দৌর হাতে খায়—সত্যি কি মিথ্যে জিজ্ঞেস্ ক’চ্ছি ?”

অনাথের মলিন মুখে একটু হাসি এলো ; ব’ল্লে “কার মুখে শুন্লি রে দিদি ?”

“যে কাল রাত্রে আমার পাশে শুয়ে—”

“ওঃ বুঝেছি রে দিদি, ক্ষ্যান্তি—সে এ-কথাটা মিথ্যে ব’লে নি, এর জন্তে কি আমায় ক’ত্তে হবে বল্ ?”—

ঝাঁপি বিদ্যুতের মত উঠে তখুনি রান্নাঘর থেকে হাঁড়ী কলসী যা কিছু ছিল ছুঁড়ে উঠোনের মাঝখানে ফেলে দিলে। অনাথ অবাক্ হ’য়ে চেয়ে রইলো ; কেবল ব’ল্তে লাগলো “থাম্ রে-দিদি থাম্—এই নির্যোধটা যা ক’রেছে তার জন্তে সে আপনার গালে আপনি চড়াচ্ছে—যা ক’রেছি তা যদি তোরা কাছে গহিত ব’লে মনে হয় কালই চন্দ্রায়ণ প্রায়শ্চিত্ত ক’রবো !—যাকে একটুখানিও আপনার ব’লে মনে করি দিদি, তার সঙ্গে আমি কখন জাতের—কিছুর বিচার ক’ত্তে পারি না-রে !”

“আমি কিছু শুনতে চাই না, হয় তুমি এ ঘর থেকে বেরোও না হ’লে আমি—”

“না রে দিদি, তোর ঘর ছেড়ে তুই কেন যাবি— আমিই যখন অত্যাচার ক’রেছি তখন আমিই ন’ড়ে যাই!”

ব’লে অনাথ খুব আস্তে আস্তে পা ফেলে চ’লতে লাগলো। একেবারে চোখের আড়াল হবার আগে সে একবার ঘুরে ভয়ে ভয়ে জিজ্ঞাসা ক’ল্লে “কাল নেই কোন্ সকাল পেরটে একমুঠো প’ড়েছিলো—সারারাতের খিদেয় নাড়ী চন্‌চন্‌ ক’রছে, তার উপর এখন যদি তাড়িয়ে দাও দিদি, তা’হলে সেই শাননে এই অস্থিমাংসের দেহটুকু টিকবে কতক্ষণ? তাই ব’ল’ছিলুম একমুঠো—কেবল একটা মুঠো তোর হাতের গরম ভাত দিয়ে এই হতভাগটাকে তাড়িয়ে দিলে হ’তো না?”

“খিদে আবার কিসের? কালকে তো খাওয়া হ’য়েছে অনেকবার —অনেক রকমের—অনেক লোকের হাতে—”

অনাথের সত্যিকার নাড়ী ন’ড়ে উঠলো; সে জবাব দিলে “কারোর হাতে খেয়ে আমার খিদে যায় না রে-দিদি!”

ঝাঁপির বুকখানা দপ্‌ কলে ঝলে উঠলো। সে সেই

আলোতে দেখতে পেলো, অনাথের বুকের কোন্‌খান্টায় কি দ্রব্য আছে। একটা ঢেউ উঠে তার বুকটাও উছলে দিতে চাইছিলো, সে একটা খাবড়ায় তাকে ভেঙে চূর ক'রে দিলে; মুখটায় কড়া হ'য়ে ব'ল্লে “না—না—ও সব কিছু শূন্যে আমি পারবো না—আমি একেবারে কনাই—তুমি এখুনি বেরুবো কি না বলো, না-হ'লে আমাকেই বেরিয়ে যেতে হয়—”

কোন উত্তর না ক'রে অনাথ মড়ার মত চ'লে গেল। তবে তার অনাহারটা জ্যান্তো বলবান হ'য়ে বাঁপির আসে পাশে ঘুরতে লাগলো। সে সদর দরজায় দাঁড়িয়ে চেষ্টা করে ব'লে দিলে “—যদি ফের বাড়ী চুকতে চাও তাহ'লে নেই অভাগিনীকে সঙ্গে ক'রে আনা চাই—সকাল সকাল বেরুচ্ছো, সকলের আগে শশুর বাড়ী থেকে ফিরতে হবে হাঁ—আমি ভাল ক'রে রেঁধে—”

গলার এ কথাটা আর বাঁপি শুনিয়া দিতে পারলো না; তার আগেই তার স্বর গেল কেঁপে, চোখ এলো মেঘলা ক'রে

দশ

কাঁপি অনাথকে বিদায় ক'রে দিয়ে ফিরতেই দেখতে
 পেলে এক হাঁড়ী ভাত সমস্ত উঠোনটায় শ্বেত-করবীর
 পাপ্‌ড়ীর মত ফুটে র'য়েছে। সেই এক একটা অপমানী
 ভাতের দানা যেন তার দিকে আগুনের গোলার মত
 চেয়ে আছে ; নরোষে ব'ল্ছে “ওরে অহঙ্কারী ! কাল
 সন্ধ্যাবেলাটা থেকে কি যন্ত্রণাটাই না তুই আমায় দিচ্ছিস্
 —তোর মধ্যে যে ক্ষুধা-নারায়ণ আছেন তিনি সমস্ত
 রাতটা আমার দিকে কি কাতরেই না চেয়েছিলেন!—ওরে
 নিষ্ঠুর ! কেবল তোর শাসনেই আমি তাঁর সেবায় আস্তে
 পারি নি ! তুই তো একলা উপবাস করলি একটা তুচ্ছ

মানুষের ছলে, কিন্তু তোর মধ্যে যারা তোর হাতে খায়, তারা তো অনাহারী রইলো কেবল তোকে অভিষাপ দিয়ে ! এর ফলটা—” সে আর শুনতে পাল্লে না— ভাবতে পাল্লে না—ছল্ ছল্ চোখে মনের কাছে ব’ল্লে “আমায় দোষ দিচ্ছো দাও, কিন্তু সে এসে ঐ ভাতগুলোর একটা দানাও না মুখে দিলে আমি কেমন করে খাই— তার নামেই যে রাঁধি, সে না খেলে কি খাওয়া যায় ? তবে—” সে প্রতিজ্ঞা ক’রে ব’ল্ছে সেই মানুষটা এফমুটো ভাত এই সকালে কাতর হ’য়ে চেয়ে না পেয়ে সমস্ত দিনের তরে বেরিয়ে গেলেও আজ এখুনি সে হাঁড়ী চড়াবে। কেন চড়াবে না, কে কার জন্তে শুকিয়ে থাকে ? কাল সে যে দাঁতে কুটো কাট্লে না তার জন্তে কি আর একজনের মুখে কিছু রোচে নি ? এ বোকামী আজ পর্যন্ত কেবল সেই ক’রে এনেছে—এই ছোট ছোট রুত্তিগুলিকে প্রশ্রয় দিয়ে দিয়ে তারা যেন আজ তাকে একেবারে পেয়ে ব’সেছে—এই নরম হওয়া আর তার চ’ল্লে না,—তাকে হ’তে হবে লোহার চেয়েও শক্ত—কড়া। এই রকম কত কি ভাবতে ভাবতে সকাল বেলার পাট কাঁট সেরে সে পুকুর থেকে একটা ডুব দিয়ে এসে চুলোয় আগুন দিলে।

আজ তার রান্নার প'ড়ে গেল ঘটী—কারো মুখ চেয়ে
 নে আজ একটীও 'জিয়োনা' মাছ, কি দু'-একটা আলু
 পটল ফেলে রেখে দিলে না। প্রথম দফায় বড়া হওয়াটা
 সে এমনি ক'রেই সারতে লাগলো। ভাত চড়ে গেছে,
 সে বাঁশের চোঙা দিয়ে উনুনে ফুঁ দিচ্ছে, এমন সময়
 ক্ষ্যান্তি একবার চারদিক্ চেয়ে চোরের মত উঠোনে এসে
 দাঁড়ালো। পায়ের আওয়াজ পেয়ে বাঁপি সাড়া নিলে
 “কে রে ?”

“আমি ক্ষ্যান্তি।”

“কেন রে ?”

ক্ষ্যান্তি তখন আস্তে আস্তে বাঁপির কাছে গিয়ে
 তার কানে কানে কি ব'লে; শুনে বাঁপি লাফিয়ে উঠলো ;
 জিজ্ঞাসা ক'লে “কোথায় রে ?”

ক্ষ্যান্তি খুদী হ'য়ে বেশ গুছিয়ে ব'লতে লাগলো
 “এখানে তো বড় আসেন্ না, সদর-কাছারীতে বছরান্তে
 একবার পায়ের ধুলো পড়ে—তখুনি প্রজারা যার যেমন
 যোগ্যতা রাজার মান্ত রেখে আসে। আহা, কি চেহারা
 —কি ঐশ্বর্য্য ! রান্নাঘর থেকে বেরিয়ে এসে তুই একবার
 ত্যাখ্ না রে বাঁপি ঐ যে ঘোড়ায় চ'ড়ে যাচ্ছে !”

এই রাজার বেটার গল্প সময়ে অসময়ে কারণে

অকারণে ক্ষ্যান্ত ঝাঁপির কাছে অনেকবার ব'লেছে। তার উপর উনি যে ক্ষ্যান্তমণিকে বিশেষ অনুগ্রহ করেন একথাও ঝাঁপির কাছে লুকানো নেই। ক্ষ্যান্তর আগ্রহে ঝাঁপিকে একবার উঠে দেখতেই হ'লো ঐ গল্পর মানুষ-টিকে। ক্ষ্যান্ত তাকে ধ'রে সদরের সামনে দাঁড় করাতেই, একটা জোর-চাবুকের ঘোড়া উত্তর দিক্ থেকে আসতে আসতে তাদের কাছ বরাবর এসে যেন একেবারে থেমে গেল। আর তার সওয়ারটা নির্লজ্জর মত তার দিকে চেয়ে রইলো। সে মুখে অঁচল ঢাকা দিয়ে দৌড়ে বাড়ীর মধ্যে চ'লে গেল।

খানিক পরে ক্ষ্যান্ত এনে আবার দেখা দিলে। তার মুখে যেন হাসির জোয়ার বইতে লাগলো। এত হাসি আর কখন ঝাঁপি তার মুখে দেখেনি। ক্ষ্যান্ত মনে ক'রেছিল এই হাসির কারণটা তাকে জিজ্ঞাসা ক'রবে ঝাঁপি, তখন সে যা-হয়েছে তার উপর আর এক পৌঁচ-ঘোরালো রংয়ের তুলি বুলিয়ে তার নামনে ধ'রবে; দেখবে এই ব্যাপারটা তাকে আর কতটা নড়িয়ে দিতে পেরেছে। কিন্তু আজ আর তেমন ধরনের কিছু হবার সম্ভাবনা নেই দেখে সে নিজেই হাসতে হাসতে ব'লতে লাগলো “পুরুষ-মানুষ যেমন হ'ক এই হতভাগার জাতের উপর নজর

তাদের বেন দিতেই হবে—ওঃ ! ওঁর কিনের অভাব ?
ঘরে লক্ষ্মী সরস্বতী—তবু—তবু দেখলি তো রে বোন
তোর দিকে কেমন ক’রে চেয়েছিল—”

বাঁপি ছঁ-বিসর্জন কিছু ক’রলে না। ক্ষ্যান্ত বুঝলে
যে কুহক নে এই গরীবের মেয়েটার চোখে লাগিয়ে দিয়েছে
তা কাটিয়ে ওঠা শক্ত। সে তার যাতুর ঝুলি বেড়ে
আরও অনেক পুরোণো মন্ত্র আওড়াতে লাগলো—“যারা
বোঝে না তুই কতবড় বস্তু—কি যত্নের জিনিষ—কত লোক
তপস্বী ক’রে তোকে পাবার জন্যে—তাদের কাছে—”

কাঁচা বাঁশের ধুঁয়োতে বাঁপির ছ-চোখ ভ’রে জল
আসছিল। এই জল আসাটা যারা কুহকী তাদের কাছে
স্বলক্ষণ ব’লে ধরা। তারপর ‘হাতী-শালে হাতী, ঘোড়া-
শালে ঘোড়া, সেই হবে ‘সুয়োরানী’ ইত্যাদি ব’লে ক্ষান্ত
আপনার দীর্ঘ রূপকটা শেষ ক’রলে। কিন্তু কোন অনুকূল
মত বাঁপির মুখ থেকে সে শুনতে পেলো না। তবে তাতে
তার দম্ভার কোন্ কারণ নেই। তার জানা আছে এই
বশীকরণের মন্ত্রগুলো কাজ ক’রে কোন জায়গায় নগ্ন নগ্ন
—কোথাও আড়াই দিনে—তবে আর সাত দিনের মাথায়
যত বড় খোরিস্ গোখরোই হ’ক্ না কেন সে, এই

পড়া-কড়ি মাথায় ক'রে তাকে তার দো-পোড়া হাঁড়ীর মধ্যে স্নুড়স্নুড় ক'রে ঢুকতেই হবে।

ক্ষ্যান্ত মায়া লাগিয়ে দিয়ে উঠে চ'লে গেল। ঝাঁপির মাথাটা বিম্ব বিম্ব ক'তে লাগলো। এক একবার তর মনে হচ্ছিলো সত্যিই যদি সে তপস্বী-ক'রে-পাবার-মত কিছু, তাহ'লে পৃথিবীর এত লোকের মত যার সে তর কি তেমন দেখবার মতন চোখ নেই—সে কি এবোবারে কাণা ? হাঁ—হাঁ ক্ষ্যান্ত দিদি ঠিকই তো ব'লেছে, যে তার কদর কিছু বোঝে না, তার জন্তে সব বাঁচিয়ে রাখা কেন ? কত বড় যে সে দামী তা তো আজ বিচার হ'য়ে গেছে অতবড় জহরীর চোখে—এখন সে ইচ্ছে ক'রলেই হ'তে পারে সাতমহলের মুনিব। অহঙ্কারে তার কপালের শিরাগুলি খাড়া হ'য়ে উঠলো ; চোঁচিয়ে বলতে ইচ্ছে কচ্ছিলো, “ওগো স্বামি ! তুমি যে আমায় পায়ের-ধুলো মনে ক'রেও নিজের পায়ের তলায় রাখলে না—আজ জান কি ইচ্ছে ক'রলে কি শত্রুতা আমি ক'তে পারি তোমার ? জান-কি এই মরা ধুলোগুলো হাওয়ার মুখে খাড়া হ'য়ে উঠলে তোমাদের অবিচারের কত বড় সাজা হ'য়ে যায় ?” তার উঠানে একটা পিয়ারা গাছে শালিক পাখীর বাসা ছিল। একটা পাখী আর একটা পাখীর ঠোঁটের ঘায়ে

রক্তাক্ত হ'য়ে মাটিতে প'ড়ে গেল, অমনি এক ঝাঁক সেই জ্বালের পাখী তার কাছে এসে দরদ জানাতে লাগলো। তবে নির্যোধ পাখীটা তাদের সঙ্গে না উড়ে গিয়ে, যে ফেলেছিলো তারই আধ-হাত দূরে সেই ডালে গিয়ে চুপ্‌চুপ ক'রে ব'সলো ;—এটা হঠাৎ ঝাঁপির চোখে প'ড়ে গেল, অমনি তার চিন্তা গেল রেণুর মত গুঁড়ো হ'য়ে—দর্প গেল মাটির সঙ্গে মিশে। তার চোখ দুটো ছলছল ক'তে লাগলো ; দিশেহারার মত ব'লে “ওরে অবোধ ! মার খেয়ে খেয়ে তুই একেবারে ম'রে গেলেও ঐ ডালটুকুতেই আবার তোকে ব'সতে হবে—ঐ ডালের লোভটুকুই যে তোর বড় ও-র লোভের চেয়ে !—ওকে মারবার অধিকার তুই যে নিজে হাতেই দিয়েছিস্—এখন তোকে নীরবে মার খেতে হবে, তবে যদি নে অনুগ্রহ ক'রে না মারে আলাদা। কিন্তু যার হাতে শাসন আছে—নাজা আছে, সে কি রেহাই দেয় রে ? সে দোষেও মারে নির্দোষেও মারে !”

ভাত তরকারি সব রান্না হ'য়ে গেছে, এইবার তাকে খেতে হবে। কিন্তু খাবার কথা মনে হ'তেই আবার তার বুকে কেমনতর একটা ভয় যেন চন্‌মন্‌ ক'রে ঘুরতে লাগলো। কেউ যেন জল ঢেলে ঢেলে তার শক্ত

সঙ্কল্পটাকে কাদার মত নরম ক'রে দিলে। আবার তার মনে মুখে-না-ওঠার তর্ক জেগে উঠলো। সে কেমন ক'রে খায়? 'এই সাত তরকারী রেঁধে কেমন ক'রে নিজের মুখে ধরে? কচি আমড়ার অস্থল, নজ্জনে শাক ভাজা তার অনাথ দাদা যে বড় ভালবাসে—এই মুখো-রোচক তরকারী দুটি দিয়ে সে যে তিন সরা ভাত খায়! সে তার পোড়া মুখটায় একটা লক্ষা পোড়া দিয়ে এক পাথর ভাত তুলতে পারে, তবে এত আয়োজন ক'লে কেন—কার তরে? তার কাণের কাছে, স্পষ্ট বাজতে লাগলো অনাহারী অনাথের সেই সকাল বেলাকার কথাটা—সেই এক মুঠো ভাত-চেয়ে-ফিরে-বাওয়াটা। মেয়ে-মানুষ হ'য়ে এমন শুষ্ক সে হ'লো কেমন ক'রে—একজন নিরীহর উপর সে এত অত্যাচার কোন প্রাণে করে—কোন দোষে? সে হ'তে চল্লো কি? কে তাকে—কিনে তাকে এত আচ্ছন্ন ক'রে ফেলে—সে যা ক'ছে সবই ভুল। ওরে নিমক্‌হারাম! এ পৃথিবীতে যে তাকে সব চেয়ে বড় ব'লে মানে—আপনুর ব'লে জানে—যার জীবনে তোর স্পর্শ আছে, তুই না থাকলে যার জীবনের কোন চেতনা নেই—ইচ্ছে ক'রে যে তোর মধ্যে আপন হারিয়ে ফেলেছে, সেই মূর্খটাকে অমন ক'রে বাতনা দিস্

তুই কোন্ বুদ্ধির জোরে ?—তার উপর ওরে রাস্তার-
ভিক্ষুনি ! তোর স্থান ছিল কোথায়—মান রেখেছিল
কে—কার উপর নির্ভর ক’রে এখনও তোর বুকটুকু ধুক
ধুক ক’চ্ছে ? এ সব কথা ছেড়ে দিলেও তুই দিক্সি ক’রে
ব’লতে পারিস্—ঐ যেখান্টায় ধুক ধুক ক’চ্ছে ওখান্টায়
হাত দিয়ে যে, ও যত ছটফট ক’রবে—ক্ষিদের আলায়
আজ সমস্তদিন অস্থির হ’য়ে বেড়াবে তত তোর ভিতরের
অনুভূতিটার গায়ে একটা ধারাল ছুরি চ’লে চ’লে একে-
বারে তা ছিন্ন বিছিন্ন হ’য়ে রক্ত ঝুরবে না ?

“আচ্ছা দেখা যাক” ব’লে সে ভাত বাড়তে গেল ।
ভাত তরকারী বেড়ে সামনে ব’সতে যেতেই তার সজ্জে
শাকে নজর পড়লো, ওমনি ডান হাতটা উঠলো কেঁপে—
কেউ যেন ধাক্কা মেরে তাকে মেজের উপর শুইয়ে দিলে ।
সে মাটিতে মুখ গুঁজে ফুঁফিয়ে ফুঁফিয়ে কেঁদে উঠলো ।
হাতের ভাত মুখে উঠলো না—পাতের ভাত প’ড়ে প’ড়ে
শুকোতে লাগলো । সে একবারও ফিরে দেখলে না,
কেবল একবার টেঁচিয়ে ব’লে উঠলো “যাকে তুমি দূর
ব’লে পাঁচ হাত দূর হ’য়ে যায়, তাকে এত আশ্পর্ক দিয়েছ
তুমি কেন ? এসে দেখবে দর্পহারী তার সমস্ত দর্প চূর
ক’রে দিয়েছেন ! তুমি যা ভালবাস ঐ যে তা পাতে

র'য়েছে বাড়ী—আর শুকনো মুখে রোদে টং টং ক'রে ঘুরো না গো—আমায় ধ'রে রাখ'বার তরে আর কিছু তোমায় আন'তে হবে না—লোকে যে যাই বলুক, আমায় যা হারাতে হয় হ'ক—তুমি ফিরে এসে এক মুঠো ভাত মুখে দাও আমার বুকটা একটু স্বস্তি পাক্ !—তুমি বুঝলে না দাদা এ জন্মে তোমার কুঁড়ে ছেড়ে যাওয়া ঝাঁপির সাধ্যো কুলোবে কি ?”

তার চোখের জলে মেজের মাটি ভিজ়ে গেল !

“মিতে তোকে কে খোঁজে রে—”

ব'লে বেচারাম একেবারে রান্নাঘরের সামনে এসে দাঁড়ালো ; ঝাঁপি কোন নাড়া শব্দ দিলে না ।

বেচারাম আবার ব'লে “অনা বুঝি ঘরে নেই ? একবার চেয়ে দেখ দিদি, তোমাদের কে কুটুম্ এই যে দাঁড়িয়ে র'য়েছে—”

ঝাঁপি একবার ফিরে দেখলে তারপর মুখ ঘুরিয়ে নিয়ে তর্জ্জন ক'রে উঠ'লো “একজন পুরুষ-মানুষকে বাড়ীতে আন'বার আগে একটু সাড়া দিয়ে আন'তে হয় !”

বেচারাম লজ্জা পেয়ে আস্তে আস্তে উত্তর ক'লে “উনি তোমাদের কুটুম্ ব'লেই দিদি—”

“হ'ক্ না কেন যত বড় কুটুম্—যত বড় আপনার !—”

তারপর একটু খেমে ঝাঁপি আরো ব'লতে লাগলো—
—“এতো আমার বাড়ী নয়—যার ঘর তার তো একটা
ইজ্জত আছে ? আজ যদি তার বউটী থাকতো হেতায় ?”

বেচারাম কোন উত্তর না ক'রে চুপ্‌টী মেরে দাঁড়িয়ে
রইলো । ঝাঁপি আর একবার মাথা তুলে দেখলে ; ব'ল্লে
“দাঁড়িয়ে র'য়েছে কেন ? বল' তুমি ঐ ভাত বাড়ি র'য়েছে
পা হাত ধুয়ে খেতে—”

বেচারাম খেতে ব'সিয়ে দিয়ে চ'লে গেল । ঝাঁপি
যেখানে প'ড়েছিল তারই ক'হাত দূরে যে এনেছে সে
খেতে বসেছে । তার মুখে একটীও কথা নেই ; কোন
দিকে নজর নেই । ঝাঁপি তার দিকে একবার ফিরে চেয়ে
দেখলে আবার মাটির বুকে মুখ গুঁজলে ; একবার উঠলো
আবার গুয়ে প'ড়লো । কিছুক্ষণ একদৃষ্টে ফ্যাল ফ্যাল
ক'রে চেয়ে থেকে, নে পাগলের মত ছুটে গিয়ে ডান হাতে
ভাতের খালাটা সরিয়ে দিয়ে তার পা দুটো আঁকড়ে ধ'রে
মুখ গুঁজে প'ড়ে রইলো ; কাঁদতে কাঁদতে ব'ল্লে
“তোমাকে তারা ধানে চালে খেতে দিতো গা—তুমি
খেতে কেমন ক'রে ? পারতে ?—ভাতে একটা কাঁকড়
থাকলে তুমি যে সাতবার উঠে যেতে !—দুটো হাত আর
এই পা-দুখানা লোহার বেড়িতে বাঁধা থেকে থেকে একে-

বারে সরু হ'য়ে গেছে—এইখানটায় কিসের দাগ ?
বেতের বুঝি ? ঘানী-গাছে ঘুরতে না পারলে মারতো
বুঝি, না ?”

গদায়ের চোখ দিয়ে টপ্ টপ্ ক'রে জল প'ড়তে
লাগলো ; ব'লে “তোমার চিঠিখানা যেদিন সেই জেল-
খানায় আমার হাতে গিয়ে প'ড়লো, সেদিন মনে হ'লো
কাঁপি চোর হই, ঘানি গাছে ঘুরি, বেত খাই তবু তুমি
আমার আছ’—কেউ না জায়গা দেয় তুমি আমায় ফেলতে
পারবে না !—তোমার মৃত ঘর আছে—”


কাঁপি উঠে গদায়ের মুখে হাত চাপা দিলে দিলে ;
ব'লে “কাঁপির পাপেই তো তোমার শ্রুগতি গো !
জীর পাপেই তো স্বামী—”

“না—না—রে—আমার মহাপাপটা হাতে হাতেই
ফ'লে গেল—লক্ষ্মীকে বনবাস দিয়ে—”

কাঁপি আবার তার পায়ের উপর শুয়ে প'ড়লো ;
ব'লে “তোমরা যাদের দূর ক'রে দাও তাদের কি ইচ্ছে
থাকে জান গা—ঐ পায়ের তলায় মাথা রেখে ম'তে !
তুমি কাছে থাকলে আমার অহঙ্কার থাকে গো—নইলে
যে-সে আমায় ছোট ক'রে দিয়ে যায় ! তুমি জেল-খালাসী
হও, যাই হও কাঁপির কাছে তোমার মান্য কাল যা ছিল

আজও তাই আছে। তুমি ও-কথাটা একটুও মনে
ক'রো না।”

গদাই আর স্থির থাকতে পারলে না,” ঝাঁপির গলা
জড়িয়ে সে হাউ হাউ ক'রে কেঁদে উঠলো।



এগার

ঠিবে যে সময় তালগাছের মাথায় দিনমানের শেষ
রোদটুকু নিশেনের মত ওড়ে, সেই সময় একখানা ডুলি

কাঁপির সদরে এসে ঠেকলো আর একজন চাঁচিয়ে ডাকলে, “দিদি তোর জিনিষ তো এনে পৌঁছে দিলুম রে — আমার কাঁছে তো নব-ডঙ্কা—এখন যারা মাথায় ক’রে ব’য়ে আন্লে, তারা দাঁড়াবে কতকক্ষণ?”

কাঁপি দাওয়ায় ছিল শুয়ে, ব্যস্তে সমস্তে বাইরে এলো ছুটে। দেখলে লালডুরে-পরা, হাতে রেশমী চুড়ি, কপাল-জুড়ে চুলের-বাহার-করা একজন ডুলীর ভিতর থেকে বেরিয়ে আসছে। সে তার হাতটা ধ’রে নিজের কাছে টেনে নিয়ে ব’ল্লে “ভয় নেই তোমার কপালের উপর বিছোনা পাতাগুলো একটুও খারাপ হবে না, মাথার কাপড়টা মুখঢাকা প’ড়বার মত টেনে দাও; রাস্তায় লোক চলাচল এখনও বন্ধ হয় নি, বাড়ীর মধ্যেও মানুষ আছে!”

এই শ্বশুর বাড়ীতে যিনি ডুলি হ’তে নামলেন তাঁর অনেকবার আসা যাওয়া আছে কিন্তু স্নমুখ দরজাতেই এমন একজন পাহারা-খাড়া সে আর কখন দেখে নি। ভিতর বাড়ীর বার-বাড়ীর ভয় কোনদিনই তাকে ক’তে হয় নি। আজ সে একটু মুচ্কে হেসে নতের নোলক্কা ঘুরিয়ে দেবার ছলে মাথার কাপড়টা একটু টেনে দিলে।

কাঁপির এই বউ পাল্‌বার পত্তনি দেখে অনাথের বুক-
থানা নেচে উঠলো। সে স্ত্রীকে লক্ষ্য করে ব'লে “এই
মুখা, এখনও যে দাঁড়িয়ে র'য়েছিস্—পায়ের ধূলো নে!
দিদিকে আমার খুসীতে রাখতে পারলে তোর আর
ভাবনা কিরে লতা, তা'হলে অনার ঘাড়ে এত রক্ত আছে
যে তোকে তুমি ছেড়ে তুই ব'লতে পারে?”

কাঁপি তর্জ্জন ক'রে উঠলো “মোড়লী তো খুব হ'চ্ছে
—এই চাবি নিয়ে ওদের ভাড়াটা চুকিয়ে দিলে হয়
তো!”

“না—না দিদি ওসব এখন আমি কিছু পারবো না—
ও-পাড়া থেকে এক চিলিম্ গাঁজা খেয়ে না এলে আমার
মাথা ঠিক হবে না!”

“তা এখন তোমার গাঁজা খাবার সময় হবে বই কি,
শশুরবাড়ী থেকে পেট ভর্তি ক'রে এসেছো তো? আর
একজন যে সমস্তদিন তোমার জন্তে শুকিয়ে মলো—”

“আমি কাকেও আমার জন্তে শুকিয়ে থাকতে
ব'লেছিলুম?”

“তা ব'লবে বই কি—কাল সক্যোবেলা থেকে আর
আজ এই সূর্য্য ডুবতে চ'ল্লো—চোখ আছে কি—ভাত-
শুধু হাঁড়ীটা তো চোখের সামনে ছুঁড়ে ফেলে দিলুম—”

“আর আমি কি খেয়েছি?—জিজ্ঞেস কর না ঐ ওকে!”

এই কথা বলতে অনাথের চোখদুটো জলে ভরে এলো। সে আরো ব’ল্লে “ভাতগুলো রাগ ক’রে ফেলে দিলি সেও আচ্ছা, তবু যার খিদে আছে তাকে খেতে দিলি না, এমনি তোর গোঁ—তার উপর শত্রুতা! যা-রে দিদি যা—না খেতে দিস্ নাই দিবি—আর তোর কাছে খেতে চাইবো না; কারো কাছে না—না খেয়ে খেয়ে মরে যাবো এই আমার প্রতিজ্ঞা!”

“ইস্ কতবড় প্রতিজ্ঞা দেখি—”

ব’লে কাঁপি তাকে হিড়্ হিড়্ ক’রে টেনে নিয়ে গেল। অনাথের স্ত্রী মুখ বাঁকিয়ে পিছু পিছু চ’ল্লে।

সামুনেই খুঁটি ঠেস্ দিয়ে তামাক খাচ্ছিলো গদাই, স্ত্রীর হাতের ভিতর আর একজনের হাত তার কাছে বড় বেয়াড়া ব’লে বোধ হ’লো। তবে এইটে ডিঙিয়ে পিছনে নজর প’ড়তেই তার যা কিছু চোকে সেখানে গিয়ে আটকে গেল।

অনাথ ছিদাম মুদীর দোকান থেকে টাকা ভাঙিয়ে আঠার আনা ডলী ভাড়া দিয়ে এসে ভাতের কাছে

ব'সলো । খেতে খেতে জিজ্ঞাসা ক'ল্লে “উনি কে-রে দিদি ?”

ঝাঁপি হাম্‌তে হাম্‌তে টক্‌ ক'রে উত্তর দিলে “জেল্‌-খালানী !”

“ওরে হতভাগী তোর জন্তে কি অপমান আমি যখন তখন হব'—দাদামশায়ের—”

“আগে খেয়ে' নাও কথা হবে পরে—তুমি না উঠলে আমরা তো মুখে কিছু দিতে পারবো না !”

ধমক্‌ খেয়ে অনাথ মাথা গোঁজ্‌ ক'রে খেতে লাগলো আর সাম্‌নে ঝাঁপি বেন বেত হাতে ক'রে ব'সে রইলো । তার পেটে যা ধরে তার দেড়গুণ তাকে ভাত খেতে হবে ; যে তরকারীটা সে একদিন ভাল ব'লেছে তা বাটীর পর বাটী শেষ ক'তে হবে, নাহ'লে ঝাঁপি অনর্থ ক'রবে ; এ সকল তার বলা আছে । তাই পাতের কোণে দুটী ভাত রেখে সে উঠে যাবার আগে মিনতি ক'রে ব'ল্লে “আর পেটে ধ'রছে না দিদি, উঠি ?”

“কার লুকুমে শুনি ?”

“তোমায় লুকুন্‌ রাখতে গেলে পেট যে আমার লুকুন্‌ মানো না দিদি !”

সে ওজর আপত্তি কোনদিনই খাটতো না ; আজও

খাটলো না। সব ক'টা খেয়েই তাকে উঠতে হ'লো।
উঠে যেতে যেতে অনাথ জিজ্ঞাসা ক'ল্লে, “এইবার তুমি
তো দু'টা খাবে দিদি?”

“দেখি—সাতগুটির তরে তো আর রাঁধিনি—কে
জানতো যে তোমরা গিলে আসবে না—তুমি এনো ঐ
পাতেই ব'সে পড় বো—”

“তুই কি খাবি রে ঝাঁপি?”

“যা অদৃষ্টে বিধাতা লিখেছেন, মুড়ি গুড়!”

অনাথ আর কোন কথা জিজ্ঞাসা না করে আঁচাতে
চ'লে গেল।

হুদিনের শুকনো মুখে সেই শুকনো মুড়িগুলো যখন
মুঠোর পর মুঠো হাসিমুখে মুখে দিতে দিতে ঝাঁপি
লতাকে, একটার পর একটা খাবার জন্তে বিশেষ জেদ
ক'ছিল তখন আঁচিয়ে এসে অনাথ তাদেরই হাত চারেক
দূরে দাঁড়িয়ে ভাবছিলো এই মানুষটাকে—এই মানুষটার
চরিত্রটাকে—এর শোভন সুন্দর বিশেষত্বের আকৃতিটাকে।

ঝাঁপি তার দিকে চেয়ে ফিক্ ক'রে হেসে ফেললে;
ব'ল্লে “এমন নির্লজ্জ পুরুষমানুষ কেউ কোথাও দেখে নি!
এই বেচারীর হাতটি যে বন্ধ হয়ে যাচ্ছে, চোখের মাথা
খেয়ে তা দেখতে পাচ্ছে না; সরে যাও ব'লছি—”

উত্তর দিতে গিয়ে অনাথের চোখদুটো উছলে উঠলো ; ব'লে “চোখের মাথা খেলে আজকের এই দেখবার মত জিনিষটা কি চোখে প'ড়তো দিদি ?”

হো হো ক'রে হাসতে হসেতে ঝাঁপি জিজ্ঞাসা ক'লে “জিনিষটা কি শুনতে পাই ?”

দূরে সরে যাওয়া চুলোয় যাক্ অনাথ একেবারে ঝাঁপির মুখের সামনে এসে দাঁড়াল ; খুব সহজভাবে ব'লে “এই নিজের মুখের গ্রাস পরকে ছেড়ে দিয়ে দু-দিনের পরে মিয়ানো মুড়ি চিবোনো !”

ঝাঁপি কোন উত্তর করলে না, হাত দিয়ে আঁচলের মুড়ি নাড়তে নাড়তে নীচু দিকে মুখ ক'রে ব'সে রইলো । সাহস পেয়ে অনাথ সেইখানে ব'সে প'ড়লো ; দেখলে ঝাঁপির চোখ থেকে একটা বড় মুক্তার মত ফোঁটা তার এক-আঁচল মুড়ির কোন্‌খানে প'ড়ে একেবারে মিশে গেল ! তার বুকের শিরাগুলো টন্ টন্ করে উঠলো ; ডাকলে “দিদি তুমি নবই বোঝ, এই সন্ধ্যার মুখে খাবার দ্রব্য কোলে ক'রে এমন অলক্ষণটা ক'ছে। কেন—জানিরে দিদি এই হতভাগাটাই হ'য়েছে তোর আপদ—কাল্ !—”

এবার মেঘে মেঘে ঠেকে খুব খানিকটা রুষ্টি হ'য়ে গেল । কিন্তু এ রুষ্টিতে মেঘ ঘর্ষণের ডাক ছিল না, এ

কেবল নিঃশব্দে একজনেরই বুকের উপর প'ড়ে তাকে ব্যতিব্যস্ত ক'রে তুলুছিলো !

ঝাঁপির এ কান্নাটা যে কি ভেবে অনাথ ত বুঝতে পাচ্ছে না। সে কেবল, ভিতরে বাইরে ছটফট ক'তে লাগলো। একবার তার হাতছুটো ঝাঁপির চোখ মুছিয়ে দিতে যায়, একবার তার মুখটা কি ব'লতে গিয়ে বেন খম্কে দাঁড়িয়ে পড়ে। ঝাঁপি চোখের-জলে-ভেজা চুলগুলো বাঁ হাত দিয়ে সরিয়ে খুব রাগভরে ব'লে “আর আমায় তুমি জ্বালিও না, এখান থেকে স'রে যাও ব'লছি—আচ্ছা বল তো আমার উপর তোমার কিসের এত আক্রোশ?”

অনাথ কোন জবাব না ক'রে আস্তে আস্তে উঠে যাচ্ছিলো, ঝাঁপির রাগের মাত্রাটা সাতগুণ বেড়ে গেল। সে তার ডানহাতটা খপ্ ক'রে ধ'রে ফেলে; কেমন কদর্যের মত হাব ভাব দেখিয়ে ব'লে উঠলো “এর উত্তরটা না দিয়ে এখান থেকে তুমি একটা পা তুলতে পাবে না— এই কোঁচার কাপড় ধ'রে আমি ব'সলুম, বল তুমি আমার সব পথ বন্ধ ক'রে দেবার ইচ্ছে কি না তোমার?”

অনাথ ঘাড় ফিরিয়ে দেখলে লতার মুখের আধ হাত ঘোমটা কোণক্ষণ স'রে গেছে। সে হিংস্র জন্তুর মতন তার দিকে চেয়ে আছে। ঝাঁপিও কি জানি কেন চোখ ফিরাতে

একটা তা হ'তেও ভয়ঙ্কর দৃষ্টির আগুনে তার চোখের তারাত্বটো বলসে গেল। অমনি সে গর্জ্জন ক'রে উঠলো “কারো কোন দৃষ্টিতে ভয় পাবার মত 'মেয়ে কাঁপি নয়!—”

গদাই এতক্ষণ একদৃষ্টে স্ত্রীর এই কাণ্ড কারখানাগুলো দেখছিলো। তার কঙ্কের আগুণ অনেকক্ষণ নিভে গেছে, সেই নিবানো কঙ্কেতে কঁু দিতে দিতে এইবার সে আশ্বে আশ্বে জিজ্ঞাসা ক'লে “এ যা দেখছি এতে কি বুঝবো কাঁপি? এ রকম ভায়ের ঘর ক'রতে—”

কাঁপি টক্ ক'রে উত্তর ক'লে “যা তোমার খুসী বুঝে নিতে পার, তাতে আমার কিছু যাবে আস্বে না!—”

গদাই দাঁড়িয়ে একবার ঘরের ভিতরে চেয়ে দেখতে লতার চোখে চোখ প'ড়ে গেল।

ওমনি লতার জ্ব-দুটো লতার মত এঁকে-বেঁকে তার কথারই যেন পোষকতা ক'রে গেল। তার চোখের কোনে একটুও লজ্জা ছিল না। গদাই একদৃষ্টে তার দিকে চেয়ে রইলো, সেও তা থেকে দৃষ্টি ফিরিয়ে নিলে না। গদাইয়ের ইচ্ছে হ'চ্ছিল, আজ এখুনি একটা হেস্টনেস্ট ক'রে বেরিয়ে পড়ে। যত বড়ই অকস্মণ্য হ'ক্ সে, স্ত্রীজাতির এ-রকম ব্যবহারটা সহ্য করা তার পক্ষে একেবারেই অসম্ভব।

তবে এই নূতন বস্তুটী তার লোভী অন্তঃকরণটীকে এত লুপ্ত ক'রে তুললে যে, তার উদ্ধত পুরুষত্বটী একেবারে জড়পিণ্ডের মত নিঃসাড় হ'য়ে পড়লো।

এই ব্যাপারটীতে অনাথ বড় লজ্জিত হ'য়ে প'ড়ে-ছিলো। সে মাথা উচু ক'রে দাঁড়িয়ে থাকতে পাচ্ছিলো না। কিন্তু ঝাঁপি—তার না ছিল লজ্জা, না ছিল ভয়। অনাথ তার কাণের কাছে মুখ নিয়ে পিয়ে আস্তে আস্তে একবার জিজ্ঞাসা ক'ল্লো “এখন যা ক'রলে, তা ঠিক তোমার মত কি করা হ'লো দিদি, জিজ্ঞাসা করি? এদের কি বুঝিয়ে দিলি ভেবে আখ দিকি রে হতভাগি—”

“এরা--” ব'লে ঝাঁপি একটু হাসলে “—একজন জেল-খালাসী আর একজন—”

ঝাঁপি লতার দিকে চাইলে। ওমনি অতি বড় অপরাধীর মত সে আপনার মুখখানায় ঘোম্টা টেনে দিলে। গদাই তাড়াতাড়ি দাওয়ার উপর গিয়ে ব'সলো। ঝাঁপি হাসতে হাসতে ব'ল্লো “দেখলে তো দাদা, দাম্‌টী কার কত—কতখানি কার সাহস—আমাদের এই রকম-গুলো দেখে শুনে যে থাকতে পারবে তারই এখানে থাকা চ'লবে, যে না পারবে সে যেন আর এক তিলও এখানে না দাঁড়ায়!”

ঝাঁপি সন্দিগ্ধ বাসন নিয়ে হন্ হন্ ক’রে পুকুরঘাটে চ’লে গেল ! অনাথ লতার দিকে চেয়ে চোঁচিয়ে উঠলো “ওরে জানোয়ার ! নাহস তোর তো বড় কম নয়—যে সন্তীলক্ষ্মীর পায়ের ধূলায় হতভাগা অনাথের ঘরে লক্ষ্মী-শ্রী ফুটেছে, তাকে তুই এঁটো পাত কুড়োতে দিলি কোন আক্কেলে—এখুনি যা, না হ’লে মুখ দিয়ে সাত ঘটা রক্ত তুলবো !”

লতা নিঃশব্দে চ’লে গেল । গদায়ের শব্দ সন্দেহটা অনাথের মুখে এই উচ্চ ধরনের কথাটা শুনে কেমন যেন একটু শিথিল হ’য়ে প’ড়লো । অনাথকে সে কখন আগে দেখেনি । সে কেমন ধরনের মানুষ তাও গদায়ের জানা নেই । তবে তার স্ত্রীর এই নিকট আত্মীয়টিকে, সে নানা জনের মুখে নানা রকমে শুনেছে । আজ তাকে বিশ্বাস করা না করা তার দুইই সমান । কারণ এদিকটা ভেবে ঝাঁপির উপর কোন রকমের বিচার করা চলে না । স্ত্রীর উপর দাবী ব’লে জিনিষটা তাকে হারাতে হ’য়েছে নিজের দোষে—নিজের অবিচারে । তবে যে স্মরণটা এর গলা দিয়ে বেরুচ্ছে সেটা এত স্পষ্ট—এত নিষ্পাপ যে, সেখানে কোন রকমের সন্দেহ তোলাও পাপ ; এ গদাই নিজে মনেই বেশ বুঝতে পাচ্ছে । তার উপর অনাথকে না চিন্তেও

ঝাঁপিকে তার চেনা আছে—জানা আছে—বোঝা আছে। সে যেখানে ঝাঁটা নেখানে অসীম সাহসী, সেখানে এত গভীর যে থই পাওয়া ভার। তবে এই মেয়েমানুষটি এত বিচিত্র, এত হেঁয়ালী যে, গদাই তাকে কোন রকমের মীমাংসায় আন্তে পারেনি কোনদিনই। সে যে কোথায়—কার মধ্যে—কি আকারে তা গদাই ধ'রতে না পারলেও তার নারীত্বটাকে অস্বীকার ক'ন্তে সে মোটেই পাঞ্জো না।

বার

এই সবমাত্র অনাথ বেরিয়ে গেছে। সন্ধ্যার পাট-ঝাঁট সেরে, তুলসীতলায় দীপ দিয়ে ঝাঁপি নিজের ঘরটীতে

এসে ব'সেছে। দাওয়ায় দেড়কোর ওপর একটা
কেরোসীনের কুপী জ্ব'লছে আর তারই নাম্নে পাতা
একটা চেটাই-এ ব'সে গদাই গুণ্ গুণ্ ক'রে গান
ধ'রেছে—

আহা তুমি বেশ্ গো—

আহা তুমি বেশ্ !

চোখ দুটা ভাল

দেহ সুবিশাল

কুণ্ঠিত কাল কেশ্ !

.....

আহা তুমি বেশ্ !

.....

ঠোট দুটা রাঙা,

ক্ষীণ কটা ভাঙা

দূর বাঁশীর সঙ্গীত-রেস্ !

.....

এই মেঘ এই জল

থই থই টল্‌মল্

নাই সীমা নাই শেষ্ !

.....

উঠানের ওদিকে রান্নাঘরের দাওয়ায় লতা অন্ধকারে একা চুপ্‌চুপে মেরে ব'সে আছে। সমস্ত বাড়ীটা ঘিরে এই তিনটা প্রাণী—যেন কেউ কাকেও চেনে না—যেন কেউ কারোর সঙ্গে কোন সম্বন্ধ রাখে না। কিম্বা একটু আগের সেই অভিনয়টা এদের তিনজনকে এমন নড়িয়ে দিয়েছে যে, তার ধাক্কাটা কেউ এখনও কাটিয়ে উঠতে পারে নি। গদায়ের মিষ্টি গলার গান শুনে লতা আস্তে আস্তে উঠে একবার বাঁপির ঘরের দিকে গেল; দেখলে সে বাঁহাতের উপর মাথা দিয়ে শুয়েছে—কোন সাড়া নেই শব্দ নেই। যেন মা বসুমতীর ঠাণ্ডা কোলের উপর তার উৎপীড়িতা লালিতা অশান্ত মেয়েটা এইমাত্র ঘুমিয়েছে। লতা ফিরে পৈঁঠেতে পা দিয়েছে, যেখানকার মানুষ আবার সেখানেই গিয়ে ব'সবে। গদাই গান বন্ধ ক'রে হো হো ক'রে হেসে উঠলো—

“গান শুনেই যদি এসেছিলে বোঁঠানু, তবে মনকে আর আঁখি ঠারছে কেন—হ্যাঁ, যার এমন টুকটুকে মুখ, না জানি তার হাতের পান কত মিষ্টি—তোমার ঠাকুরঝি তো এ অধমকে দয়া ক'রবেন না—কথায় বলে শালী শ্বেলেজ অন্ধেক—”

লতা ফিক্ ক'রে হেনে ফিরে চৌকাট ডিঙিয়ে
ঝাঁপির মাথার কাছে ব'লে ডাবর থেকে পান নিয়ে
শির তুলে চুণ দিয়েছে। বাটার সুপারী ছিল, খয়ের
ছিল কিন্তু ঝাঁতিটা কোথায়-যে খুঁজে পাওয়া গেল
না। সে উঠে এসে ব'লে “পান আর খেয়ে কাজ
নেই ঠাকুর-জামাই—ষাদের ঘর—”

“কেন, তুমি কি তোমার মালিকান্ সত্ত্ব ছেড়ে
দিলে বোঠান্ !”

“না, সে একদিন ছিল—”

ব'লে লতা একটা দীর্ঘ নিশ্বাস ফেলে আর গদাই
তার হাতটা ধ'রে টেনে নিজের কাছে বসালে।
লতা লাজুক মেয়ের মত ন'রে চেটাইয়ের একটা পাশে
গিয়ে ব'সলো ; একবার উঁকি মেরে ঝাঁপির দিকে চেয়ে
দেখলে। তার না আছে সাড়া—না আছে কিছুতে
কোন প্রতিবাদ। আবার খানিকক্ষণ সব নিস্তব্ধ।

ঝাঁপি শুয়ে শুয়ে সব শুনতে পাচ্ছিলো। তার
মনটা আজ তিক্ততায় ভ'রে গেছে। যেন সমস্ত
পৃথিবীর যা কিছু নোংরামী—যা কিছু অশোভন সে
একটু আগে একজনের সামনে—পতিদেবতার সামনে
ক'রে গেছে। হয়ত হবে এ-মানুষটা একেবারে অন্যর

কিন্তু সে তার বিচার ক'রবার কে? হিঁদুর মেয়ে সে, আজীবন শিখে এসেছে মা-বাপ পাড়াপড়শীর কাছে তার চেয়ে বড় কোন ঠাকুর নেই। আজ এই যে সে তাকে তার এই অসহায় অবস্থা দেখে এতবড় সাজা দিলে, এতে কি তার পাপের আর সীমা আছে!—হয়ত-বা এরাও তার ওপর একটা নিষ্ঠুর প্রতিশোধ নিচ্ছে এখন! কিন্তু—ধ্যোৎ—তাকি হয়—ও-যে নারী—মেয়েমানুষ কি কখন স্বামী ছাড়া—এ জঘন্ত কথা সে মনেই আন্তে পারে না। সে দেখেছে এই ধরণের কত কদর্যা রনালপ মেয়ে-পুরুষে করে তাদেরই গাঁয়ের ঘরে ঘরে। সেখানেতে কোন সত্য থাকে না। সে কেবল একটা মধুর সম্পর্কের বেশ সরস সহজ নিষ্পাপ সম্বন্ধ মাত্র। কাজেই কোন নীচ সন্দেহ তার মনে এতটুকু স্থান পেল না। সে আশ্বে আশ্বে উঠে লতার চূণ দেওয়া পান ক'টা সেজে গদায়ের সামনে এনে ধ'রলে।

দুজনেই চমকে উঠলো। আর ঝাঁপি এতটুকুও দ্বিধা না ক'রে একগাল হেসে ব'লে “একেবারে কলা-বোঁ সেজে ও-ধারে ব'সে যে?—উনি জুজু নাকি—আমরণ!—”

হাত ধ'রে টেনে ঝাঁপি লতাকে গদায়ের ঠিক গা-ঘেসে বসিয়ে দিলে। নিজের মাটির উপর ব'সে সে সরলভাবে স্বামীকে ব'ল্লে “হ্যাঁগা, সেইটে গাও না—”

গদাই কোন উত্তর ক'রলে না দেখে ঝাঁপি আবার ব'ল্তে লাগলো “তুমি রাগ ক'রেছো গা?—না—লক্ষ্মীটি—কেন?—কি ক'রেছি?”

“নিজের স্ত্রী হ'য়ে—”

ঝাঁপি ছুটে গিয়ে তার মুখে হাত চাপা দিয়ে দিলে; ব'ল্লে “ব'ল্তে পাবে না যাও—হ্যাঁগা, তুমি কি তোমার ঝাঁপিকে চেনো না—ছোট-লোকদের মত আমায় যা তা মনে ক'রতে তোমার ইচ্ছে করে—বলো না?”

গদাই তার দিকে চাইলে। সেই পবিত্র চোখ-ছুঁটি যেন মমতামাখা উল্কেঁর আকাশের—মাটির ধূলিমলা-বিষ-বীজাণুর কোন কিছু যেন তাকে ছুঁতে পারে নি। সে হেসে উঠলো; ব'ল্লে “মনেই যদি কিছু আমি করি, তাতেই বা তোমার কি আসে-যায়, ঝাঁপি?”

“এও তুমি ব'ল্তে পার?—সত্যি ক'রে তুমি ব'ল্ছো?”

“হ্যাঁ। যা দেখলুম—সবাই যা মনে করে—আমিও তো মানুষ”—

“ছাই—ঘোড়ার ডিম—”

ব'লে ঝাঁপি রাগে গরু গরু ক'রতে লাগলো—
“তোমার মত ?—কি না করেছে—গেরোস্তর বোয়েরা
মুখ আঁধারীর পর তোমাদের খিড়কীতে জল আনতে
যেতো না—জানি তো মঙ্গলা-ঝয়ের—” -

“ঝাঁপি !”

গদাই একবার ডাকলে।

“কেন—তুমিই তো—”

সে আবার ব'সলো ; উঠলো ; গদায়ের কাছে গিয়ে
কাতর হ'য়ে ব'ল্লে “—তুমি কি বুঝবে না গা, কি
যাতনা আমি পাচ্ছি ?—আমায় নিয়ে চল—বাবা
জায়গা না দেন, —গাছ-তলা আছে—তুমি তো কখন
খাটতে পারবে না, আমার অভ্যাস আছে—আমি
গতর খাটালে দুজনের চ'লে যাবে—আমি আর সইতে
পারি না—তুমি নিজের হাতে আমার কপালে পাঁকের
তিলক এঁকে দেবে ?—এ তুমি পারবে গা ?”

“কেন, ভায়ের ঘর বেশ তো ক'ছে—”

—“হ্যাঁ, ক’চ্ছিই তো—দরকার হয় ‘কণ্ঠি-বদল’
ক’র্বো—বোষ্টমের জাত্ তাতে কি !”

বিষম রেগে বাঁপি রান্নাঘরে যেতে যেতে ব’লে
গেল “যারা স্ত্রীকে এই চক্ষে দেখে, তারা এখনও
এখানে ব’সে আছে কি ক’রে—তারা কি স্ত্রীর
রোজগারে জীবনের বাকীটা নিশ্চিন্তে খেয়ে ব’সে
কাটাবে—ধিক্ !”

গদাই শিউরে উঠলো । এই দুঃসাহসী মেয়েটা
হেন কথা-নেই-যা মুখ দিয়ে না-উচ্চারণ ক’তে পারে ।
তাকে জব্দ করা চলে না—শাসন করা চলে না—
একেবারে দুর্নিবার । সে ভেবেই উঠতে পারে না
কি-শক্তি এ ধরে ? এর নিরুপদ্রব মনটা কি কিছুতেই
নুইবে না ? তার বাপ যখন কঠিন হ’য়ে এই সর্ব্বহারা
স্ত্রীলোকটাকে বিনজ্জন দিলে, সেদিনও সে তার কাছে
এতটুকুও অনুগ্রহ চায় নি । বোঝা মোটেই যায় না
এর চাল-চলন ধরণ । যেন সবার উপরে একটা
নিষিকার নিঃসঙ্কোচ খুব জোরালো দৃঢ়তা এর
ভিতরটাকে দর্পী ক’রে তুলেছে । সে অত্যন্ত
ক্ষুব্ধ হ’য়ে লতাকে লক্ষ্য ক’রে ব’লে “দেখলে
তো—”

লতা হেসে তার মুখের দিকে চেয়ে আবার মুখ নীচু ক'রুলে।

ওদিকে তখন রান্নাঘরে চাঁচালীর ছালে বিকেল-বেলার দোয়া-ছপ ঝাঁপি অঁচে চ'ড়িয়েছে। আজ আর রান্নাবান্না হবে না। অ-বেলায় খেয়ে অনাথ রাত্রে আর কিছু খাবে না ব'লে গেছে। শিকেতে দই পাতা আছে কালকের, বেচারাম তাদের বাগানের একছড়া চিনি-টাঁপা কলা দিয়ে গেছে, ঘরে চিঁড়ে আছে, মুড়ি আছে, গুড় আছে,—কারো খাবার ইচ্ছে যদি হয় সে ফলারের বন্দোবস্ত ক'রে দেবে। সে বা খেয়েছে তাই সাত হাঁড়ী হ'য়ে ফুলছে। আজ চায় সে অবসর। সকলের চক্ষুর বাইরে একটি নিরিবিলি ঘরে শুধু একা একা ব'সে থাকতে—শুয়ে থাকতে। কোন দিকে—কারোর দিকে আজ আর তার চাইতে এতটুকুও ইচ্ছে করে না। অবসাদে,—মনের ও দেহের সে হয়ত এখুনি জ্বলন্ত উনুনে ঝুঁকে পড়তে পারে। এমন সময় অনাথ এসে হাঁক দিলে “ছারে দিদি, গোয়াল ঘরটায় আগড় দিস্ নি—”

সঙ্গে সঙ্গে আগড় ভেজানোর শব্দ তার কাণে গেল। লতা কখন এসে চুপি চুপি ঝাঁপির কাছটিতে ব'সেছে।

সে দুধে হাতা দিচ্ছে। অনাথ নরাসর তার সামনে এসে ভয়ে ভয়ে জিজ্ঞাসা ক'লে “রাত্রি তো বেশী হয় নি দিদি,—আজ তো আর খাওয়া দাওয়া নেই রে—পুঁথিখানা বের ক'রবো?—পড়'বি রে দিদি?—নল-রাজার উপাখ্যানটা—আহা—”

“না—এখন পারবো না—নিজের উপাখ্যান কে শোনে তার ঠিকানা নেই—দেখ, ঢলাঢলি ক'রো না।”

অনাথ কোন কথা না ক'রে স্ফুটস্ফুট ক'রে চ'লে গেল এবং এক কল্কে তামাক সেজে গদায়ের দিকে ছুঁকোটী বাড়িয়ে দিয়ে ব'লে “সেবা করুন দাদা-মশাই!”

গদাই তামাক খেতে লাগলো, আর অনাথ তার বিছানার তলা থেকে একটা মলিন অর্ধছিন্ন মহাভারত নিয়ে এসে তার সামনে ধ'রলে; ব'লে “দয়মন্তী কি মেয়েই ছিল, কি ব'লো দাদামশাই—স্বামীর জন্তে কত কষ্টই না সহিলে—পড়-না খানিকটা শোনা যাক—অনেকের শিক্ষা হবে!”

ঝাঁপি রান্নাঘর থেকে হন্ হন্ করে বেরিয়ে এলো, বইখানা টক্ ক'রে তুলে নিলে; মাথায় ছুঁইয়ে ব'লে

“যার-তার হাতে এই পুঁথিখানা দিতে তোমায় কে লুকুম দিয়েছে ?”

অনাথ খতমত খেয়ে গেল। ঝাঁপি আবার ব’লতে লাগলো চেষ্টিয়ে “চোখে-মুখে যাদের পাপের ছাপ এখনো লুকোয় নি, তাদের হাতে এই পুজোর বইটা আমার দাও তুমি কোন সাহসে ? —ঐ দেখ না একজন ভালমানুষটা হ’য়ে রান্নাঘরে ব’সে আছে—” তারপর লতার দিকে মুখ ক’রে চেষ্টিয়ে ব’লে “হ্যাঁগা, শুনবে তুমি নতী সাবিত্রীর কাহিনী ?”

“কি হ’য়েছে রে বোন, ঝাঁপি ?”

“ওঁ রাগ হ’য়েছে—ব’লেছি কিনা তোমার সঙ্গে আমার ‘ক’ষ্টি-বদল’ হবে—তাই—না ?”

ব’লে ঝাঁপি হেসে কুটী-কুটী হ’লো। আর অনাথ লজ্জায় মাটির সঙ্গে মিশে গেল। সে ছু’কানে হাত চাপা দিয়ে নিজের ঘরে গুতে গেল। ঝাঁপির হাসি তখনও থামে নি ; ব’লতে লাগলো “পালালে যে ?—এদের আর সন্দেহে রাখ্‌চো কেন ?—এসো না আমাদের শেষ সম্বন্ধটা পাতিয়ে নেওয়া যাক—তখন তো ওরা আর জ্ব কোঁচ্‌কাতে পারবে না !”

দুধের বলক্ আঙনের উপরে প’ড়ে সমস্ত কড়াটা

স্ব'লে উঠেছে দাঁউ দাঁউ ক'রে। বাঁপি ছুটে গিয়ে জল ঢেলে দিলে; রাগে কাঁপতে কাঁপতে ব'ল্লে “চোখের মাথা কি খেয়েছো—কার নষ্ট হ'লো—সামনেই ব'সে আছ তো—নমস্ত দিন যে খাটবে কিসের জোরে?—একটু দুধ পাবে না রাত্রে সে?”—তারপর থেমে বাটিতে বাকি দুধটা ঢালতে ঢালতে ডাক্লে “এসো না বা আছে একটু খেয়ে যাও—”

“আমি আজ আর কিছু খাবো না রে!”

“জাখো—এখুনি একটা অনর্থ হবে!”

অনাথ ভয়ে ভয়ে উঠে এলো। গদাই হাই তুলতে তুলতে চেটাইয়ের উপর শুয়ে পড়লো।

ভের

গদাই মাসের পর মাস নিশ্চিন্ত মনে ব'সে ব'সে অনাথের অন্ন ধ্বংস ক'তে লাগলো। অনাথ তাকে এক-

দিন স্পষ্ট ক'রে ব'লে দিলে “দাদামশাই, এ গরীবদের ক্ষমতা আর কতটুকু—পায়ের ধুলো যখন প'ড়েছে তখন এ কুঁড়ে ছেড়ে আর যেতে দিচ্ছি না, হাঁ!” যাবার বিশেষ ইচ্ছেও ছিল না গদায়ের। যে-পদার্থ দুটী না হ'লে তার জীবন ধারণ করা অসম্ভব তাও ফিরি সেরে বাড়ী ফেরবার মুখে অনাথ নঙ্গ্রে ক'রে আনতো। কঙ্কেতে সাতবার আগুণ চড়িয়ে সে গদায়ের সামনে ধ'রতো। খাবার একটু বন্দোবস্তের গোল হ'লে তার ঝাঁপি-দিদিকে কৈফেৎ দিতে হ'তো তার কাছে অনেকখানি। ভাল মাছ, ভাল তরকারী সে নিত্যি কিনে আনতো। ঝাঁপি তাড়া দিলে ব'লতো “তোর কি একটুও বুদ্ধি নেই রে-দিদি, কুটুমের পাতে কি যা তা ধ'রে দেওয়া যায়?”

এই কুটুমের খরচ যোগাতে অনাথকে ভাবতে হ'তো অনেক। মিহি ধুতি না হ'লে বড়লোক কুটুম প'রতে পারেন না, নাম-জানা-নেই এমন সব জামা কুটুম ফরমাজ্ দিয়ে তৈরী করান আর তার দাম দিতে হয় শাঁখা-বেচে-যে-থায় সেই শাঁখারীকে। ঝাঁপি অনাথকে জিজ্ঞাসা করে “ওর এই নবাবী হ'চ্ছে কার টাকায়?”

অনাথ হেসে গোলেমাতে তার একটা উত্তর দিয়ে পাশ কাটিয়ে চ'লে যায়।

বেশ দিনগুলি কাটছিল গদায়ের। তবে তাকে মাঝে মাঝে খোঁচা খেতে হ'তো বাঁপির কাছে। তার চোখে এই বাহুল্যগুলো বড় অসহ্য ঠেকতো। কোন অকস্মণ্য জীবের প্রতি তার মায়া মমতা মোটেই ছিল না। পরের অগ্নে যারা আপনাকে প্রতিপালন করে তাদের উপর তার অত্যাচারও ছিল খুব। বিশেষতঃ গদাইয়ের একটা স্বভাব ছিল, সে দিন রাতের মধ্যে একবারও ঘর ছেড়ে বাইরে যেতো না। অনাথ তাকে সন্ধ্যার পর কতদিন ধরেছে একবার বেড়িয়ে আসতে ও-পাড়ায়। এই বেড়ানোতে তার আপত্তি ছিল অনেক; তার মধ্যে এক হ'চ্ছে বেড়াবার জায়গা এ দেশে নেই; শেষ হ'চ্ছে এই-সব বাগদৌ জেলে কৈবর্ত বেড়াবার দঙ্গী হ'তে পারে না। এই দিন রাত মেয়েদের কাছে ব'সে থাকাটা বাঁপি মোটেই দেখতে পারতো না। স্বামীর এই স্বভাবটা এত নতুন যে, আট দশ বছর ঘর ক'রে একদিনের তরেও বাঁপি এর গন্ধ পায় নি। তবে এই কিস্তুত-কিমাকারটা এলো কোথেকে? তা সে এঁচে উঠতে পারলে না।

এই ঘরে ব'সে থাকাটায় গদায়ের বিশেষ জেদ ছিল। ঘরের কোণে ব'সে ব'সে চার ফেলে সে শিকার খেলাতো। লয় দিয়ে লয় দিয়ে শিকারকে চারে টেনে

আনাটাই তার বিশেষ কাজ ছিল। তার মিষ্টি চারু মাছকে—শিকারকে মাতিয়ে দিতে পারতো। সে একটা ধারাল বরুণী নিয়ে সেই চারের মুখে ওত্ পেতে ব'সে থাকতো। শিকার কখন দূর থেকে একটা ঘাই দিতো, কখন ঠোক্রা মেরে পালাতো। এই ঠোক্রা-মেরে আধার-খেয়ে পালানোতে শিকারের চাতুরী থাকে খুব, শিকারীরও আমোদ বেড়ে যায়। তবে এতে শিকারের আসা যাওয়ার বহর যেমন অধিক হয়, ধরা প'ড়'বারও তার সম্ভাবনা থাকে পনের আনা তিন পাই।

কিন্তু এক্ষেত্রে তাকে বিশেষ চেষ্টা ক'ত্তে হ'লো না। এক জাতীয় মাছ আছে তারা চারের বাসে—আধারের লোভে ছুটে আসে না, তারা আসে নতি-নতিই ধরা দিতে। জলের জীব হ'লেও ডাঙ্গায় তাদের বেড়াবার সখ বেশী। তাই দু'-একদিন সাদানিদে চারু ফেলতেই লতা খুব সহজেই গা-ভাসাতে লাগলো। এতে ক'রে গদায়ের সাহস গেল বেড়ে। নিজীব সহজ শিকারের উপর শিকারীর লোভের চাইতে উপদ্রব থাকে অধিক। লতার উপর গদায়ের লোভ ছিল কতটা তা বোঝা শক্ত, তবে শিকার করা যাদের অভ্যেস, তারা নিরামিষ হ'লেও আমিষ শিকারের লোভ ছাড়তে পারে না সহজে। এমন

শিকার গদায়ের জীবনে অনেক হ'য়েছে। তার কতক-
 গুলোকে সে শুধু খেলিয়ে-খেলিয়েই মেরে ফেলেছে, কত-
 গুলোকে একটু আধটু আশ্বাদন ক'রেই ফেলে দিয়েছে।
 এই খেলাটা— এই প্রাণ-নিয়ে-খেলাটা তার কাছে সখ্-
 মাত্র। সে কারোর উপর মমতা রাখে না; শুধু বাজী-
 ক্ষেতার মত জিতে জিতে আপনার বাহাদুরী আপনি
 নেয়। কিন্তু এই নির্দয় খেলাটা এত নৃশংস যে, যে
 খেলায়, তাকেও ভিতরে বাইরে একেবারে নিঃশ্ব ক'রে
 দেয়—একেবারে হত্যা ক'রে বসে।

লতার ধরণটা বরাবরই ভাল ছিল না। অনাথ তাই
 তাকে দেখতে পারতো না। স্বামীকে সে ভয় ক'রতো
 স্বামী ব'লে নয়, স্বামীর হাত দুটোর, পা দু'খানার সতেজ
 সবল ভঙ্গী দেখে। সে তার দেহটাকে যেমন ক'রে হ'ক্
 একটী আকর্ষণের বস্তু ক'রে খাড়া ক'রতে চাইতো। তাই
 সকালে বিকালে তার চুল-বাঁধা ছিল—টীপ্-পরা ছিল—
 কাপড়-ছাড়া ছিল—সবার উপরে ছিল ঠোঁঠ, দুটী রং-
 করা। সহজ চোখে এই কৃত্রিমতাগুলো বিসদৃশ ঠেকলেও
 যাদের নেশার চোখ তারা এর বিন্দুবিসর্গ ধ'রতে পারতো
 না।

এমনি ক'রে এদের এই দেখার লোভ—দেখাবার

লোভ বেড়ে যেতে লাগলো। লোভের খোরাক যুগিয়ে যুগিয়ে তাকে এমন ক'রে এরা প্রবল ক'রে তুললে যে, তার বিশ্বগ্রাসী লকলকে জিহ্বার উপর আর শুধু 'দর্শনে'র আছতি দিলে চলে না—তার ক্ষুধা মিটে না; সে চায় আরও অনেক জিনিষ আস্বাদ ক'ত্তে—তাদের দুজনকে ঐ আগুনের মধ্যে ফেলে ছাই ক'রে দিতে।

গদাই কথায় কথায় একটা সম্পর্কের দাবী ক'রে লতাকে ঠাট্টা করে যেত। লতা ফিরে দাঁড়িয়ে তার দিকে চেয়ে হেসে লুটিয়ে প'ড়তো। বাঁপির চোখে এ-সকল যে প'ড়তো না তা নয়, তবে সে বুঝতো এ-রকম রহস্যগুলো যাদের ক'র্ব্বার অধিকার আছে তাদের বারণ করাটা বড় বেখাপ দেখায়। তার উপর পুরুষ মানুষের ঐ নির্লজ্জতাগুলো যে নারীজাতির কোন অপকারে আস্তে পারে এ-সে মোটেই বিশ্বাস ক'রতো না। তাই ঘুরিয়ে ফিরিয়ে সে লতাকে বোঝাতে চাইতো—যেমন যাত্রার দলের বড় বড় কথার মধ্যে রাম নেই, লক্ষ্মণ নেই তেমনি ছড়ি কামিজ্ ফ্যাসানের দাড়ীর মধ্যে স্বামী নেই—সে আছে খুব কাছে দাঁড়িয়ে নারীর সকল দিক আলো ক'রে! এই আলোটুকু স'রিয়ে নিলেই নারীজাতিটা শুধু একটা অন্ধকার—নিস্তেজ শিখামাত্র!

এ কথার পরও লতা হাসতো, এই হাসিটাই ছিল তার সব চেয়ে কৌশলের। ভাল মন্দ সরেতেই সে হাসতো। কাজেই তাকে বুঝে-উঠা ভারী শক্ত হ'তো। কিন্তু এই আচরণে আপনাকে যারা পুরু ক'রে ঢেকে রাখতে চায় তাদের প্রায়ই নজর পড়ে না পিঠের দিকের ছেঁড়া তালিগুলোর। এই অতি ছোট নিগেস-গ'ল্‌বার মত ছিদ্রগুলো একদিন যে তার সমস্ত আবরণটাকে ছিন্ন বিছিন্ন ক'রে দিতে পারে, এ কথাটা লতার এক মুহূর্তের তরেও মনে উঠতো না।

সংসারের মধ্যে এই যে এত বড় একটা দ্বন্দ্ব চ'লেছে তার এতটুকুও জানতো-না অনাথ। সে জানতো শুধু দুটী দুটী খেতে আর সারাদিনের পর শাঁখা বেচে এনে রাত্তিরে নাক ডাকিয়ে ঘুমোতে। কাঁপি কত দিন তার পাতে ভাত দিতে দিতে এই কথাটাই কত রকমে ঘুরিয়ে ফিরিয়ে ব'লেছে। ব'লেছে, একজনকে মিথ্যে মিথ্যে পোষা কেন—কি উপকারে আসবে সে—ব'লেছে, তার এইটুকু আয়ে কত বড় নির্কোষ সে, একজন খেলালীর যখন যে-খেয়াল মিটিয়ে চ'লেছে অবাধে,—আচ্ছা সে যাই হ'ক্, নিত্যা

যে তার দোরগোড়া থেকে ভুলো-‘পা’ক’ ফিরে যায় কেন? সে এখন বুঝছে না, এই সব খোলস্পরা ছদ্মবেশীরা তাকে একেবারে নিয়ে যাচ্ছে কোথায়—কি সমস্তার মধ্যে! মেয়েমানুষ ব’লে এখনও যদি সে তার কথাটা গ্রাহ্য না করে, একদিন দেখতে পাবে নিজেই কি বিষম ফাঁকিতেই-না তাকে প’ড়তে হ’য়েছে—সে ফাঁকি থেকে কেটে-ওঠা তার পক্ষে—তার পক্ষে কেন সব-মানুষের পক্ষেই বেশ কঠিন হয়ে দাঁড়ায়—অসম্ভব হ’য়ে দাঁড়ায়।

এতগুলো কথার মধ্যে ঝাঁপি একবারও তুলতো না ঐ মেয়েটির নাম—ওর রীতি নীতি চাল চলন—অতি নোংরা হাবভাব। ওকে আনামীরূপে খাড়া ক’তে সে মোটেই পাত্তো না। মেয়েমানুষ হ’য়ে মেয়েমানুষকে এই চেহারায়—পোষাকে সে একজন পুরুষের কাছে দাঁড় করাবে তাকে কেমন ক’রে? তার জঘন্ত আকৃতিটা এখনি যে জগতের চোখে প’ড়ে এই জাতিটার সকল গৌরব মলিন ক’রে দেবে!

অনাথ তার জীবনে কোন একটা গুণগোল উঠলে কখনও সহিতে পারতো না। সে চাইতো চুপি চুপি কোন রকম শব্দ না ক’রে সহজ গতিশীল চাকার মত এই

জীবনের চাকাটা ঘুরিয়ে দিতে । কিন্তু কলের চাকা যেমন সময় সময় আপনা হ'তেই বন্ধ হ'য়ে যায় কেউ তাকে রুখতে পারে না, তেমনি মানুষের জীবনের চাকাও সময় সময় অচল হ'য়ে যায় কোন কিছুতেই জড়িয়ে । তখন তাতে হাজার দম্ দিলেও নে-চাকা আর সহজে ঘোরে না । ভিতরে বাইরে যখন এই রকম গণ্ডগোল, অনাথও তখন দম্ দিয়ে দিয়ে এই চাকাটাই চালাতে চাইছিলো । যদিও বাইরে তার মানের পর মান ঋণ বেড়ে যাচ্ছিল কেবল একটা লোকের যা-কিছু দাবী মিটাতে—তবুও কেন যে সে থামতে পাচ্ছে না এখনও—এ 'কেন'র উত্তর কে তাকে দেবে ? সে অনেকবার আপনাকে 'জিজ্ঞাসা' ক'রেছে, কে-সে যার জন্তে এক পয়সা 'চটা'সুদে টাকা ধার ক'রে এমন ভাদ্র মাসে বানের দিনে সে ইলিশ মাছ কিনে আনে ? কে-সে যার জন্তে রুটি মাথায় ক'রে সে দেড় ক্রোশ পথ ছুটে গিয়ে নাত টাকা দিয়ে শাস্তিপুরের নক্সাপাড় ধুতি কিনে এনে হাজির করে ? কে-সে যার জন্তে দরকারে অ-দরকারে সে ঋণের বোঝা বাড়িয়ে টাকা ধার ক'রে এনে দেয় ? এর উত্তরটা দিতে গেলেই একজনের সরল স্নিগ্ধ মুখখানা তার সমস্ত আঁধার জীবন অলোকিত ক'রে ভেসে ওঠে । সে নিখাস ফেলে আপন

মনেই বলে “আমার একটুকরা হাড় থাকতে ওর যে দাবী করবার অধিকার আছে রে দিদি !”

তবে বাইরের এই পেমণে সে পলে পলে নিষ্পেষিত হ’লেও ভিতরের ঐ প্রাজ্জ্বলিত আগুনটার এতটুকুও আঁচ্ তার শরীরের কোনখানে একদিনের তরেও লাগেনি। সে জানতো এই নংসারটা যার হাতে দেওয়া আছে, সেই মহিমময়ী আপন পবিত্র হাত দিয়ে তার এই কুঁড়েটার যা কিছু ছোঁবে তাই নিষ্পাপ হ’য়ে উঠবে। যেখানে তার নিশ্বাস প’ড়বে সেখানকার হাওয়া—যেখানে তার পা প’ড়বে সেখানকার মাটি একেবারে সুবাসিত—একেশ্বরে শুটাতায় ভ’রে উঠবে !

তাই অনাথ নংসারের ব্যাপারে বড়-কিছু চোখ দিত না। তাই লভা এবারে ঐ দুর্দান্তটার হাত থেকে বরাবরি রেহাই পেয়ে যাচ্ছে। অনাথ বিশ্বাস ক’রতো তার বাঁপি দিদির—সাবিত্রীর কাছে থেকে যত বড়ই হীন হ’ক না যে-কেউ, তাকে তার স্বভাব ছাড়তেই হবে, হাঁ। তাই এবারে সে একটু আলুগা দিয়েই রেখেছিল এই কু-চরিত্রের মেয়েমানুষটিকে।

বেলা ছপুর পেরিয়ে গেছে। অনাথ আর সেদিন ফিরিতে বেরোয় নি, খেয়ে একটু শুয়েছে। খানিক পরে

কি একটা শব্দে তার ঘুম ভেঙ্গে গেল। বিছানাতে উঠে ব'সে জানালা দিয়ে উকি মেরে দেখলে—কুকুর-মুখো ছড়ির আগাটা দিয়ে লতার খোঁপাটাকে আলুগা ক'রে দিচ্ছে গদাই ; লতার বাঁহাতে এঁটো থালু বাটি আছে—মান্নেই একটা গেলাস্ গড়াগড়ি যাচ্ছে। অনাথের শিরায় শিরায় আগুন ছুটতে লাগলো। তার মনে হ'চ্ছিলো এখুনি লাফিয়ে গিয়ে ঐ ছোটোর চুলের মুটি ধ'রে শূন্যে ঘুরিয়ে ঘুরিয়ে কালীমালের বেগুন-ক্ষেতে ছুঁড়ে ফেলে দেবে। কিম্বা তার এই ছেনি-হাতুড়ি-ধরা হাতে ওদের গালের উপর নাকের উপর পিঠের উপর চড়্ ঘুসি যতক্ষণ ওদের প্রাণ থাকে পর্যন্ত ক'রে যায়। সে রাগে একেবারে মরিয়া হ'য়ে উঠে বিছানা থেকে নান্তে যাচ্ছে, এমন সময় দেখতে পেলে এক কলগী জল নিয়ে ঝাঁপি উঠোনে পা দিচ্ছে। অমনি তার মনে পড়ে গেল সে ক'রতে যাচ্ছে কি—মারতে যাচ্ছে কাকে—এ-মারা যে এখুনি তার বুকে গিয়ে বিধ্ববে। এ শাসন যে তার নিজেই হবে! ঐ যে তার দিদি—আর ঐ অপরাধাটী সে-যে—সে-যে ওরই স্বামী! তবে ঝাঁপি আস্‌বার আগেই এরা সতর্ক হয়ে প'ড়লো। অনাথ আবার শয্যা নিলে; ভিতরে ক্ষতবিক্ষত হ'য়ে

কাতরে ডাকলে “দিদি, এক গেলাস্ ঠাণ্ডা জল দে-রে, ছাতি ফেটে যাচ্ছে !”


এই ফরমাজ্‌টা বাঁপির বদলে রাখতে এলো লতা। তখনও অনাথের চোখের কাছ থেকে সেই এক-মিনিট-আগেকার ঘটনাটা একেবারে মিলিয়ে যায় নি। সে অতি বড় ঘুণার সহিত তার হাত থেকে গেলাস্‌টা নিয়ে ছুঁড়ে ফেলে দিলে, সেটা গিয়ে প’ড়লো লতার পায়ের উপর সজোরে ; অমনি সে চীৎকার ক’রে মেজের উপর ব’সে প’ড়লো। বাঁপি, গদাই ছুটে এলো ; দেখলে, লতার পা দিয়ে রক্ত গড়িয়ে প’ড়ছে।

লতাকে নিয়ে বাঁপি যখন বড় ব্যস্ত হ’য়ে উঠলো তখন অনাথ সহজ স্বাভাবিক স্বরে ডাকলে “দিদি, একজন যে তেষ্ঠায়’ ম’রে যাচ্ছে তার দিকে কি তোর চোখ প’ড়বে না-রে ?”

বাঁপি রেগে উত্তর ক’রলে “তোমার বুকে যদি আগুন লেগেছেই এই যে-একজন জল নিয়ে এলো—”

অনাথ টক্ ক’রে উত্তর ক’রলে “এ-আগুন কি দিদি তোর হাতের এক ফোঁটা জল বিনা—ঐটুকু কাটায় ওরা কেউ ম’রবে না, তোর ভাবনা নেই কিন্তু এই লোকটার প্রাণ যে যায়—দে রে দিদি ও-সব রেখে দে—তোর হাতের

এক ফোঁটা ঠাণ্ডা জল আমায় দে, আমার বুকটা
একটু জুড়োক্ !”



চোদ্দ

সবাই যখন ঘর থেকে বেরিয়ে গেল তখন ঝাঁপি
জিজ্ঞাসা ক'লে “এ-রকমটা করা হ'চ্ছে কেন—মতিছন্ন
ধঃরলে মানুষের—”

অনাথ বাধা দিয়ে উত্তর ক’লে “ওরে দিদি, তুই যে আমার স্মৃতি, তোর কথা না শুনলে দুর্গতি যে আমার ঢের হবে তা আমি জানি ; কিন্তু ব’লতে পারিস্ রে কাঁপি, যারা আমায় পদে পদে ঠকাচ্ছে তাদের ইচ্ছে ক’লেই কি তাড়িয়ে দিতে পারি আমি ?”

কাঁপি একটুখানি হেসে জবাব দিলে “ঐ সাহসটুকুই যে তোমাতে নেই,—আচ্ছা তুমি কি ভাব ?—আমার দোহাই দিয়ে কারোও ওপর কোনো রকমের এতটুকু চক্ষু-লজ্জা তুমি মোটেই ক’তে পাবে না তা আমি ব’লে দিচ্ছি !”

“অনাথ আস্তে আস্তে অনুযোগের সুরে ব’লতে লাগলো “আমার সাহস ছিল ঢের রে-দিদি, কিন্তু কি জানি কোন্ সিংহিনীর ডাকে আজ আমায় একেবারে ভীতু ক’রে তুলেছে, নইলে ঐ আধ-ছটাক রক্ত ফেলে আজ ওকে উঠে যেতে হয়, এখান থেকে—পাঁজুরার এক-একখানা হাড় ছাড়িয়ে আনতুম রে-দিদি ! তবে আজ বুকে বড় লেগেছে—”

অনাথের কঠিন স্বরটা যেন একটুখানি শিউরে উঠলো। সে আবার ব’লতে লাগলো “তা ব’লে তুই এতটুকুও কিছু মনে করিস্ নি দিদি—তুই তোর দিক দিয়ে কোন

কিছু ভাবিস্নি—ঐ আলক্ষ্মীটাকে ঘরে এনেই আমার যা কিছু দুর্গতি তা আমি বুঝতে পাচ্ছি—তবে নিশ্চয় জানি রে-বাঁপি, কেউ কিছু আমার ক'ত্তে পারবে না তুই আমার সহায় থাকলে!—সাতটা শিকল দিয়ে এই কুঁড়েটায় যখন লক্ষ্মীকে বেঁধে রাখতে পেরেছি-রে, তখন অন্যর সাড়ে বাইশ্ গুণা টাকা ধার হ'লেও সে একদিন অভয়-দৃষ্টিতে চাইলে এই হতভাগাটার এক রতি অভাব থাকবে না!—”

অনাথ একেবারে বিহ্বল হ'য়ে প'ড়লো ; ব'লে গেল—“তুই একবার আমায় ছুঁয়ে দে রে দিদি, এই মরা দেহটায় আবার সে নতুন শক্তি নিয়ে ঐ সব শত্রুদের নাম্নে ভয়ের মূর্তি হ'য়ে দাঁড়াক!—”

এবার অনাথ ধড়মড়িয়ে উঠে প'ড়লো ; পাগলের মত টেঁচিয়ে উঠলো—“ওরে আমার লক্ষ্মি ! ওরে আমার শক্তি ! আজ তুই আমার ঘরে থাকতে লক্ষ্মীছাড়া—শক্তিহারা অনা কেন রে?—রূপাদৃষ্টিতে এককমর চা, অন্যের সংসার আবার উছলে উঠুক—সে এখুনি ঐ আবর্জনাগুলো দূর ক'রে দিচ্ছে, হুকুম দে-রে দিদি—”

বাঁপি আঁচলের কোনে চোখ মুছে উত্তর ক'রলে “মেয়েমানুষের ভুল একটু আশ্চুঁ সহ্য ক'রতে হবে

তোমাদের—বলো তো, এই জাতটার সাম্নে তোমরা যে কড়া হ'য়ে দাঁড়াও তাতে সে বেচারীরা কি ক'রে চিন্বে তোমাদের?—তোমরা চিন্তেও দেবে না যখন, তখন প্রহার কর কোন হিসেবে?—প্রথমে এই সংসার থেকে তাড়াও ঐ পুরুষটিকে—বুলতে পারছো না, দাদা বাপ যাকে ভিটেতে মাথা গলাতে দেয় না, কি ভয়ঙ্কর সে—এই নিমকহারাম্—”

অনাথ জিভ কেটে ফেল্লে ; বাধা দিয়ে ব'ল্লে “ছি দিদি, কাকে কি ব'লতে হয় এখনও তোর তা বোধ হ'লো না—যত বড়ই ভয়ঙ্কর হ'ক সে দিদি, সে আমার কুটুম্ব তাকে আমি প্রাণ গেলেও কখন বুলতে পারবো না এখান থেকে যেতে !”

কাঁপি এইবার বিষম রেগে উঠলো ; ব'ল্লে “আমার রাগ বাড়িয়ো না আর ব'লছি, এখুনি ও-কে বিদেয় ক'রে দাও—”

অনাথ ভয়ে জড়সড় হ'য়ে চুপটি মেরে ব'সে রইলো । কাঁপি চেঁচিয়ে উঠলো “ভালোয় ভালোয় যেতে বল ঐ ভদ্রলোকটীকে এখান থেকে—নইলে দেখবে আমি কি করি—”

অনাথ হাত-জোড় ক'রে ব'লতে লাগলো “হাত-

জোড় ক’রে ব’লছি রে হতভাগি, আর আমায় মানুষের কাছে ছোট ক’রে দিস্ নি—সে আমার যত ক্ষতিই করুক—যত বড়ই অক্ষম আমি হই, কুটুন্স ‘নারায়ণ’ তাকে বিদেয় ক’রে দিতে কখ্খোনো আমি পারবো না !”

“আচ্ছা, দেখছি এই ধর্ম তোমার থাকে কোথায়—এখুনি ও-র জুতো জামা আসবাব্ যা আছে টান্ মেরে উঠোনে ফেলে দেবো আমি, এত বড় শত্রুকে—বেই-মানকে একতিলও আর পুষে রাখ্বে না ঝাঁপি !”

এই কথা ব’লে ঝাঁপি হন্ হন্ ক’রে সেই ঘর থেকে বেরিয়ে গেল । অনাথ বুঝলে ঐ পাগলীটা এখুনি একটা অনর্থ ক’রবে ; ডাক্লে “দিদি, একটাবার শুনে যা-রে—”

ঝাঁপি ফিরলো ; জিজ্ঞাসা ক’ল্লে “কি—কেন ডাকা হ’চ্ছে, শুনি ?”

অনাথ যেন ভেবে ভেবে ব’লতে লাগলো “আজ যদি দাদামশায়ের উপর সত্যিই তোর এত কোপ্ হ’য়ে থাকে রে দিদি, আচ্ছা একটা কথা জিজ্ঞাসা করি—এখন সে যায় কোথায় ? কার আশ্রয়েই বা থাকে ?”

ঝাঁপি বাধা দিয়ে ব’ল্লে “সে কথা ভাবতে হবে না তোমায় ; কোনো চুলোয় যার মাথা গুঁজ্বার এতটুকু স্থান নেই—নিজের যার একপয়সা রোজ্গার ক’রবার এতটুকু

ক্ষমতা নেই—সে এই-রকমগুলো করে কোন্ সাহসে ?
না—না, যার খেয়ে আজও ওর ঐ নধর দেহটা এখন
র'য়েছে তার উপর কি ব্যবহার ক'চ্ছে 'ও'—না—এক-
তিলও আর—ও-কে এ-বাড়ীতে রাখতে পারবো না
আমি !”

অনাথ একটুখানি হেসে উত্তর ক'রলে “জানি রে
দিদি, তোর মুখের সঙ্গে বুক কি ঐ কথা ব'লছে ?—
সেখানে-যে সে কেঁদে ম'রে যাচ্ছে ! কাঁদিস্ নি দিদি—
আমার দিকি—অনাথের গলায় ঐ লোকটা ছুরি ব'সিয়ে
দিলেও, সে একটীবারের তরেও হাত তুলবে না ও-কে
বাধা দিতে !”

ঝাঁপি চোখে কাপড় দিয়েছিল । অনাথ বিছানা থেকে
নেমে তার হাত-দুটো ধ'রে ব'লে “পাগল তুই রে ঝাঁপি,
তোর জন্তে অনা সব সইতে পারে—যা—আমি একবার
মিতের বাড়ী থেকে ঘুরে আসি ।”

অনাথ বেরিয়ে গেল । ঝাঁপি আস্তে আস্তে নিজের
ঘরে গিয়ে শুয়ে প'ড়লো । আজকের এই ঘটনার
সূত্র কি ঝাঁপি তা না জানলেও সে বুঝেছিল, কিসে কি
ক'রে অনাথকে হঠাৎ এত অজ্ঞান ক'রে তুলেছিল ।
অনেকদিন আগে থেকেই সে জানতো এই লুকোচুরিটা

একদিন-না-একদিন ওর চোখে প'ড়বেই, তখন 'ও' বুঝতে পারবে নিজেই, এই দুধ কলা দিয়ে যাদের পোষা হ'চ্ছে, দিন রাত তারা বুকের উপর দংশন ক'রে কি বিষই না ঢেলে দিচ্ছে।—এর জন্তে দায়ী কে? সে নিজে। তবে খপ্ ক'রে তার মনে উঠে পড়লো, এই দু'টো বিষধর সাপ ছিল কোন কাল-সাগরের ওপারে, তাদের হাতছানি দিয়ে দেই তো ডেকে আনলে—সেই তো ব'লে ক'য়ে ঐ মুখুটার বুকের উপর ওদের বাসা বেঁধে দিলে। আবার তার উপর আজ তারই মুখের দিয়ে চেয়ে ঐ প্রাণবাতী জানোয়ার-গুলোকে সে জাগ্রত হ'য়েও বুকের উপর থেকে ছুঁড়ে ফেলে দিলে না। এই সব কাশ্মণ-গুলোই যে তাকে দায়ী ক'রে দিচ্ছে সকলের উপরে। এখন দেখতে পাওয়া যাচ্ছে তার যা কিছু অনিষ্ট—যা কিছু দুর্গতি তা হ'তেই হ'চ্ছে। রাগে ঘৃণায় কাঁপির মুখখানা মাকে মাকে রাজা হ'য়ে উঠ'ছিল। উঃ! কি ক্ষোভ! যাকে নিজের বাপ্-ভাই আত্মীয় বাড়ীতে রাখতে সাহস পায় না—যাকে আজ এতগুলো মাস গুরুর আদরে একজন প্রতিপালন ক'রে এলো, কি প্রতীফলটাই-না সে তাকে দিলে—যার জন্তে আজ দেনার দায়ে মাথা বিক্রী—যার জন্তে সমস্ত গাঁ—তার খারা আপনার বলতে

সবাই তার উপর বিরূপ হ'য়ে দাঁড়িয়েছে, সেই লোকটির
বুকের উপর কি শেলুই না হান্লে সে ! কাঁপির প্রাণে
এতটুকুও কষ্ট হ'তো না যদি সে তার কেউ না হ'তো ।
সত্যই তো সে তার কে—যে তাকে—যে তাকে নিরাশ্রয়
জেনেও তাড়িয়ে দিয়েছে—নিরীহ জেনেও অত্যাচার
ক'রেছে, তার উপর তার মমতা কি ? যা কিছু অধিকারের
দাবী এতেই তো তার নষ্ট হ'য়ে গেছে—তার ভাল মন্দ
সে কেন দায়ী হ'তে যাবে—সে তার কে ? এই কথা
যতই ভাবতে লাগলো ততই তার চোখ ফেটে জল
প'ড়তে লাগলো । সমস্ত মনটা দিয়ে এই বস্তুটাকে
যতই সে দূরে রাখতে চাচ্ছিলো ততই তার অতি
নিকটের স্থানটুকু জুড়ে কেবলই ব'ল্ছিল—ওরে নারি !
আমাকে অস্বীকার কখন কি তুই ক'ত্তে পারিস্—সব-
রকম অনাহারে আমি তোকে রাখলেও আমাকে নিয়েই
যে তুই—আমাকে বাদ দেওয়া কোন জন্মে তোর চলবে
কি ? আপনাকে বাদ দিয়ে কেউ কি কখনও বাঁচতে
পারে—আমি যে তোর স্বামী—স্বামী—স্বামী তা কি
মনে আছে ?

পনের

মিতের বাড়ী থেকে অনাথ যখন বেরুলো তখন
 সাঁঝের অঁধার মিশ্ কালো দৈত্যের মতন চারিদিক ধুঁয়ো
 ক'রে ক্রমে কাছে ঘনিয়ে আসছে। সে পথটা ধ'রে সে
 চ'লেছে সেই পথটা বরাবর স্টেশনের ধারে গিয়ে উঠেছে।
 চারিদিক দিয়ে ছোট বড় অঁকা বাঁকা ধুলোয়ভরা পথের
 সারু এর বুকে পায়ে মাথায় যে কোন একটা অঙ্গে গিয়ে
 মিলিয়েছে। তার চোখে মুখে গাঁজার নেশা ছাপ্‌মার
 র'য়েছে। একটা মত্ততার আবেশ নিয়ে সে দেখতে
 দেখতে চ'লেছে। কেউ জলুকে গিছলো ফিরেছে,
 কোথাও কলাবাগানের মধ্যে খেঁজক শাখ সাড়া দিচ্ছে,

কোন গৃহস্থের কাঁকা উঠোন থেকে প্রদীপের ক্ষীণ আলো নারা পল্লীপথটাকে পবিত্র ক'রে তুলেছে। অনাথের মাথাটা শ্রদ্ধায় নুয়ে প'ড়ছে; ভাবছে—ওরে হতভাগারা! তোদের পেটে দুবেলা দুমুটো না জুইক্, এই সব বনে—এই-সব শ্মশানে তোরা শত বৎসর বাস কর—তবুও এই-সব বনলক্ষ্মীদের—এই সব অন্নপূর্ণার আশ্রয়ে তোদের রোগ-শোক-অভাব-দিয়ে-ঘেরা শ্মশানবাসন্তলি বৈকুণ্ঠ হ'য়ে উঠেছে—কৈলান হ'য়ে উঠেছে! এর সঙ্গে মনে প'ড়ে যাচ্ছে তার নিজের ঝুঁড়েটীর কথা—এদেরই একজনকে সে আনন দিয়ে আপনার বিষময় জীবনটাকে অবিচলিত রাখ্বে 'মনে ক'রেছিলো, কিন্তু সেই বিষকে আরও বিষাক্ত ক'রে তুললে কে—তোদেরই একজন রে! একটা ছব'হ নিখাস অভিশাপের মত চারিদিকের হাওয়ায় মিশে গেল।

আর হাত-দশেক দূরে একটা বাঁক। এই বাঁকের মুখে তার বাড়ীর সোজা রাস্তাটা এসে মিশেছে। সে প্রায় ঘাঁকের কাছাকাছি এসে প'ড়েছে, দেখতে পেলে একজন ছড়ি ঘুরোতে ঘুরোতে সেই লোক-বিরল পল্লী-পথটায় যেন ছুটে চলেছে। আর একজন মেয়েমানুষ ছোট-ঘোড়ার পিছনের বগির মত তার সঙ্গে ছুটেছে। এরা যে রাস্তা ধ'রে চ'লেছে সেটা এখনি ফুরিয়ে যাবে;

এদের যেতেই হবে অনাথের পাশ দিয়ে। সে থমকে দাঁড়ালো চুপ্‌চুপ্‌ ক'রে এক যায়গায় গাছের আড়ালে। এরা চোখের পলক না পড়তে পড়তে তাকে পিছনে রেখে বেরিয়ে গেল। যাবার আগে মেয়েমানুষটির পরনের লালডুরেখানা অনাথের চোখের কাছে কালো সন্ধ্যায় একবার নক্ নক্ ক'রে উঠলো আর পুরুষটির মস্-মসে জুতোজোড়াটা তাকে স্মরণ করিয়ে দিলে বাবুদের গোমস্তার কাছে ও-মাসের শেষে যে ক'-টী টাকা ধার ক'রেছে তার উঁচু সূদের মাত্রাটা।

তার সমস্ত দেহের রক্ত টক্বগ্ ক'রে ফুটতে লাগলো। একবার মনে ক'ল্লে, তিন লাফে দৌড়ে গিয়ে ওদের চুঁচু ধ'রে ফিরিয়ে নিয়ে আসে কিম্বা ঐ মাঠটার পরেই তো মনসাতলার মাঠ—সেখানে এখন আড্ডা জ'মে উঠেছে—নে যদি তিন-পা এগিয়ে একবার হাঁক দেয়, তাহ'লে ঐ বে-ইমানটির দেহটির প্রত্যেক হাড়ের উপর বাঁশের লাঠি প'ড়ে প'ড়ে একেবারে গুঁড়ো হ'য়ে যায়। সে একটুখানি ভেবে ঠিক ক'রলে—হাঁ, শিক্ষা দিতেই হবে ওদের—এত বড় ছফ্‌মীর—সহসা তার বুকটা বানাৎ ক'রে উঠলো—কি মনে পড়ে গেল। শাস্ত শিষ্টটির মত সে আবার বাড়ীর দিকে চ'ল্লো।”

সারা পথটায় তার রুম্ম মেজাজটা প্রায়ই রুখে উঠছিলো ঐ দুই অত্যাচারীর বিপক্ষে। তবে তাদের সপক্ষে এমন একটা ওবুধ ছিল যে-টা তার উখিত ক্রোধকে প্রায়ই নিদ্রিত ক'রে দিচ্ছিলো। সে নিস্তেজের মত এসে দাওয়ার উপর ব'সে প'ড়লো। সমস্ত বাড়ীটায় তখনও সন্ধ্যার বাতি দেওয়া হয় নি। ঘরের খোলা কবাটগুলো যেন সাতপুরু কাল রং মেঠে প্রেতের মত দাঁড়িয়ে আছে। সারাদিনের পর গরুটা চ'রে এসে দাওয়ার উপর উঠে শুয়েছে। এই অন্ধকারে তার চোখ দুটো ক্রমেই কাতর হ'য়ে উঠছিলো—ঝিমিয়ে আস'ছিলো। একটুখানি পরে সে ডাকলে “দিদি, আজ থেকে কি এই হতভাগাটার ভিটেয় সন্ধ্যা-দেওয়া বন্ধ হ'লো রে?”

একবার দু'বার অনেকবার ডাকের পর কাঁপি ধড়মড়িয়ে বিছানা থেকে উঠে এলো ; বাতি আলতে আলতে ব'ল্লে “কেন, সবাই কি ম'রে গেছে?”

“সে খবরটা আমার চেয়ে তুমিই বেশী জান দিদি !”

কাঁপি কোন উত্তর ক'রলে না ; তাড়াতাড়ি গরুটাকে তাড়িয়ে নিয়ে গিয়ে গোয়ালেতে বেঁধে এলো। অনাথ জিজ্ঞাসা ক'রলে “দাদামশাই কোথায় রে কাঁপি?”

কাঁপি একটুখানি থেমে উত্তর ক'রলে “তুমি কি মনে কর ঐ সব নির্লজ্জরা তখনকার ঐ ব্যাপারটার পর তোমার ঘাড় থেকে নেমে চ'লে যাবে? না—না—নে বস্তু দিয়ে ওরা গড়া নয়—ওরা নিজের পিঁপ্টি রাস্কসের মত নিজেরাই অনেকদিন আগে খেয়ে ফেলেছে— এখন এই নিঃপিঁপ্টি মানুষগুলিকে তাড়ানো তোমার পক্ষে দুষ্কর!—”

অনাথ একটুখানি হাসলে; উত্তর ক'রলে “না রে দিদি, তোর তাড়া খেয়ে আজকে তাদের লজ্জা পিঁপ্টি খুব উঁচু মাত্রায় জেগে উঠেছে—”

কাঁপি চনুকে উঠলো; তাড়াতাড়ি জিজ্ঞাসা ক'রলো “কি রকম, শুনি?”

“আগে শুন্তে চাই দাদামশাই কোথায় রে?”

“এই তো একটু আগে দেখলুম বেশ সাজ্-গোছ্ ক'রে বেরোনো হ'লো কোথায়—”

অনাথ বাধা দিয়ে ব'ল্লে “ও' কোথায় রে দিদি?”

কাঁপি শিউরে উঠলো। সমস্ত দেহটা তার অজানা ভয়ে থব্ থব্ ক'রছিলো। সে মনকে সাহন দিয়ে নুখে ব'ল্লে “যাবে আবার কোথায়, পুকুরঘাটে দেখি—”

“দেখতো রে একবার দিদি!”

একটু পরে ঝাঁপি ফিরে এলো ; ভয়ে ভয়ে ব'লে “কই দেখতে পেলুম না তো—”

অনাথ হেসে উত্তর ক'রলে “সে আমি আগে থেকেই জানতুম রে দিদি !”

ঝাঁপি এবার সত্যি কাঁপতে লাগলো ; থামলো ; রেগে জিজ্ঞাসা ক'রলো “খুব মাতঙ্গরের মত মাথা নাড়া হ'চ্ছে যে—কি জানা আছে, শুনি ?”

অনাথ খুব সহজভাবে ব'লে গেল “এই তো! একটু আগে দেখলুম স্টেশনের পথ ধ'রে দাদামশায়ের পিছু পিছু ‘ও’ যাচ্ছে—”

ঝাঁপি কামানের গোলার মত ফেটে গিয়ে চৌচিয়ে উঠলো “কোন্ চোখটায় দেখলে—সে চোখটায় এখনও বেশ দেখতে পাও তো—বড়াই কর-না মাঝে মাঝে মস্ত বড় বীর তুমি ?—ঐ ছ'খানা হাতে কি পক্ষাঘাত হ'য়েছে ?—ঐ মদখোর মাতালটার ঘৃণধরা দেহটায় হাত দিতে পিছিয়ে এলে কেন, শুনি ?—পশুরও যে রাগ হয় ; মানুষ তুমি তাদের এত বড় দুষ্কর্মের একটা সাজা দিয়ে দিলে না ? ওঃ !”

অনাথ মুচ্কে হেসে উত্তর ক'রলে “রাগ ক'রিস্ নি দিদি—তুই রাগ ক'লে অন্য কোথায় দাঁড়াবে ব'লতো—”

তারপর একটু থেমে ব'ল্লে—“তার গায়ে কি হাত তুলতে পারি রে-দিদি, সে যে তোর বর—আমার ঝাঁপি দিদির স্বামী—সে যে বড় আপনার—তাকে মারা যে নিজেকে মারা রে দিদি !”

ঝাপির মাথাটা ঘুরতে লাগলো ; সে আস্তে আস্তে দাওয়ার উপর ব'সে প'ড়লো । অনেকক্ষণ কেউ কোন কথা কইলে না । এবার ঝাঁপি রাগে ফুলতে ফুলতে একগুঁয়ে বন্বরার মত অনাথের কাছে এগিয়ে এলো ; টক্ ক'রে কথা তুললে “আমি শুনতে চাই, তুমি ঠিক ক'রে বলো—এই যে এত লোকের এত উপদ্রব তুমি হেলায় সহ্য ক'রছো, এর মধ্যে আমার কোন সংশ্লিষ্ট তুমি রাখ কেন ?—তুমি কি মনে ক'রে আছ এদের প্রত্যেকের অত্যাচারের শোধ দেবার তরে আমি আছি—আমার কাছ থেকে কি তুমি ওদের দেনা-পাওনার হিসেব মিটিয়ে নিতে চাও—স্পষ্ট করে ব'লতে পার না তুমি, ঐ রকম কিছু তোমার মনের কোণে আছে কি না ?” •

অনাথ কেবলমাত্র ছুহাত দিয়ে নিজের মুখটা ঢাকা দিলে । ঝাঁপি আবার চড়াসুরে-বাঁধা একতারার মত ব'লতে লাগলো “—এই রকম ক'রে চুপ্-মেয়ে থাকলে আমি শুনবো না ।—এই যে প্রতি কাজে তুমি এত

অহিংসা দেখাচ্ছে, এতে আমার সন্দেহ হয়—ভয় হয় —
সাপ যদিও ছোবল্-মারা স্বভাবটী ভুলে যায়, তাকে সাপ
ব'লে চিন্তে পারলে তোমার ভয় হয় কি না ?—”

অনাথের দু-চোখ দিয়ে বসুধারা বইছিলো। সে অতি
কষ্টে উত্তর ক'রলে “একটা খাঁচায় পুরে এই মুখখুটাকে
দিনরাতই খোঁচা দিয়ে বিধ্বি রে দিদি—তার চেয়ে এই
বন্ধ-পাখা নিস্তেজ প্রাণীটার গলার উপর একেবারে ছুরি
চালিয়ে দে না, এক পলকে তার সব যন্ত্রণার শেষ হ'য়ে
যাক্ ! এ যে—”

এমন সময় ভুলো পাক্ আরো দশ পাঁচ জন পাক্-
পেয়াদা সঙ্গে নিয়ে হৈ হৈ ক'ত্তে ক'ত্তে বাড়ীর মধ্যে
চুকে প'ড়লো। কাঁপি দৌড়ে ঘরের মধ্যে উঠে
গেল। অনাথ দাঁড়িয়ে জিজ্ঞাসা করলে “এ কি-রকমটা
হ'লো ?”

ভুলো পাক্ উত্তর ক'রলে “সদর গোমস্তার লুকুম,
বেঁধে নিয়ে যেতে কাচারীতে—দেনা দেবার নাম্‌টী
নেই—”

ভুলোর সঙ্গীরা অনাথের হাত ছুঁটো একখানা কাল
গামছা দিয়ে বেঁধে তাকে টেনে নিয়ে চ'ল্লো। সে কোন
আপত্তি তুললে-না ; কেবল একবার ব'ল্লে, “ওরে ভুলো—

ওরে কালু, আমার কাছে লাঠি ধ'রতে শিখে আজ তোরা জমিদারের পাঙ্ক-পেয়াদা হ'য়েছিস্, জেনে রাখ্ এখনও এই ক'জনকে একগাছা লাঠি পেলে অনা ঘাল্ ক'তে পারে, তবে এই আমার—এই আমার দিদির এই পুরীটার মধ্যে রক্তের শ্রোত বওয়াতে অনাথ একেবারে গরুরাজী—”

শেষে একবার চোঁচিয়ে ব'লে গেল “ভয় ক'রিস্নি দিদি, অনা আবার এখুনি ফিরে আস্ছে—”

ঝাঁপির চোখের সামনে থেকে যেন এক পলকে সমস্ত পৃথিবীটা রসাতলে নেমে গেল। ঘরের ভিতর, থেকে পাগলের মত ছুটে সে বাইরে বেরিয়ে এলো। একবার মনে ক'ল্লে তার অনাথদাদাকে যেখানে ধ'রে নিয়ে যাওয়া হ'চ্ছে সেখানে সেও গিয়ে ওঠে। সমস্ত উঠোনটায় সে ছটফট ক'রে ঘুরে বেড়াতে লাগলো। তার উপর তার মন বিপক্ষের কড়া উকিলের মত তাকে হাজার জেরা ক'রে ব'স্লে—এই যে একটু আগে এই জীব্টার উপর সে এত অত্যাচার ক'ল্লে—তার এই যে আজ শাসন, এটার উপলক্ষ কে—উপলক্ষ কেন, মূল সে ছাড়া আর কেউ কি? তার ঘর দোরে আগুন লাগিয়ে দিলে কে—কে তাকে

দেশের কাছে—দেশের কাছে ছোট হীনের হীন ক'রে ছাড়লে ?—আজ এই যে তার হাতে গামছার গেরো দিয়ে চোরের মত টেনে নিয়ে গেল, এখানে উঃ—এখানে একজনের অবিচার—না—না—এ যে তারই বুদ্ধির দোষে !—আপনার সমস্তটা হারিয়ে ঐ নির্দোষটা তারই দাবী বরাবর মিটিয়ে চ'লেছে—তার প্রাণের কোণে এতটুকু আঘাত লাগবে ব'লে, "পৃথিবীর সমস্ত দস্যকে সে তার সর্বস্বকে লুট ক'রে নেবার সুযোগ দিয়েছে—পৃথিবীর সমস্ত অত্যাচারীর উৎপাত—তার চেয়েও বড়-নামের দুষ্টুমি সে হেসে সহ্য ক'রেছে ! —তা' প্রতি এত বড় বিশ্বাস পৃথিবীর আর কারো কি আছে ? এই পোড়ারমুখীটার মুখটা কোনদিন আগুনে পুড়বে না—আহা রে ! এই নিরীহটিকে সে কি না ব'লেছে !—কি যন্ত্রণাই না দিয়েছে ! এটা মানুষে সহ্য করলেও এতটুকু অত্মায় যিনি সহ্য ক'তে পারেন না, তাঁর কাছে সে রেহাই পাবে কি ক'রে ? —ঘুরতে ঘুরতে সে এক জায়গায় ধপ্ ক'রে ব'সে প'ড়লো । আবার উঠে ঘরগুলোয় শিকল তুলে দিলে । আবার ব'সলো ; আবার ভাবতে লাগলো—এবার যত দোষ তার স্বামীর ঘাড়ে প'ড়লো,—সেই তো তাকে

এত ক'রে একজনের কাছে দায়ী ক'রে গেছে—তারই ব্যবহারটা জগতের কাছে তার মুখ দেখাবার পথটা একেবারে বন্ধ ক'রে দিয়ে গেছে—এই জাতির সে ভিন্ন—তারা ভিন্ন কেউ নেই! সে তার ভাগ্যগুণে কি নীচ হ'য়েই দাঁড়ালো। সে আঁচলের খুঁটে চোখের জল মুছে মনে মনে ব'লতে লাগলো “হ্যাঁগা, আপন-জন্ তুমি ছাড়া আমার কে?—তুমি আমার দেবতা,—তুমি আমার স্বামী—তুমি আমার ঐশ্বর্য—কোন কালে তোমার শত্রুতা ক'রেছিলুম, তাই কি এ-জন্মে এত নাজা দিলে?—দাও—সুখী হও—আমায় না দেখ’ কিন্তু আপনাকে অমন ক'রে—অত ছোট ক'রে দাঁড় করালে আমার প্রাণে বড় লাগে—আমি যে তোমাকে নকলের উপরে দেখতে চাই!—আর কখন দেখা হবে না—তুমি তো আমার কথা ভাবলে না—বনবাসে দিয়েছিলে আবার কেন দেখা দিলে?—তবে তুমি যাও—যেখানে যাও মনে ক'রে রেখ’—তুমি যাই হও—ঝাঁপি তোমা ছাড়া জানে না—তোমরা অত্যাচারী হ'তে পার—অবিচারী হ'তে পার, আমরা যে পারি না গো—আমরা যে তোমাদের একটি মাত্র কথার ভিখারী—আমাদের তাড়িয়ে দিয়ে না—ঘন থেকে মুছে ফেলো

না—তোমার অত বড় রাজত্বে কীট-পতঙ্গের মত একধারে আমাকে একটু স্থান—”

ঝাঁপি আর ভাবতে পারলে না ; ভেউ ভেউ ক’রে কেঁদে উঠলো ।

তার কান্না যখন থামলো তখন চোখ তুলতেই দেখতে পেলো, ক্ষ্যান্তি সামনে দাঁড়িয়ে র’য়েছে । অনেকক্ষণ কেউ কোন কথা তুললে না । ক্ষ্যান্তি প্রথমে দরদ জানিয়ে ব’লে “অনেকদিন আস্তে পারি নি, এখানে তো ছিলুম না রে বোন, শেষ-বয়সে গয়া-রুদ্ধাবনটা করা গেল—লোকের কাছে শুমলুম, তোর যে বড় খোয়ার হ’চ্ছে রে দিদি—”

এ সহধর্মীতায় ঝাঁপির চোখ দিয়ে আবার দরদ ক’রে জল প’ড়তে লাগলো । ক্ষ্যান্তি ব’লে গেল— “অনাথ, আহা বেচারীকে ধ’রে নিয়ে গেল সেই কসাই গোমস্তাটার কাছে—আজকে কি আর তার রক্ষে থাকবে—হাতে পায়ে লোহার শিক্ পুড়িয়ে ছঁাকা দেয়—”

ঝাঁপি শিউরে শিউরে উঠতে লাগলো । তার পা-ছুটো জড়িয়ে ধ’রে কাঁদতে কাঁদতে ব’লে “ক্ষ্যান্তি দিদি, কি হবে রে—ঝাঁপি আজ সর্বস্ব দিতে রাজী আছে—”

ক্ষ্যান্ত মনে মনে একবার হাস্লে; সহজভাবে ব'ল্লে “ঐ সব দুর্দান্ত গোমস্তারা তো তার চাকর-বাকর মাতোর—তোরা প্রতি তার দৃষ্টিটা খুব; এতদিন ভাল হ'য়ে যেত রে দিদি—বুঝ্‌লি কৈ—”

ঝাঁপি তার উত্তরে বুঝিয়ে দিলে, এতদিন না বুঝলেও আজ সে স্পষ্ট বুঝতে পাচ্ছে। আজ এখুনি সে আপন গণ ক'রে সেই সাপের গর্তে প্রবেশ ক'ত্তে রাজী আছে।

ক্ষ্যান্ত অনেক দিনের এই শিকারটীকে আজ সহজেই সন্ধান ক'রতে পেরে, পরম পুলকে তাকে বেচাকেনার হাটে নিয়ে চ'ল্লে। সেখানে ঐই লুন্ধ পদার্থটীকে কি উচু দামে ছাড়া যায় তারই একটা খন্ডা সে মনে মনে তৈরী ক'চ্ছিলো। ঝাঁপি একট-বার মাত্র উপর দিকে চেয়ে আপনাকে বলবানের মন্দিরে বলি দেবার তরে এগিয়ে নিয়ে চ'ল্লে।

ষোল

মস্ত বড় জমিদার। ঘোড়া ঘোড়-সওয়ার ঝাড়্
 লঠন্ আসবাব্। আপনার জমিদারীর মধ্যে একজন
 ছোটখাট নবাব। তিনি নিজে জমিদারী দেখেন না,
 দেখেন শিবানুচর গোমস্তা বিশ্বনাথ নন্দী। এসব বিষয়ে
 তার দেখা শুনা না থাকলেও তার এতটুকু ঔদাস্য
 ছিল না ভোগে। তার বিলাসের মন্দিরে নিত্য যে
 ভোগের আয়োজন হয় তাতে পূজোর চেয়ে বলিদানে
 নৃত্য থাকে অনেক বেশী। সেখানকার প্রলোভনের
 আগুনে অনেক নিষ্পাপ উপকরণ নিত্য দগ্ধ হয়।
 এই মন্দিরে আরতি দেবার তার ছিল ক্ষ্যান্তির। সে

সারা গ্রাম থেকে নিত্য আলোক সংগ্রহ ক'রে রাত্তিরে এখানে বাতি দিয়ে যেতো। তাই এখানে তার খুব পসার ছিল—রোজগার ছিল—তাই চাকর-বাকর ধরপাকড় সকলের উপরে ছিল সে।

চারধারে নিশুখী। সারাদিনের খাটা-খাটনীর পর যেন সারা গাঁ-টা এইমাত্র ক্লান্ত হ'য়ে ঘুমিয়েছে। পথে একটীও লোক নেই। সামনে ত্রয়োদশীর চাঁদ জ্বল্ জ্বল্ ক'রে জ্বল্ছে—নানারকমের নিশাচর পাখী আপন খুদীতে উড়ে বেড়াচ্ছে। মুখটা নীচু ক'রে ষ্টেগন্ বাঁ-হাতে রেখে স্ক্যান্ডর সঙ্গে ছুরু ছুরু বুকে ঝাঁপি চ'লেছে। কারো মুখে একটি রা' নেই। যেন কেউ কাকেও চেনে না। খানিকটা আগেই একটা আস্-সেওড়া গাছ—তারপরই সরকাঁরী বাঁধ—বাঁধের ধারেই জমিদারের সাতমহল বাড়ী। এইমাত্র রাম-ঘড়ির আওয়াজ ঝাঁপির কাণে গেল ঐ বাড়ীর ছাদ থেকে—রাত দশটা। ঐ দেখা যাচ্ছে সামনের উঁচু নবখানার বড় লণ্ঠনটার লাল আলো, যেন কত প্রাণ জবাইয়ের রক্তে সে একেবারে লালে-লাল হ'য়ে গেছে। ভাবতে গেলে বুক শুকিয়ে যায়। আরো—আরো তারা দুটী প্রাণী এগিয়ে এলো এই বাড়ীর কাছাকাছি। বেশ

স্পষ্ট শুনা যাচ্ছে, এই জমিদারের তোষাখানায় তখন যে হরুরা চ'লছে তার বাজি-বাজনা নাচের ঘুঙুর ও মিহিগলার গানের সুর। ফটকে ঢুকতেই চোপ্দার শিউপূজন পাঁড়ে ক্ষ্যান্তকে চিনে ছেড়ে দিলে। তারা দু'জন চ'ল্লো—চ'ল্লো। বড় পুকুরটার পাড়ের উপরে তখন মজলিস্ চ'লছে পুরোদমে। নিঁড়ি দিয়ে উপরে উঠে তারা বারান্দায় দাঁড়িয়েছে। সমস্ত ভিতরটা দেখা যাচ্ছে স্পষ্ট। ক্ষ্যান্ত কাঁপিকে বল্লে “দেখ্‌ছিন্ কি রূপ! ওর নাম টিয়া,—ক'ল্‌কাতার বাইজী—বাবু ওফে লাল্ ক'রে দিয়েছে—একটু দাঁড়া, গান্‌টা শেষ হ'ক্ !—”

টিয়া তখন ভাও বাংলাতে বাংলাতে আ-কাঁপিয়ে গাইছিলো—

সরাবে পাত্র ভ'রি

সুখে যাচ্ছ স'রি,

.....

বুকেতে লক্ষ্য ক'রি

মেরেছো তীক্ষ্ণ শরই,

.....

ওগো ও-কামনা
তবুতো ভুলি-না !

.....

পিয়ালার তীব্র স্মৃতি
দেখেছো রক্ত-ঝরা—

.....

নাচের কোলাহলে
বিলালে হলাহলে,—

.....

ক'রি-নি তবু মানা
তোমার ও-ছুরিখানা
মরণে-ভিজানা !

.....

ওগো ও-কামনা !

.....

সকলে বাহবা দিয়ে উঠলো । টিয়া, নিজহাতে

‘সরাব’ ঢেলে মুখে মুখে পিইয়ে দিয়ে এলো। আরোও খানিকটা হরুরা চ’ললো। তব্লটী সারংদার উঠলো, কুর্নাস্ ক’রে শরীর খারাপ ব’লে টিয়াও বিদেয় নিলে। বন্ধুরা তাদেরই পাশ দিয়ে একে একে নেমে গেলো। সকলেই একবার ক’রে তাদের দিকে চেয়ে গেল—হেসে গেল। বিশেষত ক্ষ্যান্ত যে এই মজলিসের সকলের খুব পরিচিত এটা কাঁপির জান্তে বাকি রইলো না; জেনে ঘণার অবধি রইলো না। কেউ শিস্ দিয়ে গেল—কেউ টিট্কিরী দিয়ে গেল। কেউ ট’লুতে ট’লুতে কাঁপির গায়ে প’ড়ে যাচ্ছিলো; সে কোন রকমে দাঁড়িয়েছিলো আপনার নিশ্বেসটুকু বন্ধ ক’রে যেন।

এইবার এগিয়ে চ’ল্লো ক্ষ্যান্ত তাকে একরকম টেনে নিয়ে। এইবার তার মরণ যাগের সুর—এইবার তার সব্-হারানোর পালা। হায়রে! তুমি যেমন ক’রে সেদিন কুরু-রাজসভায় অসহায় পাঞ্চালীর লজ্জা-নিবারণ ক’রেছিলে ঠাকুর—আজ কি তা পার না? আজ কি দুর্ব্বলা এই কন্ঠাটাকে রক্ষা ক’তে তোমার কোন হাত নেই? আজ কি সত্যই তুমি নেই? কাঁপির মনে সন্দেহ জাগে। সে ধম্কে দাঁড়াল;

আর এগুবে না। নারীর সর্বস্ব সে—ইহকাল পরকাল তার এখুনি—এখুনি বুঝি ঐ ক্ষুধিত রাক্ষসটার—আর ভাবতে পারলে না। বুঝি সে চ'লে প'ড়ে যায়। ক্ষ্যান্ত তাকে নাধামত বোঝালে ফের—গজ্ঞনা দিলে; চুপি চুপি ব'লে “চলানি! নাচতে এসে ঘোম্‌টা কেন লা?”

সে তাকে একরকম হিঁচড়ে নিয়ে চ'ল্লো।

কাঁপি কাঁপতে কাঁপতে ক্ষ্যান্তির পিছু পিছু এই জমিদারের তোমাখানার সামনে এনে দাঁড়ালো। এই ঘরের প্রভুটি তখন তাকিয়া ঠেস দিয়ে বোতল থেকে কি একটা লাল রংয়ের বস্তু তেলে একটু একটু ক'রে উদরস্থ ক'চ্ছিলেন। ক্ষ্যান্তিক দেখে তিনি লাফিয়ে উঠলেন; পেয়ার ক'রে ব'ল্লেন “ক্ষ্যান্তমণি ধনি, আজ তেরাতির অঙ্ককারে কাটাচ্ছি—একটু রোস্নাই কর!”

ক্ষ্যান্তি নমস্কার ক'রে মুচকে হেসে কাঁপিকে ঘরের মধ্যে ঠেলে দিলে। কাঁপির পা প্রথমে কেঁপে উঠলো—মন ভয়ে জড়সড় হ'য়ে গেল। তার উপর সেই ঘরটির চারিধারে যেন হত্যার বিভীষিকা তাকে পলে পলে গ্রাস ক'তে আসছিল। জমিদার বাবু নেশায়-জড়ানো সুরে আস্তে আস্তে ব'ল্লেন “এখানে

ঘোমটা দিয়ে দাঁড়ানটা কেমনধারা দেখায় তুমি নিজেই অনুমান ক'রে ছাখোতো—”

কাঁপি কোন উত্তর ক'রলে না ; কেবল পরনের চওড়া লাল-পাড় কাপড়ের পাড়টা লাল সিঁথির উপর তুলে দিলে। জমিদার বাবু শিউরে উঠলেন ; জিজ্ঞাসা ক'লেন “আচ্ছা, কি লোভে তুমি এখানে এসেছ— কি তুমি চাও ?”

কাঁপির চোখ দিয়ে ফোঁটার পর ফোঁটা তুরস্কের গালিচা-পাতা শ্বেতপাথরের মেজের উপর ঝরঝর ক'রে ঝ'রে প'ড়তে লাগলো। এটা অপর কারোর চোখে প'ড়লো কিনা জানি না ; তবে তিনি আবার হেসে হেসে ব'লেন “সত্যি / তুমি রোস্‌নাই!—কি তুমি চাও ?”

কাঁপি মাটির দিকে চেয়ে খুব দৃঢ় হ'য়ে ব'ল্লে যা সে চায়। সে চায়—ভিক্ষে করে—হাত-জোড় ক'রে বলে—তাঁরই গোমস্তা তার যে পরম আত্মীয়টিকে দেনার দায়ে বেঁধে ধ'রে নিয়ে গেছে সেইটিকে ছেড়ে দিতে ; এর বদলে সে স্পষ্ট ক'রে ব'ল্লে—“যা আপনার খুসী”এর দাম হিসেবে আমার ঠিকে নিতে পারেন !”

জমিদার বাবু হো হোঁ ক'রে হেসে উঠলেন ; একজন

চাকরকে ডেকে ছ'-কলম লিখে তাকে গোমস্তার কাছে পাঠিয়ে দিলেন।

ঝাঁপি নিস্তব্ধভাবে দাঁড়িয়েছিল। জমিদার বাবু আবার তরল পদার্থের খানিকটা গলার মধ্যে ঢেলে দিলেন ; দাঁড়িয়ে উঠলেন ; বল্লেন “এখনও দাঁড়িয়ে র'য়েছো যে—আর কিছু তুমি চাও ?”

খুব আস্তে ঝাঁপি উত্তর ক'রলে “না !”

“তবে যাও—বেরিয়ে যাও—যাও মা—আমি প্রতি-
পলকে মাতাল হ'য়ে প'ড়ছি, তোমার মাত্ত রাখতে পারবো না—”

ঝাঁপি বিশ্বাস ক'রতে পারলে না কি সে শুনছে।

ঝাঁপি তবুও দাঁড়িয়ে রইলো দেখে তিনি আবার বল্লেন “ক্ষ্যান্তি প্রথন যদিই তোমায় দেখালে সেদিন থেকেই জানতুম তুমি গোথ'রো সাপ—মনসা—তোমায় দেখে আমার ভয় হয়—যাও মা—তোমার বাইরের রূপ ক্রমেই আমায় মাতাল ক'রে তুলছে—আমি তো তোমায় আনতে বলিনি—ক্ষ্যান্তি—”

ক্ষ্যান্তি কাছেই দাঁড়িয়েছিল ; ছুটে ঘরের মধ্যে এলো।

তিনি তাকে একটা সজোরে লাথী মেরে দিলেন ;

রেগে ব'ল্লেন “এই, তুই আমায় বরাবর কি ঠাওরাস্—
আমি মদ খাই; নব রকম পাপ করি তবে এই-
সব শক্তিকে আমার চণ্ডীমণ্ডপের কালী ছাড়া আর
কিছু মনে ক'রতে পারি না—খবরদার এইরকম যেন
বারদিকে না হয়—যা রেখে আয়—বরাভয় দাও মা—”

ব'লে জমিদার বাবু বাঁপির পায়ের কাছে ব'সে
প'ড়লেন। বাঁপির পবিত্র চোখের জঁল আশীর্বাদী
ফুলের মত কেবল তাঁর মাথার উপর ঝ'রে প'ড়তে
লাগলো !

অনেক রাত্রে বাঁপি যখন বাড়ীতে এসে পা দিলে
তখনও 'সেই তার নিজের-হাতে-ছালা আলোটা মিট-
মিট ক'রে জ্ব'লছে। ঘরের চৌকাটে মাথা দিয়ে
অনাথ উপুড় হ'য়ে শুয়ে আছে। আর তারই পাশে
মাথায়-হাতে-পটি-বাঁধা বেচারাম ব'সে ব'সে যন্ত্রণায়
ছটফট ক'চ্ছে। অনাথকে যখন কালীমালের জলার

ধার দিয়ে ধ'রে নিয়ে যায় তখন বেচারাম জেলেদের দাদন্ দিয়ে ফিরছিল। সে লঠনের আলোতে মিতেকে চিন্তে পেরে অনাথের শতবার নিবেদনস্নেহেও ভুলোপাকের পায়ে হাতের লাঠি ব'সিয়েছিল। অনেকক্ষণ দাঙ্গার পর তার মাথায় ভারী চোট লাগে, সে অজ্ঞান হ'য়ে সেখানেই প'ড়েছিল। অনাথ খালাস্ পেয়ে আস্‌বার সময় তাকে তুলে নিয়ে আসে।

ঝাঁপি ঘরের দাওয়ায় এসে দাঁড়াল। অনাথ পায়ের সাড়া পেয়ে জিজ্ঞাসা ক'ল্লে “কে—রে?”

কোন উত্তর নেই। আবার জিজ্ঞাসা ক'ল্লে—কোন উত্তর নেই। এবার সে মুখ ফিরিয়ে দেখ্লে। আবার মাটিতে মুখ গুঁজে শুয়ে প'ড়্লে; জিজ্ঞাসা ক'ল্লে “এত রাত্রে কোথায় যাওয়া হ'য়েছিল ঝাঁপি?”

ঝাঁপির তবুও উত্তর নেই। সে আবার জিজ্ঞাসা ক'ল্লে “আচ্ছা জিজ্ঞাসা করি এত শীগগির্ সেই কসাইখানা থেকে আমি রেহাই পেলুম্ কেন?”

কোন সাড়া নেই শব্দ নেই। অনাথ এবার আগুন হ'য়ে উঠ্লে; ব'ল্লে “অনা সারাজীবন জেল খাট্‌তো হেসে—তুই আপনাকে—”

ঝাঁপি টেঁচিয়ে উঠলো “না-হ’লে লোহার শিক
পুড়িয়ে পিঠের শিরদাঁড়ায় ছঁাকা দিতো !—”

“লোহা কি রে ঝাঁপি—লোহা—পাথর—শূলের মত
কাঁটা যা দিয়েই অনার নারা গায় ছঁাকা দিক্—
বিঁছুক্, আজ তুই যেমন কুল কাঠের আগুন দিয়ে
পোড়াচ্ছিস্—যন্ত্রণা দিচ্ছিস্ তেমন তাদের—ঐ অস্ত্র-
গুলোর কেউ পারতো না !”

ঝাঁপি তাড়াতাড়ি উত্তর ক’রলে “একজন ধার
ক’রে রেখে গেছে—বেইমানি ক’রে গেছে—আমি
তো তার অন্ধেক, তার ধার তো আমার ধার—
আপনাকে বেচেই যদি নেই ধারটা শুধি ?—

“তবে রে হতভাগি ! এখান থেকে দূর হ’য়ে
যা—আমি তোরা কালামুখ দেখতে চাই না !”

এই কথা ক’টা বা’র হবার আগেই ঝাঁপি দারুণ
অভিমান নিয়ে সেখান থেকে বেরিয়ে গেল ।

ক্রমে ক্রমে ভোর হ’লো । অনাথ তখনও মুখ-
গুঁজে পু’ড়ে আছে । বেচারাম ভোরের হাওয়ায়
যন্ত্রণা ভুলে একটু ঘুমিয়েছে । কে যেন ডাকলে ।
অনাথ বাইরে এলো । দেখলে সামনেই ঘোড়ায় চ’ড়ে
জমিদার । তাকে দেখে তিনি ব’ল্লেন “তোমার

উপর কাল্ কোন অত্যাচার হয়নি তো?—যে মা-টি তোমার খবর নিয়ে আমার ওখানে গেছিলেন তাঁকে আমার প্রণাম জানিও!”

তিনি ঘোড়া ছুটিয়ে বোরিয়ে গেলেন। অনাথের চমক ভাঙলো। একি সে ক’রেছে—এই দুজ্জের-টিকে সে বুঝে উঠতে পারে না কোন-প্রকারে—ওরে চিরকালই তুই আমায়—ওরে মায়াচারি! আমায় বুঝতে দিলিনি তুই কে—কত বড়!—তারপর সে কাঁদতে কাঁদতে পথে পথে ছুটতে লাগলো—“ওরে আমার দিদি—আমার শূন্য ঘরে ফিরে আয়—আয় রে! এই শ্মশানে কেবল তোর মুখ-চেয়েই যে বেঁচে আছে অনা!”

খানিক বেলা পথে পথে ঘুরে ঘুরে সে যখন আশুথ-তলার ঘাটের কাছে এলো, তখন দেখানে ভিড় জ’মেছে খুব। সকলে ব’লছে একজন জলে ডুবে ম’রেছে। ভিড় ঠেলে সে একবার উকিমেরে দেখলে। দেখলে,—সেই লালের কস্তা পাড় কাপড়খানা প’রে এলো চুলে মাটির উপর ঝাঁপি শুয়ে রয়েছে। সে ছুটে গিয়ে তাকে কোলের উপর তুলে নিলে; পাগলের মত ব’ল্লে “ওরে আমার দিদি, কোন অভিমানে আজ মাটির উপরে শুয়ে রে—? আয়—অনার বুকে আয়—বুকে ক’রে জোকে যে মানুষ


ক'রেছি রে !—ওরে আমার লক্ষ্মি ! এই লক্ষ্মীছাড়াকে আজ তুইও ছেড়ে চ'লি দিদি—চলু দিদি ফিরে চল, এই হতভাগাটার কুঁড়েয় ফের ফিরে চল—তার শ্মশানটাকে তুই-ই যে সংসার ক'রে তুলেছিলি রে ! ওরে আমার অন্নপূর্ণা ! তোরা হাতে না খেলে অন্যার পেট ভরে না—কাল থেকে কিছু খাইনি বাড়ী ফিরে চ দিদি !”

অনাথ হাউ হাউ ক'রে কাঁদতে লাগলো । কাঁপির মুখের উপর মাথা রেখে সে কাঁদতে কাঁদতে টেঁচিয়ে উঠলো, “—এই নিরাশ্রয়টাকে সঙ্গে ক'রে নিম্ দিদি—তুই ছাড়া এই পৃথিবীতে আমি এক-তিলও আর বাঁচবোনা !”

সৈরভী জেলেনী, বেচরাম প্রভৃতি আত্মীয়রা যখন তার সামনে এসে দাঁড়ালো তখন সে সম্পূর্ণ পাগলের মত সেই মড়াটার পায়ের তলায় মাথা গুঁজে পড়ে আছে ।

এই লেখকের লেখা ক'খানা বই :-

বিশ্বের ক'নে (তৃতীয় সংস্করণ)	১০
বনফুল (গল্প—দ্বিতীয় সংস্করণ)	১
মেওয়া (গল্প—দ্বিতীয় সংস্করণ)	১
হরের ছন্দ (গান—যন্ত্রস্থ)	২



শ্রীব্রজমোহন দাশ সম্পাদিত—

জলধর-কথা

রায়বাহাদুর জলধর সেনের পঞ্চসপ্ততিতম জন্ম-তিথিতে
বাংলার শ্রেষ্ঠ লেখক-লেখিকাগণের নৈবেদ্য ।

সুদীর্ঘ ১৬ ফর্মায় অ্যাটিক কাগজে ছাপা সুরম্য প্রচ্ছদ-
পট—দাম দুই টাকা ।



